



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

c
684
80

19. 3

Gr. Hath.
C684.80

Bd. 1873.



DE
H I P P O L Y T O
EPISCOPO, TERTII SAECULI SCRIPTORE.

COMMENTATIO HISTORICO-CRITICA
IN
CERTAMINE LITERARIO CIVIUM
ACADEMIAE GEORGIAE AUGUSTAE
DIE IV. KL. JUNII MDCCCXXXVIII
EX DECRETO
VENERABILIS THEOLOGORUM ORDINIS
PRAEMIO REGIO ORNATA

SCRIPSIT
CAROLUS GUILLIELMUS HAENELL,
LÜCHOVIENSIS.

"Ὅσον νοοῦμεν ἀμφισβállοντες λέγομεν.

Hippolytus de Antichristo cap. 50.

G O T T I N G A E
EX OFFICINA FRIDERICI ERNESTI HUTH.

1864, Dec. 28.

By Exchange of
Duplicates.

Ordinis S. V. de hac dissertatione iudicium :

»Alter laudabili diligentia, quae de Hippolyto scripta sunt, maximam partem legit, et feliciter plerumque adhibuit: in quaestionibus variis, quae de Hippolyto exoriuntur, tractandis et solvendis, etsi nonnullae, quas protulit, opiniones audaciores videantur quam veriores, circumspecte et acute versatus est: oratio tamen passim curas secundas desiderat.»

VIRIS CLARISSIMIS
SUMME VENERANDIS
DAVIDI JULIO POTT

ORDINIS GUELPHICI EQUITI
THEOLOGIAE ET PHILOSOPHIAE DOCTORI
ORDINIS THEOLOGORUM SENIORI
REGI HANNOVERAE A SACRIS IN CONSISTORIO SUPREMO CONSILIIS
MONASTERII MARIAEVALLENSIS IN DUCATU BRUNSVICENSI ABBATI
THEOLOGIAE PROFESSORI PUBLICO ORDINARIO,

GOTHOFR. CHRIST. FRIDER. LÜCKE

THEOLOGIAE AC PHILOSOPHIAE DOCTORI
REGI HANNOVERAE A SACRIS CONSILIIS
THEOLOGIAE PROFESSORI PUBLICO ORDINARIO,

JO. CAROL. LUDOV. GIESELER

THEOLOGIAE ET PHILOSOPHIAE DOCTORI
REGI HANNOVERAE A SACRIS CONSILIIS
THEOLOGIAE PROFESSORI PUBLICO ORDINARIO,

FRIDERICO GUILIELMO RETTBERG

THEOLOGIAE ET PHILOSOPHIAE DOCTORI
THEOLOGIAE PROFESSORI PUBLICO ORDINARIO,

FAUTORIBUS BENEVOLIS
PRAECEPTORIBUS PIE COLENDIS

HASCE STUDIORUM PRIMITIAS

D. D. D.

1883

AUCTOR.

PRAEFATIO.

ORDO THEOLOGORUM SUMME VENERANDUS

postulaverat, ut

de Hippolyto, saeculi tertii scriptore, cum de vitae ejus rationibus, tum de scriptis, quae tribui ipsi solent, dissereretur, denique, quinam usus his tribuendus esset, exponeretur.

Quam quaestionem quum Ordo S. V. proposuisset, non multum post animum meum, qui juvenili ardore incensus ad historicas lucubrationes minus inclinaret, quam ad liberam illam rerum perscrutationem, qualem philosophia concedere videtur, subiit dictum illud magni Schleiermacheri ¹⁾, quo juveniles adhortatus est theologos, ut studium historiae ecclesiasticae ex ipsis fontibus petendum in una saltem quaestione periclitarentur. Quandoquidem igitur data hac occasione meliorem non posse sperari mihi persuaseram, in arenam civium almae Georgiae Augustae descendere sum conatus.

Quod attinet ad tractationis ordinem, eam in tres partes esse dividendam, ex proposita quaestione ipsa satis elucet, ita ut nobis agendum sit

in prima parte de Hippolyti vita,
in secunda de ejus scriptis,
in tertia de dignitate, quae ei theologo attribuenda sit.

1) Kurze Darstellung des theologischen Studiums. 2te Aufl. pag. 79. »Jeder Theologe muss wenigstens an einem kleinen Theile der Geschichte sich im eigenen Aufsuchen und Gebrauch der Quellen üben.«

Quaestioni autem ad quempiam idoneum finem perducendae vires nostras haudquaquam pares arbitramur, praesertim quum de Hippolyto tam pauca a veteribus relata sint, ut de ejus vitae rationibus hodie vix accurate disputari possit. In tantis enim rerum tenebris, quantaе personam et vitam Hippolyti circumdederunt, quid praeter veritatis speciem jam proferre licet? In eo igitur acquievimus, ut probare studeremus, quod ad veritatem proxime accedere videretur. — Ac quidem juvenes juveniliter tractant.

Itaque commentationem, quum clementia atque venia Ordinis S. V. ornata esset, cujus rei intimo pectore gratias dico quam maximas, jussus typis exscribendam timidus curavi. Veniam igitur peto a viris doctis, si qui hasce studiorum primitias dignas putarint, quas inspiciant. — Ceterum hoc tantum precor, ut Deus O. M. praeceptoribus grato atque pio animo dilectis, qui in me juvene erudiendo tantam navarint operam, benedicturus, meas autem vires juveniles adjuturus sit, ut aliquando dignus sim, qui ministrem ecclesiae Domini nostri.

D. Bonnae, die XVIII Augusti, a. MDCCCXXXVIII.

C. G. Haenell.

Pars I.

De Hippolyti vita.

Prooemium.

§. 1. *Diversae de Hippolyti vita sententiae proferuntur.*

Antiquissimi, qui Hippolyti nostri omnino meminerunt, scriptores episcopi dignitatem ei tribuunt, sed non indicant urbem, in qua functus fuerit episcopatu. Inter quos est Eusebius ¹⁾, Hieronymus ²⁾, Theodoretus ³⁾. Gelasius episcopus Romanus ⁴⁾ laudat Hippolytum episcopum

1) Eusebius historia eccl. IV, 20.: *δοκίμως δὲ καὶ Ἰνδόλυτος, ἑπίσκοπος πρὸς αὐτὸς προσηγορίας ἐκλήσας.* Sunt, qui, putantes *πρὸς* significare aliquando, ita illum locum reddere velint: «Similiter Hipp. alterius, circiter Bostram scilicet, Parochiae episcopus.» Sed si ad sententiarum tenorem in illo loco perspicuum respicimus, patet, supplendum esse ad verba *δοκίμως δὲ καὶ Ἰππ. ἑπίσκοπος*; in qua vero urbe functus fuerit episcopatu, indefinite indicatur verbis *ἑπίσκοπος πρὸς* etc. cf. Stephan le moine (Theologus Leydensis) *Varia sacra*. Lugd. Batav. 1684. Tom. I. in prolegomenis ad candidum lectorem. In Scalligeri graeco Eusebii chronico haec leguntur: *Ἰνδόλυτος, ἐπὶ πόλιν, ἐπίσκοπος, ἐπίσκοπος πρὸς τοῦ κατὰ τὴν πόλιν* etc. In chronico autem ex Eusebii Pamphylī lucubrationibus breviato, quod edidit Angelus Majus (veterum scriptorum nova collectio Tom. I. pars 2 p. 4 et 5) Romae episcopus Hipp. nominatur. Sed uterque locus vere Eusebianus esse non potest, quum intelligi nequeat, cur Eusebius, si sedem Nostri episcopalem constituerit in chronico, quod prius confecit quam historiam ecclesiasticam (cf. G. Cave scriptorum ecclesiasticorum historia litteraria. Basilens. 1741. Tom. I. p. 178.), omiserit in hoc libro eadem referre. Deinde quomodo fieri potuerit, ut Eusebius in eodem scripto diversum indicaverit Hippolyti sedem episcopalem, conspici nequit. Accedit, quod Hieronymus, qui Eusebii chronicon legit atque in latinum transtulit sermonem, confitetur, se non potuisse scire nomen urbis, in qua episcopus fuerit Noster. Itaque suspicor, eum, qui breviaverit Eusebii chronicon, addidisse, Hippolytam Romae vernatum esse, id quod de eo postea dicebatur. Eodem modo iudicaverim de loco, quem affert Angelus Majus (l. l. Tom. I. pars 2. p. 173), ubi laudatur ab Apollinario Hipp. episcopus Romae, nam offendit, quod nullo alio testimonio confirmatur, Nostrum ante saec. VI. putatum fuisse Romae episcopum.

2) In chronico et in catalogo scriptorum ecclesiasticorum chap. 61.

3) Cf. titulos fragmentorum, quae ex Hippolyti operibus servavit, infra laudatos.

4) De duabus in Christo naturis (Tom. VIII. bibl. Patr. ed. Lugdun. p. 704).

et martyrem Arabum metropolis. Circa annum 600 exorta videtur opinio, eum Romae fuisse episcopum, quam primo prolatam invenimus a Leontio Byzantino ⁵⁾, tum a nonnullis, qui ejus libros citant ⁶⁾. Itaque hujus opinionis origo derivanda videtur a Graecis. In fine saec. IX. primo nominatur Hippolytus episcopus Portus Romani a Georgio Syncello ⁷⁾. In eodem loco eum collocant Zonaras ⁸⁾ et Nicephorus Callistus ⁹⁾. Recentiores, qui hanc sententiam defendunt, Simon de Magistris ¹⁰⁾, Angelus Majus ¹¹⁾, Ideler ¹²⁾, Platner ¹³⁾. Quae sententia inde originem duxit, quod Hippolyti tempore alius Romae episcopus nominatur, atque ejus nomen omnino non invenitur, in catalogo patriarcharum Romanorum. Commoti statua, de qua in sequenti latius disseremus, qui scripserunt centuriones Magdeburgenses ¹⁴⁾ Nostrum nominant episcopum Ostiensem. Stephanus le moine autem in fine saec. XVII., qui opinatur, Hippolytum vixisse in regionibus orientalibus, conjecit, illum episcopatu functum esse Adanae, cui cognomen fuerit *ἐπισκοπὸν Ρωμαίων* ¹⁵⁾. Quem sequuntur Cave ¹⁶⁾, Oudin ¹⁷⁾ atque novissimus Ullmann ¹⁸⁾. Nominatur etiam Hippolytus episcopus gentium. Novissimi, qui latius de eo disseruerunt, viri docti in dubio relinquunt, ubinam habuerit sedem episcopalem ¹⁹⁾. — Multo autem difficilius est, dijudicare de loco, ubi martyrium subiverit Hippolytus, nam nimis confusa sunt martyrologia, in quibus de eo disputatur ²⁰⁾. Itaque aenigma sane videtur ejus historia tam difficile, ut hodie vix solvi possit.

Additamentum »Arabum metropolis« propter constructionem suspectum videbatur Tillemontio (memoires pour servir à l'histoire ecclesiastique. Tom. 3. p. 622). Cujus sententia refellitur in Actis Sanctorum mense Augusto Tom. IV. p. 506. Certo haud facile fieri potuit, ut illa adjungerentur a postero quodam, quum sententia, in Arabia Hippolytum fuisse, saeci demum XVII. iterum existeret.

- 5) Lectione III. de sectis p. 430. Nicephorus autem (in chronographia) et Anastasius (in hist. eccles.) Hippolytum nominant non episcopum Romanum, sed scriptorem Romanum.
- 6) Ita Joannes Damascenus. cf. fragmenta, quae e Nostri libri ille servavit, infra laudata. — Angelus Majus l. l. Tom. I. praef. p. XXXV; Tom 7. p. 14 et 84. Ibidem vero p. 68 et 134 ex ejusdem scriptis fragmenta citantur, in quorum inscriptionibus non mentio fit sedis episcopalis Hippolyti.
- 7) In chronographia ad annum 215.
- 8) Tom. 2. Annal.
- 9) Hist. eccles. IV, 31.
- 10) Daniel secundum LXX. ex tetraplis Origenis. Rom. 1772 in praef. M VII. p. XXVI sqq.
- 11) l. l. Tom. I. praef. p. XXXV.
- 12) Handbuch der mathematischen und technischen Chronologie. Bd. 2. S. 213.
- 13) Beschreibung der Stadt Rom von Platner, Bunsen, Gerhard, Röstel. Bd. 2. Abtheilung 2. p. 329.
- 14) III, 10.
- 15) L. l. Tom. I. in prolegom. ad candidam lectorem.
- 16) L. l. p. 102.
- 17) Commentarius de script. eccles. antiquis Tom. I. p. 222.
- 18) De Berylo Bostreno. Hallisches Weihnachtsprogramm. 1835. p. 8.
- 19) Gieseler Kirchengeschichte. 3te Aufl. Th. I. p. 274. Neander Kirchengeschichte Th. I. Abtheil. 3. p. 1148. Schmidt Handbuch der Kirchengeschichte Th. I. p. 519 sqq.
- 20) Cf. Acta sanctorum (mensis Augusti Tom. IV. p. 506).

§. 2. Quo tempore Hippolyti statua confecta fuerit.

Inter testimonia de Hippolyti vita non parvi momenti habendum videtur monumentum antiquum, quod anno 1551 in aede Laurentiana ad Urbem Romam effossum est. Qua statua, quamquam tacitum relinquitur nomen, significari Hippolytum nostrum constat, quum in illa inveniantur et canones sedecim annorum paschalis et lemmata librorum, quorum auctorem Eusebius et Hieronymus illum faciunt¹⁾. Quod antiquum monumentum a Marcello II. in bibliothecam Vaticanam deportatum nunc invenis introiens in illud museum vaticanum, in quo servantur antiquitates christianae²⁾. Inferiorem tantum figurae partem atque sellam, in qua sedet episcopus, ex antiquo tempore originem ducere, contendit Platnerus³⁾. Caput illius statuac recentiori tempori adjudicandum esse, docet Hase⁴⁾. Ante septimum, non vero ante quartum saeculum confectam esse statuam, Platnerus concludit ex litterarum forma. Non ante saec. V. statuam confectam esse, ex eo quoque recte concludit, quod cogitari nequeat, jam ante saec. IV. in illis terris Christiano alicui positam esse statuam⁵⁾. Quam multum post Hippolytum mortuum confectam esse, inde quoque probatur, quod catalogus librorum in illa designatus omnino mancus est: Sane igitur longum est spatium, cujus certum temporis momentum investigare debemus statuac confectae. Eam perfectam esse saec. IV. cogitari nequit, nam si tum adfasset in illo loco, in quo reperta est, Hieronymus, qui diu Romae versatus diligenter studuit historiae ecclesiasticae, eam esse scivisset ejusque mentionem fecisset. Vix ejus origo derivanda est a saec. V.; nam expectandum videtur, Gelasium, Romae patriarcham, qui magni aestimavit Nostrum, si de marmoreo illo monumento cognovisset, aliquo modo ejus meminisse, idque eo magis, quum eam offendere debuerit, quod Hippolyto, quem Arabum metropolis episcopum et martyrem putaverit, statua ad Romam collocata fuerit. Idem eo confirmatur, quod a Victorio Aquitano⁶⁾ traditur, in Hippolyti canone paschali inveniri inter sedecim annos unum saltam lunae, quamquam in statua ipsa duo annotantur anno tertio et undecimo. Quum autem Victorius ille per Hilarium papam Romae commotus esset, ut eraceret canones, ex quibus diversae de

- 1) De canone paschali atque catalogo librorum in statua designato alio loco (§§. 13 et 16.) amplius disseremus.
- 2) Cf. Platner l. l. Designata est statua apud Fabricium (Hipp. opera. Vol. I.), d'Agincourt (Sculpture Tab. III, L.), Angelum Majan (l. l. in fronte Tom. I.) l. l. p. 329.
- 3) Kirchengeschichte S. 109 edit. secundae.
- 4) Si Ideler (l. l. p. 224) inde, quod ratio, qua compositus est canon paschalis, vitiosa est, concludit, statuam esse confectam non multum post Hippolytum mortuum, cum eo consentire non possumus, nam cur non liceat putare, illam esse confectam, ut memoria illustris patris, qui bene meruerit de rebus christianis, celebraretur (cf. Platner l. l.), vel ut posteris canone inscripto traderentur principia, ex quibus computare solebant Latini Dominica paschalem cf. p. 8 et 143.
- 5) Cf. apud Idelerum l. l. p. 277.
- 6) Cf. Idelerum l. l. p. 277.

die paschali ortae essent sententiae⁷⁾, opinari licet, Hilarium, si de statua cognovisset atque de canone in illa inscripto, Hippolyti canonem descriptum Victorio misisset, ut rectius iudicare posset. Itaque quum statua confecta videatur saec. VI., quaerendum est, num occurrat in historia certaminis, quod erat de Dominica paschali, aliquid, quod ansam statuae conficiendae fortasse praebuerit. Talis ansa vero nobis occurrere videtur in saec. VI. medio in eo, quod Dionysius exiguus Romanis persuadere studuit, ut sequerentur in paschali festo computando canonem Alexandrinum⁸⁾. Quo efficiebatur, ut Latini ipsi discordes inter se bellarent⁹⁾. Victorius enim Aquitanus non accurate constituerat, quo die anni 550 celebrandum esset festum paschale, sed duos indicaverat dies (17 et 24 mensis Aprilis), inter quos eligere liceret. Nonnulli igitur Latini per Dionysium illum commoti voluerunt, festum celebrari ex principiis Alexandrinae computationis die 24 mensis Aprilis, alii autem ex principiis computationis latinae die 17 mensis Aprilis. Verisimile vero videtur, Romanos, quum Victorius diem paschalem anni laudati dubium reliquisset, respexisse ad canones, quibus prioribus saeculis usi fuissent. Quum autem, quia multi Latini eo tempore jam fovebant principia computationis Alexandrinae, timendum esset, ne Romanorum festi paschalis computandi methodus omnino periret, opinari sane possumus, Romae pontificem et antistites, qui imperium summum arcessere studerent, curasse statuam conficiendam eo consilio, ut, etiamsi ex canone Hippolyti Dominicam paschalem computare nollent, principia tamen Romanae computationis probata testimonio illius veteris atque celeberrimi patris posteris traderentur. Itaque fieri potuit, ut illi etiamsi non putarent, Hippolytum in terris versus Occidentem situs vixisse, ei ad Romam statuam collocarent. Annotandum est, statuam eodem loco repertam esse¹⁰⁾, in quo Hippolyti cujusdam coemeterium collocat Prudentius¹¹⁾. Inde concludit Platnerus¹²⁾, Hippolytum vere Portus Romani fuisse episcopum. Sed minus recte; nam inde hoc tantum patet, illo tempore, quo statua confecta fuerit, putatum fuisse Hippolytum martyrem Portus Romani, non autem ejusdem urbis episcopum. Quum autem infra¹³⁾ demonstraturi simus, a Prudentio laudatum esse aliquem alium Hippolytum, patet aliud Hippolyti reliquias servatas esse in illo coemeterio, in quo inveniebatur Nostri statua, indeque constat, illam de Nostri martyrio sententiam, inde ortam, quod duo viri ejusdem nominis commiscerentur, omnino veritate carere.

Quum in illo loco martyrem Nostrium fuisse Romani tradiderint in medio saec. VI., in fine ejusdem saeculi facile existere potuit apud Graecos opinio, Nostrium non solum fuisse martyrem sed adeo episcopum Romae¹⁴⁾.

7) Ibid. p. 284. 8) Ibid. p. 283. 9) Ibidem, cf. Bedae de temporum ratione cap. 49. 10) Cf. Platnerum l. l. p. 823. 11) *apud occidens* Hymn. 11. 12) Ibidem. 13) §. 6. 14) Si Romae eo tempore non solum martyr sed adeo episcopus Portus Romani putatus fuisset, videre non licet, quomodo factum sit, ut non multum post

Caput I.

Quaeritur, quo tempore Hippolytus vixerit.

§. 3. Temporis spatium, in quo vixerit, in universum constituitur.

Constat Hippolytum tertio post Christum saeculo atque inter ejus priores quinquaginta annos vixisse ¹⁾. Difficillimum autem est, accurate constituere et probare, inde a quo usque ad quem annum vitam degerit. Hoc tantum constat; illum floruisse inde ab anno 222 usque ad annum fere 231, nam ab anno 222 incipit canon paschalis, cujus auctor est ²⁾; ante annum 231 autem confectus esse non potest ejus liber, quem composuit contra Noëtum ³⁾. Accuratus tamen spatium nobis definituris occurrunt hae duae quaestiones: 1) num fuerit Irenaei discipulus; 2) num et quando martyrium subiverit.

§. 4. Hippolytus fuit Irenaei discipulus ¹⁾.

Hippolytum fuisse Irenaei discipulum refert Photius ²⁾. Cujus quidem auctoritas non ita gravis est, ut ejus verbis solis confidamus. Sed quum contendat, Hippolytum ipsum testari in libro contra haereses, se Irenaei doctrinam secutum esse ³⁾, deinde quum scriptis Nostri, quae cognovimus, non insint quae sententiam illam refutent ⁴⁾; non habemus, quod dubitemus, quin vere ejus discipulus fuerit. Quae similia apud utrumque docentur facile apparebunt ex iis, quae de doctrina Hippolyti infra dicturi simus ⁵⁾, nonnulla tamen hoc loco annotare placet.

1) Patet, Hippolytum de Antichristo cap. 50., ubi exponit, quid Apc. 13, 18. significet numerus 666, respexisse ad Irenaei interpretationem hujus loci. Examinat enim triplitem illius numeri interpretationem Irenaeo peculiarem ⁶⁾. Omnino eodem modo uterque disserit de Anti-

Graeci, qui nescire non potuerunt, alios Hippolyti tempore praefuisse episcopatui Romano, hujus episcopatum in Romam ipsam transtulerint.

1) Euseb. hist. eccles. VI, 24—25. Hieronymus in catalogo cap. 61 et in chronico. 2) cf. §. 16. 3) cf. §. 6 et 46.

1) Clementis Alexandrini discipulum Nostrum fuisse referunt Baronius (Annales ad annum 229 §. 4. et Bullus (de defensione Fidei Nic. III, 8.); sed neque quicumque veterum illud testatur, neque insunt ejus scriptis, quae sententiam illum confirmant atque probent. cf. §. 64. Miror, quod Mosheimius (institut. hist. eccles. p. 125) contendit, Hipp. totum fuisse Origenianum.

2) Biblioth. cod. 121.

3) Ibid. ταύτας (αἰρέσεις) δὲ θῆσιν ἡλέγχους ὑποβληθῆναι ὁμολοῦντος Εἰρηναίου, ὅτι καὶ σὺν ὧν δ' Ἰππολύτου ποιούμενος τὸ ἐκ βιβλίου θῆσιν συνετάχθη.

4) Vgl. Neander Kirchengeschichte 1r Bd. 3te Abthl. p. 1147. Schmidt Kirchengeschichte 1r Thl. p. 519. Dissentiant quidem Hipp. et Irenaeus, in minoribus tamen tantum, exempli causa in eo, quod in diverso anno mortem Christi collocant. 5) Cf. §. 64.

6) Πολλὰ γὰρ εὐρίσκωμεν ὁνόματα αὐτῶν ἐν ἀριθμῷ (666) λόγῳ περιεχόμενα, ὅσον

christo ejusque in mundum adventu⁷⁾. Ita nixi eodem apud Jeremiam loco⁸⁾ contendunt, Antichristam esse ex tribu Dan. Antichristum non cogitant diabolum ipsum, sed virtutem diaboli modo ei adscribunt⁹⁾.

2) Irenaeus docuit¹⁰⁾, justos usque ad diem ultimum in palatio aliquo loco, in paradiso, coram deo versari, fore autem illo die, ut animae eodem vestiantur corpore, in quo vitam priorem degissent. Eodem fere modo disserit Hippolytus hac de re¹¹⁾.

3) Irenaei discipulum non solum in pugna contra *γνώσιν ψευδονύμων* invenies Hippolytum, sed idem adeo cum Irenaeo inhabitasse videtur ei odium contra omnem formam, quae Alexandrinorum more modoque christianam doctrinam philosophicis maxime Platoniciis misceret. Erat fortasse in tractandis notionibus dialectica arte Irenaeo acutior, cum vero regebat non minus fida quam integra scripturae sacrae perceptio, quae, apertis istis vagis Gnoseos somniis, res intellexit, sicut verba praebent. Si reputaverimus, Aegyptum vicinasque regiones, in quibus Noster versatus esse videtur¹²⁾, Alexandrinis studiis gnoseosque admiratione plenas isto tempore fuisse, dubitabimus, an singularis ejus ratio huic generi paulo infestior aliunde explicari possit nisi a magistri cujusdam auctoritate, quem praeter Irenaeum nominare possum neminem.

Quaerere autem possit aliquis, quonam sensu Irenaei discipulus audiat Hippolytus, num ejus familiaritate usus fuerit, an in scripta ejus incubuerit. Se versatum fuisse in Irenaei scriptis, ipse confitetur apud Photium¹³⁾; utrum vero familiariter etiam usus fuerit Irenaeo; pendet a sola voce *ὁμιλοῦντος*. Quae vox intelligi potest de argumento sacro pro concione tractato¹⁴⁾. Hippolytus igitur confiteri potest, se ex iis, quae Irenaeus contra haereses publice disputaverit, postea autem litteris tradiderit, ausam ad refutandos haereticos sumpsisse. Ita quidem vix opus erit, ut Hippolytum Orientis fines excessisse putemus. Sin vero primam verbi *ὁμιλεῖν* tenemus notionem, concedamus necesse est, Hippolytum consuetudine conjunctum fuisse cum Irenaeo. Dubii igitur rem in suspensio relinquere volumus, arbitramur tamen, tenendam esse vulgarem illius verbi notionem¹⁵⁾. Sin consuetudine conjunctus fuit cum Irenaeo Hippolytus, sequitur, Nostrum, quum ille martyrium subierit anno

- ... τὸ Τριτὸν ἔστιν . . . ἡ τὸ Εὐάγγελος . . . παρὰ τὸν δ' ἔστιν πᾶσι, ὅτι οἱ κρα-
τούντες ἐν τῷ νῦν εἶσι δόκτοι. cf. Irenaeus contra haeres. V, 30.
7) Hipp. de Antichrist. cap. 14 sqq. cf. Iren. l. I. V, 25—31.
8) Jerem. VIII, 16. Hipp. l. I. cap. 15. cf. Iren. l. I. V, 30.
9) Hipp. l. I. cap. 57 et 14. cf. Iren. l. I. V, 25. cf. §. 40. p. 92.
10) L. I. II, 23. cf. §. 64.
11) Contra Graecos (edit. Fabr. Tom. I. p. 221) οἱ (διδασκῶντες) ἐν τῷ αὐτῷ νῦν μὲν συνι-
χονται, ἀλλ' οὐκ ἐφ' αὐτῷ τόπῳ, ὃ καὶ οἱ ἀδελφοὶ . . . οὗτος δ' ἐπεὶ αὐτῶν
λόγος ἐν τῷ ψυχῇ πάντων κατέχεται ἀπὸ καιροῦ, ὃν ὁ Θεὸς ὤρεται, ἀνάστασιν τότε
πάντων προσησμένους, οὐ ψυχὰς μετασσωμάτων, ἀλλ' αὐτὰ τὰ σώματα ἀνιστῶν. cf. §. 49.
12) Cf. §. 12.
13) Cf. laudata in Nota 6.
14) *ὁμιλεῖν* pro «orationem ad populum habere» occurrit apud scriptores ecclesia-
sticos. Cf. Antecyr. Can. I. et Stephani thesaurum graecae linguae Vol. 5.
p. 6743 et 44. Prior autem verbi notio est «conversari cum aliquo.» cf. ibid.
15) Familiaritate alicujus uti.

202¹⁶⁾, natum esse non post annum 180. — Vix autem dixerim, cum Smyrnae audisse Irenaeum, nam, quum verisimile sit, Polycarpum in vivis fuisse eo tempore, quo Irenaeus patriam relinqueret, mirum sane videri debet, quod non ipsius Polycarpi Noster audiat discipulus. Inde autem, quod Lugduni cum Irenaeo conversatus esse videtur, non necessarie sequitur, Hippolytum genere Gallum fuisse, id quod volunt Benedictini¹⁷⁾; nam fieri sane potuit, ut ille commotus magna Irenaei auctoritate ex peregrinis terris eum peteret. Quin imo, quum ne unum quidem fragmentum ab Hippolyto latino sermone conscriptum hodie habeamus, contendam, eum gente fuisse Orientalem.

§. 5. Num fuerit martyr Hippolytus.

Jam sumus ostensuri, quo fere anno mortuus esse videatur Hippolytus. Qui quum vulgo martyr nominetur, investigandum nobis est, quando martyrium subierit, antea autem probandum est, illum vere fuisse martyrem. Primus veterum Nostrum martyrem nominat Hieronymus¹⁾. Mirari autem possit aliquis, quod martyrii Hippolyti non meminerit eo loco, quo amplius de eo disputarit (in catalogo cap. 61.). Quem librum quum ante illos modo laudatos conscripserit²⁾, non video, cur non fides tribuenda sit illis locis. Idem probatur eo, quod qui servaverunt Nostri scripta, in omnium fere librorum titulis ei martyris dignitatem tribuunt. Inter quos est maximi momenti Theodoretus³⁾ et Gelasius⁴⁾. Itaque non dubitamus, quin adeptus sit martyris coronam Hippolytus, vir tam illustris, quem non exspectari possit effugisse insidias, quas imprimis ecclesiae antistitibus imperatores Christianis infestare solebant.

§. 6. Refutatur sententia, Nostrum martyrium subisse Decio imperante¹⁾.

Sunt: qui putent, Hippolytum vixisse usque ad Decium imperatorem, in his mixti causis:

1) Nostrum scripsisse ad reginam quandam, quae putanda sit Severa Philippi Arabis uxor. Nos autem infra demonstrabimus, dubium esse, quae fuerit illa regina²⁾.

2) Nostrum refutasse Noëtum, quem vixisse anno circiter 245 retule-

16) Cf. Greg. Turon. hist. Francorum. I, 29. Hieronym. in Jesaiam. cap. 64.

17) Histoire littéraire de la France. Tom. 1. Part. 1. p. 361.

1) In commentario ad Matthaeum. Praef. p. VII. Tom. 7. edit. Vallarsii. in epistola 125 ej. edit. ad Damasum quaest. 3.

2) Cf. G. Cave l. l. p. 269.

3) Cf. quae ex nostri scriptis laudat in dialogis.

4) L. l.

1) Martyrologia, in quibus de variorum Hippolytorum martyrio disputatur, tam confusa atque corrupta sunt, ut vix ullam fidem mereantur. Quae igitur omnino negligere conamur; latius autem de iis disseritur in actis Sanctorum l. l. p. 505.

2) Cf. §. 52.

rit Epiphanius ³⁾. Sed nixi in Gieseleri ⁴⁾ viri clarissimi auctoritate contendimus, illum anno 230 excommunicatum esse. Itaque, quum Hippolytus ipse dicat, Noctum non multum, antequam ipse contra illius haeresin conscripserit, floruisse, verisimile videtur, Nostrum conscripsisse illum librum longe ante annum 250.

3) Ad eandem sententiam probandam profertur testimonium Prudentii, qui Hippolytum aliquem martyrem laudet ⁵⁾. Ex Prudentii vero carmine hoc tantum liquet, Hippolytum presbyterum, olim sectae Novatianae fautorem, martyrium subisse, ejusque reliquias ad coemeterium Romanum fuisse translatas. Non ita perspicuum patet, eundem presbyterum episcopatu functum esse et conscripsisse opera, quae vulgo Hippolytana laudentur ⁶⁾. Carmine ipso nullo loco indicatur, hunc Hippolytum esse eundem, de quo nunc disserimus ⁷⁾.

Causis igitur refutatis, quae ad sententiam illam probandam prolatae sunt, nonnulla afferre placet; quibus verisimillimum redditur, Nostrum non usque ad Decium imperatorem vixisse.

1) Hippolytus, si vixisset anno 249, intellexisset, quam vitiose canon suus paschalis sit compositus. Illo enim anno luna prima ex ejus canone quattuor fere diebus ante indicatur, quam in coelo vere accidit ⁸⁾. Id quod Hippolytum effugere non potuit, qui primo cycli anno lunam primam constituit ex observato lunae in coeli motu ⁹⁾. Quod si intellexisset, corrigere sane studuisset canonem suum.

2) Opinari, licet Hippolytum, qui in Arabia episcopatu functus esse videatur ¹⁰⁾, si anno 244 vixisset, maximas habuisse partes disputationum, quae de Berylli doctrina illo tempore agebantur. Dixerit aliquis, hac re nihil probari, quum non relatum sit, Hippolytum earum non participem fuisse. Quum vero Berylli doctrina e doctrina Hippolyti evasisse videatur ¹¹⁾, equidem dubito, num Beryllus Hippolyto nixus sententiam suam revocaverit. Sin Hippolytus oppositus fuisset Beryllo, verisimile videretur, eum, qui omnes haereses refutaret ¹²⁾, contra Beryllum etiam disputasse, id quod nobis relatum fuisse, contendere licet, quum gravissima fuerit Hippolyti auctoritas.

3) Alexander, episcopus Hierosolymitanus, qui defunctus est anno 251 ¹³⁾, collegit Nostri opera ¹⁴⁾. Hippolytus igitur nonnullis annis ante annum 251 mortuus esse videtur.

Quae quum ita sint, justo jure negamus, Nostrum Decio demum imperatore martyrium subisse.

3) Haeresi 57.

4) L. I. p. 249.

5) *περί στέφανου* Hymnus XI.

6) Cf. Prud. carmina ed. a F. Arevalo. Rom. 1784. Tom. 2. p. 1162. Not.

7) Cf. J. Basnage in Canisii lectionibus antiquis. Tom. 1. p. 4 et 5. In actis sanctorum mens. Augusti Tom. III. p. 7 exponitur, militem aliquem a Prudentio laudatum esse.

8) Quibusque enim sedecim julianis annis praeterlapsis plenilunium tribus fere diebus serius cadere, quam Hipp. canone indicetur, infra (§. 16.) docebimus.

9) Cf. Ideler l. I. p. 217.

10) Cf. §. 12.

11) Cf. §. 64.

12) Cf. §. 44.

13) Euseb. VI, 39.

14) Ibid. VI, 20.

§. 7. *Videtur martyrium subisse Maximino imperatore.*

Refertur, Maximinum persecutum esse imprimis eos ecclesiae christianae doctores, quorum familiaritate usi fuerint Alexander ejusque mater ¹⁾. Inter quos fuit Origenes, quem Julia Mamaea Antiochiam accessivit ²⁾. Cum Origene autem amicitia conjunctus fuisse videtur Hippolytus, qui praesente illo habuit homiliam ³⁾, atque praeterea illum incitasse videtur ad componendos in sacra scripta commentarios ⁴⁾. Itaque concludi liceat, Hippolytum Juliae Mamaeae vicinum ⁵⁾, nisi antea illi familiaris fuisset, commendatum ab Origene in regiam aulam venisse. Quem cognitum fuisse Juliae Mamaeae, verisimilius quoque videtur, si valet sententia, quam infra ⁶⁾ probare studebimus, epistolam scilicet Hippolyti ad reginam quandam Juliae Mamaeae datam esse. Sin igitur verisimile videtur, Nostrum regiae illius familiae amicum fuisse, divinari licet, Maximinum eum quam maxime vexavisse. Sed ut ille non fuerit familiaris Alexandro atque Juliae Mamaeae, Maximinus tamen certo studuit remove re virum atque episcopum, celebrem, qui graviter invectus esset in Romanos ⁷⁾. Quo die et ubinam martyrium subiverit Noster, has quaestiones certis testimoniis omnino destituti mittimus. Fieri sane potuit, ut in itinere interficeretur, sed ad Romam illum caesum esse, minime putamus, quia Hieronymus locum nescivit, in quo martyrium subisset, atque videre licet, quomodo falsa illa opinio orta fuerit (cf. §. 2.).

Caput II.

Quaeritur, quo loco functus fuerit episcopatu Hippolytus.

§. 8. *Hippolytus fuit episcopus.*

Constat, Hippolytum fuisse episcopum Eusebio ¹⁾ et Hieronymo ²⁾ testibus. Heumannus ³⁾ vero putat, eum non functum esse episcopatu aliquo ecclesiastico, his quidem causis commotus:

- 1) Idem VI, 28.
- 2) Idem VI, 21.
- 3) Hieronymus in catalogo cap. 61.
- 4) Cf. §. 59.
- 5) Cf. §. 12.
- 6) §. 52.
- 7) De Antichristo cap. 25. et 50. — In Actis Sanctorum (mensis Augusti Tom. IV. p. 507), ubi quidem sententia nostra refellitur, inter causas, quae nostram probare videntur, haec profertur: ex martyrologiis patere Nostrum fuisse martyrem Ulpio consule, Ulpium autem consulatu functum esse Maximino imperatore. Sed Ulpii nomen non occurrit apud Eckhel (doctrina veterum nummorum Pars II. Vol. VII. p. 296 et 297), qui hos nominal consules Maximino imperatore; anno 235 Severum et Quintilianum, 236 Maximinum et Julium Africanum, 237 Perperium et Cornelianum, 238 Pium et Poetianum.
- 1) VI, 20.
- 2) Catalog. cap. 61.
- 3) Primitiae Goettingenses p. 240 sqq.

1) Quia necesse sit, Hieronymum, tot exstantibus Hippolyti libris, scivisse locum, in quo fuerit episcopus.

2) Quia verisimile sit, ecclesiam, cui praefuerit, professam esse atque praedicasse, illum ipsius fuisse antistitem, id quod, ei laudi versum fuerit maximae.

Qua ex re suspicatur Heumannus, episcopum hic ampliori sensu significare inspectorem, qui praefuerit alicui civili muneri. Hippolytum autem, quum multis libris christianam doctrinam illustraverit atque defenderit, nullo modo putare possumus, munere civili functum esse. Praeterea si fuisset Laicus, eo magis opinandum esset, notum fuisse, in quo oppido civili muneri praefuisset, quum ipse Laicus eruditione atque sacrae scripturae cognitione multos superaret episcopos. Verisimillimum denique videtur, Hieronymum, qui tam diu Romae versatus fuerit, scivisse, Nostrum episcopatu civili praefuisse Portus Romani, in quo loco eum fuisse contendit idem Heumannus. — Sunt, qui ex Hieronymi epist. 70 ad Magnum concludant, Hippolytum fuisse senatorem Romanum. Sed quum in nonnullis codicibus legatur pro "senatores" "senator" ⁴⁾, atque quum illa dignitas Nostro non tribuatur ab Hieronymo in catalogo, hoc loco legendum putō "senator". Deinde quum vix invenias, episcopum una senatoris munere functum esse Hippolyti tempore, nullo modo eum senatorem fuisse concedimus.

Archiepiscopi dignitatem ei tribuit G. Syncellus ⁵⁾, sed quum idem illum in alio ejusdem libri loco ⁶⁾ nomet episcopum, sententiam illam refutamus, quae omnino veterum testimoniis caret.

Denique quidam conjecerunt ⁷⁾, Hippolytum fuisse episcopum gentium. Quam tamen dignitatem a seriore tempore originem ducere, constat.

§. 9. Hippolytus non fuit episcopus Romae.

Jam vidimus (cf. §. 1.), quomodo et quando orta sit sententia, Nostrum Romae functum esse episcopatu. Testimoniis igitur externis non eogimur, ut illam sententiam, quae hodie ab omnibus rejiciatur, veram putemus. Accedit, quod in catalogo Romae pontificum omnino non occurrit nomen Hippolyti, atque alios ejus aetate Romae fuisse episcopos, testatur Eusebius. Deinde quomodo effugere potuit Hieronymum, Nostrum, si vere Romae episcopatu praefuisset, ibi versatum esse?

§. 10. Non fuit Portus Romani episcopus.

Si constat, Nostrum non fuisse episcopum Romae, eo minus verisimile est, eum Portus Romani habitasse ¹⁾. Nam supra exposuimus (§.

4) Cf. Heumann l. l. p. 246 et in Poecile Tom. 2. lib. III. p. 347.

5) In chronographia ad annum 215 p. 315, apud Fabric. Vol. I. p. 43.

6) Ibidem p. 358 apud Fabric. Vol. I. p. 42.

7) Hist. luter. de la France par des religieux Benedictins, Paris 1733. Tom. 1. Part. 1. p. 363.

1) Inter recentiores, qui defendunt hanc sententiam, gravissimus est Simon de

1.), hanc sententiam ex illa profluxisse saec. IX., quum intelligeretur, eo tempore, quo Hippolytus vixerit, alios Romae pontifices exstitisse²⁾. Atque quomodo fieri potuit, ut Hieronymus nesciret sedem ejus episcopalem, si illa vere ibi fuisset? Deinde quum nullus nominetur illius loci episcopus ante concilium Arelatense nisi Hippolytus noster, dubium videtur, num saec. III. ibi condita fuerit ecclesia³⁾. — Omnino putare non possumus, Nostrum vixisse in Italia; nam

1) confecit multos in sacra scripta commentarios, quibus studere nunquam, minime vero Hippolyti tempore, mos fuit Romanorum.

2) Romani, qui illo tempore scripserunt, philosophiam neglexerunt, Romanorum ingenio a philosophia omnino abhorrente. Noster autem in veterum philosophorum scripta ipsa incubuisse videtur⁴⁾, ipse dialectica arte exponere studuit notiones sacrae scripturae.

Nostrum in Italia episcopatu aliquo functum esse, eo probari videtur, quod in computando festo paschali Latinorum secutus est methodum⁵⁾. Qua re nihilominus sententia nostra refutatur, nam eandem methodum Hippolyti tempore usurpasse nonnullos, qui in Orientalibus terris vixerunt, constat⁶⁾.

Quibus disputatis apparet, Centuriatores Magdeburgenses, qui Nostrum sedem episcopalem in Ostiis ad Romam collocent⁷⁾, omnino errore captos esse.

§. 11. Non fuit Hippolytus episcopus Adanae.

Stephanus Moynius¹⁾ putat, Hippolytum fuisse episcopum Portus Romani in Arabia sive Adanae. Est sane in Arabia felice urbs Adana, cui Philostorgius addit cognomen τὸ ῥωμαϊκὸν ἐμπορίον, quo iis, qui ex Romanis veniunt, appellati mos est²⁾. Id quod repetit Nicephorus. Jam vero Stephanum fugit, quod Hippolytus primo Romae episcopus fuisse narratur, quae traditio postea in illam commutata est, ex qua Portus Romani ad Romam fuit episcopus. Nam si vice versa traditio exulta

Magistris, qui in eo acquievit, quod refellere studuit causas repugnantes; non autem avertit, quibus suam opinionem stabiliret, nisi quod in illa regione inventa sit Nostrum status. (l. l. in praefatione M VII: p. XXVI.) cf. Angelum Majum (l. l. Tom. I. in praefatione p. XXVI.).

2) Cf. Angelum Majum l. l.

3) Ughelli Italia sacra. Venet. 1717. p. 110.

4) Cf. §. 49.

5) Euseb. IV, 26. V, 23. Apollinaris in der Vorrede zum Chronicon paschale edit du Fresne p. VI sqq. Cf. Rettberg der Paschastreit der alten Kirche in Ilgen's Zeitschrift für historische Theologie II. Band. 2tes Stück p. 116 sq. Neander über die ältesten Paschastreitigkeiten der christlichen Kirche im kirchenhistorischen Archiv von Stäudlin etc. 1823. Heft 2. p. 97 sqq. Cf. §. 16. et 58.

6) Quum ipse invenire non potuerim in Hipp. scriptis, quae defendant, eum in Occidente vixisse, putem, illum in libro de evangelio et apocalypsi Joannos, quos dicunt, refutasse.

7) III, 10.

1) Varia sacra in prolegom. ad candidum lectorem.

2) Hist. eccles. III, 41

esset, concludere Stephano licuisset, Hippolytum episcopum Portus Romani, qui ad Romam fuit, putatum esse inde, quod posteris urbs Adana in Arabia sita haud cognita fuisset. Deinde eodem Philostorgii loco, quem modo laudavimus, traditur, religionem Christianam in illa regione, in qua fuit urbs Adana, per legatos a Constantio missos propagatam esse ³⁾. Etiam si dubius videretur auctor Philostorgius, non video tamen, cur, quum nullus vir doctus negare conatus sit ⁴⁾, per illos legatos a Constantio missos Adanae aedificatam esse ecclesiam, non sequar Philostorgiam, qui plane vanam Stephani conjecturam demonstret.

§. 12. *Hippolytus episcopatu functus esse videtur in Arabia.*

• Omnibus igitur refutatis sententiis, quae de Nostri sede episcopali prolatae sunt, hoc tantum tenemus, Hippolytum in Orientalibus terris episcopatu functum esse (cf. §. 10.). Idem inde elucet, quod Alexander episcopus Hierosolymitanus Nostri collegit opera ¹⁾, et quod Hieronymus eum conjungit cum Beryllo et Geminiano Presbytero Antiocheno ²⁾. Sin autem Hippolytus adolescens versatus fuerit in Occidentalibus regionibus, quaerenda est causa, cur Hippolytus in Orientem redierit. Quae videtur haec esse. Hippolytus, quum Irenaei exemplo incitatus particeps evasisset certaminis, quod gerebatur de festo Paschali, petiit Orientem, ut accuratiorem sibi pararet cognitionem artis astronomicae. Quae eo tempore imprimis in Aegypto exulta erat ³⁾. Vel fortasse circa annum 196 profectus est in Orientem, ut methodum, ex qua Latini computare solerent festum paschale, defenderet Ephesi, in quam urbem Polycrates illo anno convocaverat synodum ⁴⁾.

Non autem accuratius probari potest, in qua terra, nedum in qua urbe episcopatu functus fuerit. Conjicere tamen nonnulla, quae aliquam verisimilitudinis speciem prae se ferunt, audeo. Gelasius enim episcopus Romanus Hippolytum nominat episcopum Arabiae metropolis, neque habemus, cur dubitemus, quin in illa terra fuerit episcopus. Constat, saeculo secundo et tertio christianam religionem in Arabia multum progressam esse. Pantaenus ⁵⁾ enim celeberrimus Alexandrinus atque postea Origenes ⁶⁾ in eam profecti sunt. Ita fieri etiam potuit, ut Hippolytus in Oriente versatus Arabiam peteret. Nostrum diu versatum esse in Arabia, hoc omnino refutari non potest, quia imo multa probare videntur, eum ibi versatum esse. Nam

3) Ibidem *ἱερίων* (sc. *ἐκκλησιῶν καθιδρύσαστο*) ἐν δὲ τῷ *Πανσύνδῳ* ὑπάρχον ἐκτίχοντες, καὶ πρὸς τὸν ἀνατολὴν τετραμήνην καλοῦσι δὲ τὸ χωρίον *Ἀδάνα*, ἔθθα καὶ τοὺς ἐκ *Ρωμαίων* ἀποστολικοὺς ἰδοὺς ἢ καθορμημένους.

4) Hoc tantum negant nonnulli, a Theophilo Ariano Adanae esse conditam ecclesiam, sed a Frumentio orthodoxo eam aedificatam volunt. Cf. Philostorgii hist. ecclēs. ed. Reading p. 488 Not. a. Jacob. Gothofredum in disputationibus ad Philost. hist. ecclēs. p. 111. Baronii annales ad annum 356 A. 23. Pagi ad annum 356 n. 12, 20. Hamberger zuverlässige Nachrichten von den vornehmsten Schriftstellern u. s. w. Thl. 2. p. 503. Gieseler I. l. p. 616.

1) Euseb. VI, 20.

2) In chronico.

3) Cf. Rettberg I. l. p. 118.

4) Euseb. V, 24.

5) Id. V, 10. Cf. Ullmann I. l. p. 7.

6) Id. VI, 19.

1) scripsit contra eos, qui simul cum Judaeis pascha celebrare voluerunt ⁷⁾. Videntur autem in Arabia multi fuisse Christiani, qui a Judaeis originem duxerunt ⁸⁾.

2) Probare studuit praecipue, fuisse in Christo duas naturas, de quo dogmate multum disputabatur in Arabia ⁹⁾.

Uterius progredientes suspicamur, Nostrum fuisse episcopum Bostrae. Bostram enim Arabiae metropolim fuisse, tum viri docti contendunt ¹⁰⁾, quum nummis quibusdam confirmatur. Deinde nummis quibusdam testibus constat, Bostram, antea Castellum, non ante Severum Alexandrum in urbem esse deductam ¹¹⁾. Quod si verum est, videtur non verisimile, ibi ante Juliam Mammaeam aedificatam esse ecclesiam ¹²⁾. Maximino autem imperatore Bostrae fuisse episcopatum constat ¹³⁾. Itaque incidi in sententiam, Hippolytum, virum celeberrimum, insignem doctrinae christianae propugnatorem, Mammaeae familiarem, ibi condidisse ecclesiam. Hieronymus nobis refert ¹⁴⁾, Beryllum lapsum esse in haeresin, quum aliquanto tempore ecclesias gloriose rexisset. Tempus igitur sane quadrat, si conjicimus, Beryllum fuisse successorem Hippolyti, quem interfectum putamus Maximino imperatore.

Quum nimis quidem audax videar Eusebium ipsum corrigens, qui non Bostrae, sed alius urbis episcopum Nostrum nominat, sententiam meam infirmam non pro certo haberi volo, sed in iudicium virorum doctorum hanc mitto conjecturam. Verba vero Eusebii non urgeam, sed eum illis hoc tantum indicare voluisse puto, se nescire, in quam urbem Hippolytus episcopatu functus sit.

7) Cf. §. 14.

8) Cf. Ullmann l. l. p. 5.

9) Cf. eundem l. l. p. 8.

10) Cf. Stephanum le moine l. l. in prolegomenis ad candidum lectorem. C. Ritter die Erdkunde. Berlin 1818. Theil 2. p. 358. Tillemont l. l. Tom. 3. p. 672. Ullmann l. l. p. 9. Not. 2.

11) Cf. Rasche lexicon universae rei numariae veterum. Lips. 1785. Tom. 1. p. 1581—1594. Juxta antiquarios, ita ibi ait, primum in Alexandri Severi nummis obvia Colonia Bostra, eoque ipso illius Caesaris nomine iis aliisque dein dicta Alexandriana. Exstant antiquiores illius urbis nummi, ut in Commodo, sed sine addito coloniae cognomento, ut ex nominibus *N. TPA BO-ΣΤΡΑ*; a Trajano quidem instauratam hanc Bostram liceat inde statuere, haud tamen deductam ab eo in id oppidum coloniam. Eadem quoque Bostra muris primum munita a Severo, Arabiae petraeae metropolis exstitit, unde etiam in nummo Philipporum Bostra Col. Metropolis inscripta cernitur. Eckhel l. l. Pars 1. Vol. III. p. 500 sqq. Jean Tristan commentaires historiques contenant l'histoire générale des empereurs etc. de l'empire romain. Tom. 2. p. 426 sqq. Vgl. G. B. Winer biblisches Realwörterbuch. 2te Aufl. 1. Bd. p. 224.

12) Ullmann l. c. (p. 6.) putat, Paulum apostolum ipsum Bostrae condidisse ecclesiam, confitetur autem ipse, se hac de re non nisi conjecturas proferre. Cf. Lücke de ecclesia christianorum apostolica p. 140.

13) Euseb. VI, 20.

14) Hieronymus l. l. cap. 60. Ibidem tradidit, Beryllum claruisse Alexandro quoque imperatore; facile autem errore decipi potuit, si Hipp. martyrium subivit primo Maximini imperatoris anno, qui fuit ultimus Alexandri imperatoris.

P a r s II.

De Hippolyti scriptis.

P r o o e m i u m.

§. 13. De catalogo librorum in Hippolyti statua sculpto.

Quum Hippolyti librorum catalogus, qui in statua sexto demum saeculo posita designatus est, quandam etiamsi non magnam habeat auctoritatem, necesse est, ut priusquam de Nostri scriptis disquirere incipiamus, mancam contextum illius catalogi restituamus ¹⁾.

In quatuor prioribus lineis litteras nonnullas detritas esse satis apparet. Ita in prima linea legitur *ΙΟΥΣ*. Scaliger ²⁾ vult, has litteras esse reliquias verbi *ψαλμούς*, quod conjungendum sit cum litteris in sequenti linea lectis *ΝΙΛΣ*; *ΝΙΛΣ* litteris autem commutatis in *ΝΟΙΛΣ* putat ultimas has esse syllabas verbi *μετανοίας*, ita ut intelligendi sint *ψαλμοὶ μετανοίας* (psalmi poenitentiales). Quam conjecturam, quae gravissimis causis refutata est a Stephano Moynio ³⁾, omnino falsam esse, inde quoque elucet, quod et in sequenti tertia linea adnotatus est Nostri in psalmos commentarius, et *μετανοίας* verbum, quum novem tantum litteras contineat, non totam explevisse lineam videtur. In quaque enim linea litteris impleta sedecim fere inveniuntur litterae ⁴⁾. Stephanus ipse conjecit, legendum esse *εἰς πρωτοπλάστους καὶ περὶ κοσμογονίας* vel *ζωογονίας* ⁵⁾. Quae conjectura non omni verisimilitudine caret; nam constat, Nostrum scripsisse in Hexaëmeron et in ea, quae post Hexaëmeron; omittam autem respectu habito ad litterarum numerum καὶ particulam. Mirum tamen me habet, quod non vice versa scriptum sit *περὶ κοσμογονίας*, *εἰς πρωτοπλάστους*. Difficile est, quum tot exstent Hippolyti libri, et sculptor libris tribueret titulos obscuros atque novos (c. c. *ἐγχαστῆρων*), satis perspicue demonstrare, qui libri intelligendi sint.

1) Catalogum exscripserunt Gruterus (thesaurus inscriptionum p. 140), Fabricius (l. l. Vol. I. in Tab. II. a. post p. 36), Cave (l. l. Vol. I. p. 104).

2) In canonem pasch. Hipp. (apud Fabr. Vol. I. p. 79).

3) L. l. Tom. II. p. 969 — 989.

4) Conf. statuum designatam apud Fabric. Tab. II. a.

5) L. l. Tom. 2. p. 989 — 992.

Itaque rem in suspensio relinquo; hoc unum tantum contendens, illis litteris significatos esse commentarios in sacra scripta; nam apparet, illis absolutis dogmaticos apologeticosque libros demum laudari.

ΑΛΜΟΥΣ) quin hae litterae sint reliquiae vocis ψαλμούς, non dubito, in quos Nostrum scripsisse testatur Hieronymus. Itaque respiciens ad lineae spatium litteris implendum, legendum puto τὰ εἰς τοὺς ψαλμούς.

ΓΑΣΤΡΙΜΕΘΟΝ) Scaliger legendum esse ἑγγαστριμεθον recte vidit ⁶⁾. Quum Hieronymus in catalogo Nostri librorum laudet librum de Saulo et Pythonissa, Stephanus ⁷⁾ iusto jure contendit, libellum hoc titulo inscriptum spectasse ad Pythonissam illam, quae Sauli regis jussu Samuelis animam ex Orco evocasse narratur 1 Sam. cap. 28. ⁸⁾.

Πρὸς Σεβηρτεῖαν) Stephan. conjecit *ΣΕΒΗΡΙΑΝ ΑΤ*, atque putat Severac Philippi Arabis uxori hanc epistolam datam esse. Tenendum autem esse Σεβηρτεῖαν demonstrare infra (§. 52.) studebimus.

Ῥιδαὶ εἰς πάσας γραφάς). Mirum videtur, quod Noster dicitur de tota sacra scriptura vel de quoque ejus libro homilias habuisse. Itaque conjecit Stephanus ⁹⁾ *Ῥιδαὶ εἰς πάσας αἰρέσεις*. Quod vituperat Cave ¹⁰⁾ putans ista ratione quadrata rotundis permutari facillime posse. Negari tamen non potest, similitudinem esse inter litteras utriusque verbi tantam, ut qui primus edidit catalogum, litteris in statua detritis, errore deceptus illa verba facile commutare posset. Pro Ῥιδαὶ εἰς legere vult idem Stephanus πρὸς, ita ut totus sonet titulus πρὸς πάσας τὰς αἰρέσεις. Quod quidem sagacissimum; ipsi tamen rem in suspensio relinquimus, quum nobis non liceat statuam ipsam et catalogum in ea designatum inspicere. Cf. §. 47.

Ut plane mancum atque corruptum esse catalogum in statua designatum intelligamus, eum conferre placet cum catalogis Nostri librorum, quem invenimus apud Eusebium et Hieronymum.

⁶⁾ Apud Fabric. Vol. I. p. 81.

⁷⁾ L. I. p. 992 sqq.

⁸⁾ Cf. §. 23.

⁹⁾ L. I. p. 1088.

¹⁰⁾ Scriptor. ecclesiast. hist. litt. Tom. I. p. 106.

<p><i>IOYE</i> <i>NIAE</i></p>	<p>Catalog. apud Euseb. In Hexaëmeron In ea quae post Hexaë- meron (contra Mar- cionem) ¹¹⁾</p>	<p>Apud Hieronym. In Hexaëmeron. (Contra Marcionem) De Psalmis De Saule et Pythonissa De apocalypsi</p>
<p>In Psalmos De Pythonissa De Evangelio secundum Joannem et Apoca- lypsi ¹¹⁾ De Charismatibus ¹²⁾ Apostolica traditio Chronicon ¹³⁾ Contra Graecos et in Platonem vel etiam de omni ¹⁴⁾ Exhortatorius ad Seve- rinam.</p>	<p>De Pascha (lib. I.)</p>	<p>Temporum canones</p>
<p>Demonstratio temporum Paschae quemadmo- dum in tabula ¹⁵⁾</p>	<p>De Pascha (lib. II.) ca- non paschalis</p>	<p>De Pascha. canon pa- schalis</p>
<p>Odae in omnes scriptu- ras (adversus omnes haereses)</p>	<p>Adversus omnes haere- ses</p>	<p>Adversus omnes haere- ses</p>
<p>De deo et carnis resur- rectione ¹⁶⁾</p>	<p></p>	<p>De resurrectione</p>
<p>De Bono et unde Ma- lum ¹⁷⁾</p>	<p>In canticum cant. In partem quandam Eze- chielis prophetae ¹⁹⁾</p>	<p>In cantic. cantic.</p>
		<p>In Exodum In Genesim In Zachariam In Esaiam De Daniele De Proverbiis De Ecclesiaste De Antichristo.</p>

¹¹⁾ Cf. §. 38.

¹²⁾ Neander (l. l. p. 1150) vir doctissimus dubitat, num de charismatibus et de apostolica traditione in eodem libro disputaverit Hippol. In duobus vero li-
bris ea de re illum disseruisse puto, quam non legatur *ἀποστολική παράδοσις*
πρὸς χαρισμάτων, sed vice versa. De quibus libris latius atque fusius disputat
Stephanus (l. l. p. 1033—1077); aliorum virorum doctorum hac de re senten-
tiae leguntur apud Fabricium Tom. I. p. 83. Equidem opinor, intelligendos
esse libros a Fabricio laudatos Tom. I. p. 245 sqq., quos non genuinos infra
(§. 63.) probabimus. Cf. Fabricii bibl. Graec. ed. Harless. Vol. VII. p. 192.

¹³⁾ Tituli h. l. collati eundem librum designare videntur. Cf. §. 14.

¹⁴⁾ Cf. §. 49.

¹⁵⁾ Cf. §. 14.

Materiam ²⁰⁾, quam tractaturi sumus in hac secunda parte, dividere nobis placet in tria capita, ita ut in primo de chronologicis, in secundo de exegeticis, in tercio de dogmaticis apologeticisque scriptis disseramus. Incipimus autem ab chronologicis, quia chronologiae studio commotus videtur Hippolytus ad commentarios in sacra scripta conficiendos. Cf. §. 59.

Caput I.

De libris Hippolyti chronologicis.

§. 14. De Hippolyti libris chronologicis in universum disputatur.

Eusebius refert, Nostram confecisse librum de Pascha, in quo temporum rationem exposuerit et canonem sedecim annorum exhibuerit. Hieronymus testatur, Hippolytum scripsisse rationem Paschae temporumque canones et reperisse sedecim annorum circulum. In eodem igitur libro Hippolytus praemisisse videtur canoni suo aliam commentationem, in qua descripserit et in cyclos quosdam diviserit spatium temporis inde ab Adamo usque ad primum Severi Alexandri imperatoris annum. Idem putandus videtur liber, qui in statua inscriptus est chronicon ¹⁾. Qui liber hodie non exstat ²⁾. Euseb. et Hieron. praeterea libri alius ab Hippolyto de Pascha compositi meminerunt. In quo libro videtur explicuisse rationes, ex quibus suum constituerit canonem, id quod bene quadrat ad titulum illum, qui in catalogo librorum in monumento marmoreo designato legitur « ἀπόδειξις χρόνων τοῦ πάσχα κατὰ ἐν τῷ πλυνί ». Qui quoque libellus aetatem non tulit, fragmentum tamen ex eo servatum est in chronico Alexandrino ³⁾. In quo loco probat, Christum illo anno, quo mortem passus sit, non manducasse pascha.

De homilia autem Hippolyti in Dominicam paschalem atque de fragmento ex illa servato, infra (§. 47.) disseremus.

16) Stephan. (l. l.) vult, eundem librum intelligendum esse, quem contra Marcionem Hipp. scripsisse dicitur. Quum autem illum singularem contra haeresin Marcionis librum confecisse negemus (cf. §. 48.), incidimus in sententiam, hunc titulum redire ad illum librum, quem Hieron. inscripsit « de resurrectione. » cf. §. 61.

17) Hic liber hodie non exstat. Probanda mihi videtur sententia Harlessii, qui putat, hunc librum fuisse partem libri adversus omnes haereses. Cf. Fabric. bibl. Gr. l. l. p. 195.

18) Cur in unum conjungamus apud Eusebium titulos in Hexaëmeron et contra Marcionem, infra (§. 48.) demonstrabimus. ¹⁹⁾ Cf. §. 30.

20) Hippolyti opera collegit atque edidit novissimus J. A. Fabricius. Vol. I. Hamburgi 1716. Vol. II. 1718.

1) Cf. Ceillier hist. des auteurs ecclésiastiques Tom. II. p. 354.

2) Cf. §. 15.

3) Apud Fabric. Vol. I. p. 43.

§. 15. *De chronico, quod Hippolyto attribuitur.*

Chronicon Hippolytum scripsisse constat (cf. §. 13. et 14.). Fabricius (vol. I. p. 49 sqq.) tradidit chronicon aliquod, quod Du Cange ab Hippolyto compositum esse putavit, quia nonnulla, quae in illo leguntur, congruerent cum ea ratione, qua constitutum esset tempus in laterculo marmoreo ¹⁾. Qui nimis audax videtur, quum codices ipsi, quibus libellus modo laudatus servatus est, ne Hippolyti quidem nomen prae se ferant. Probavit autem Bianchini ²⁾, non ad eundem auctorem referri posse canonem paschalem ab Hippolyto vere compositum atque hunc librum ³⁾. Deinde insunt quidem huic libro nonnulla, quae opposita sunt rationi, ex qua constituit tempus Hippolytus in commentario ad Daniellem, sed hac re nihil probatur, quum constet, Hippolytum secutum esse duplicem temporis constituendi methodum, tum vulgarem, qua usi sunt qui conscripserunt historicos veteris testamenti libros, tum eam, quam habuit Daniel propheta ⁴⁾. Sin autem Hippolytus habuit duplicem temporis constituendi methodum, sane expectandum est, eum in chronico ad utramque respexisse. In fragmento autem, quod historicum prooemium commentarii in Danielis librum ab Hippolyto confecti putavimus ⁵⁾, leguntur quae non congruunt cum iis, quae in chronico inveniuntur. In quo fragmento Noster tradidit, Josiae regis filios fuisse hos: Joachan, Eljakimum, Joannan, Sedeciam (= Jechonian), Sedum. Ejusdem filii in chronico (sect. 14.) hi nominantur: Jonaas, Jojakim, Eljakim (= Joachim), Sedecias (= Jechonias), Salum. Noster I. I. refert, Joacimo, Eljacimi sive Joachimi filio, regnante Judaeos Babylo-nem deductos esse a Nebucadnezaro ⁶⁾, id quod factum esse Jechonia rege, contenditur in hoc chronico (sect. 16.). Quibus disputatis hunc librum non ab Hippolyto compositum putamus.

§. 16. *De canone paschali in statua designato* ¹⁾.

Hippolytum Dominicas paschales cyclo annorum centum et duodecim descripsisse, ita ut existerent septem periodi, quarum cuique tribuendi essent sedecim anni, testantur Eusebius, Hieronymus, Isidorus, Syncellus (cf. §. 13.). Scriptum tamen illud perditum est. Itaque ejus non habuimus cognitionem, priusquam statua illa, de qua jam supra diximus (cf. §. 2.), effossa est. Quem cyclum paucis modo explicare conamur ²⁾. In sinistro statuæ latere indicatur, quo die quoque cycli anno ce-

1) Du Cange in appendice Chron. pasch. cf. Ceillier I. I. p. 355.

2) De canone pasch. Hipp. apud Fabric. Vol. I. p. 115.

3) Cf. apud Fabric. Vol. I. p. 114 sqq. Cf. Ceillier I. I. p. 355.

4) Cf. §. 17.

5) Cf. §. 36.

6) Ibidem.

1) Quae in statua annotantur Graece reddidit Gruterus (thes. inscription. p. 140).

2) In quo arte astronomica ipse non imbutus secutus sum Idelerum virum clarissimum. Cf. I. I. Tom. II. p. 213. Novissimus, qui hunc canonem illustravit, Paucker (die Oster-Rechnung. Leipz. 1837. S. 33 u. 34) paucis complectitur, quae latius exponuntur ab Idelero, nihil proferens novi.

lebrandum sit festum paschale; in dextro autem constituitur terminus paschalis ac feria, in quam incidat terminus paschalis. Dies in dextro statuæ latere notati indicant plenilunium paschalem sive terminum, ante quem quoque anno pascha celebrare non licet, litterae autem feriam, qua ille terminus accidit, qua in re bene observandum est, apud Nostrium litteram A significare Dominicam, non autem primum cujusvis anni diem, qui fuit vulgaris mos³⁾. — Em. litterae significant *μὴν ἐμβόλιμος*. Graeci enim, quum mensibus tribuerent alteri 30, alteri 29 dies, ut initium anni lunaris conveniret initio anni solaris, inter certum annorum numerum unum mensem intercalabant, cui tribuebant. 30 dies. Illa methodus, qua utitur Hippolytus, differt ab ea, quae auctorem habet Methonem, qui intra 19 annorum spatium intercalavit septem menses. Hippolytus vero ex veterum Graecorum methodo inter octo annos intercalavit tres menses. Atque recte egit; nam 16 anni Juliani continent 5844 dies⁴⁾, 19 anni Juliani autem superant 19 annos Methonis $2\frac{1}{2}$ diebus. — SS significant diem bissextum, quo indicatur, illo anno intercalandum esse diem unum, quia annus Julianus 365 atque quartam unius diei partem continuerit. Cur duo dies ad annum tertium et undecimum locum habeant, vix intelligi potest; constat tamen, Hippolytum terminum paschalem priori die indicare voluisse, quum ex eo, quod in sinistro statuæ latere Dominicam paschalem ponat in die 26 mensis Martis, appareat, terminum paschalem illo anno ex Nostri canone fuisse die 21 mensis Martis.

Cyclus ipse ita institutus est, ut sedecim Julianis annis praeterlapsis luna XIV rediret ad eundem mensis diem, sive ut 5844 dies in 198 menses, quos dicunt synodicos, caderent. Qui quum contineant 5847 dies, necesse est, praeterlapsis 16 Julianis annis plenilunium tribus diebus serius cadere, quam hoc canone indicetur⁵⁾. Qua re factum est, ut ex canone Hippolyti festum paschale in quinto sedecim annorum cyclo celebrandum sit auctore ipso invito ad tempus intermenstruum. Quum autem praeterlapsis sedecim annis luna XIV non rediret ad eandem feriam, Hippolytus continuavit cyclum per annos 112, quibus praeteritis festum paschale ad eundem diem atque ad eandem feriam rediret⁶⁾. — Comparata tabula ipsa videbimus, ex Hippolyti canone terminos esse paschales diem 21 mensis Martis et diem 13 mensis Aprilis, in quo animadvertendum est, festum paschale non celebrandum esse ante lunam XVI. Si igitur cadit luna XIV. in diem Saturni, non licet sequenti die Solis pascha celebrare, sed differri illud festum hebdomade necesse est⁷⁾, quem morem fuisse Latinis proprium docet Prosper⁸⁾.

3) Cf. Ideler l. l. p. 185.

4) Idem numerus existit, si ex Hippol. methodo numerum dierum anni vulgaris 354 multiplicaveris numero 16, atque addideris numerum dierum, quem continent menses sex intra sedecim annos intercalati. cf. Ideler l. l. p. 219.

5) Ibidem.

6) Cf. Ideler l. l. p. 222, ubi exponit suffecisse, si 56 annorum cyclum composuisset Noster.

7) Cf. terminos pasch. atque Dominicas pasch., qui in statua annotati sunt.

8) In chronico p. 53. cf. Ideler l. l. p. 266.

Ut perspicue exponamus, quomodo utendam sit cyclo Hippolyti, quum nobis proposuerimus exemplam aliquod proferre, antea nobis dissecandum est de anno, a quo incepit cyclus ille. Hippolytus ipse testatur, cyclum suum incipere a primo Alexandri imperatoris anno⁹⁾. Constat autem, illum assecutum esse imperium anno 222 p. Chr. circa medium mensem Martis¹⁰⁾. Quod quum verum sit, cycli annum tertium, septimum, undecimum, quintum decimum recte constituit Noster annos intercalares. Computanti igitur festum paschale ex Hippolyti canone, hae tibi sunt observandae regulae:

1) Inquirens, quotus illius canonis annus sit ille annus, cujus festum computare studes, a numero annorum dato detrahe numerum 221.

2) Numerum, qui restat detracto numero 221 a dato numero, divides numero sedecim. Numerus inde apparens, qui indicat, quoties ille numerus restans contineat numerum 16 (i. e. der Quotient), docet, ex qua serie cycli sumenda tibi sit feria. Eo autem numero, qui tum restat, significatur, quotus cycli sedecim annorum ille sit annus. E. c. si invenire studes, quo die festum paschale anno 444 celebrandum sit ex Hippolyti canone, institue hanc computationem:

$$\begin{array}{r} 444 \\ - 221 \\ \hline 1622313 \\ \boxed{16} \parallel \\ 63 \\ 48 \\ \hline 15 \end{array}$$

Transiens a sinistra in dextram inscripti cycli, quum numeraveris series tredecim, invenies in sequenti serie in anno quinto decimo feriam, quae tibi praehetur D littera. Cujus anni terminus paschalis est Nonis mensis Aprilis, qui dies est feria quarta. Ut igitur invenias Dominicam sequentem, progrediendum tibi est ad feriam primam, qua re tibi offertur dies Dominicae paschalis anni 444 dies 9 mensis Aprilis.

Primus denique, qui cyclo aliquo Dominicam paschalem computare studuit, fuisse videtur Hippolytus¹¹⁾.

9) Cf. inscriptionem canonis paschalis apud Fabr. Vol. I. p. 38.

10) Cf. Ideler l. I. p. 216 et 17. Aliter Joan. Vignolius, qui duas confecit commentationes «de anno primo imperii Severi Alexandri Augusti, quem praeferat cathedra marmorea S. Hipp. episcopi.» Cf. Fabric. Tom. I. p. 141 sq. Putat enim nixus in nummis quibusdam, Alexandrum non accessisse ad imperium ante mensem Sextilem anni 222. Novissimus autem, qui nummos veterum doctissime illustravit, Ekkel, sententiam a nobis propositam probat. Cf. doctrinam nummor. veter. pars II. Vol. VII. p. 252.

11) Cyrillus (in cyclo paschali) contendit, cyclum 19 annorum in usu fuisse ante Hippolytum, id quod in dubium vocat Ideler. l. I. p. 245.

§. 17. *Quid velle videantur, quae leguntur inter canonem paschalem.*

Inter canonem ipsum Hippolyti adjecta invenimus verba haec: *γένεσις Χρ, Ἐξέχιας, Ἰώσειας, ἔξοδος κατὰ Δανιήλ, Ἑσδρα κατὰ Δανιήλ καὶ ἐν ἐρήμῳ, Ἐξέχιας κατὰ Δανιήλ καὶ Ἰώσειας, πάθος Χρ, Ἰησοῦς, Ἰησοῦς κα Δα, ἔξοδος, ἐν ἐρήμῳ, Ἑσδρα.* Quum additamenta illa tam brevia sint, difficillimum est probare, quid significant. Sin autem respicimus ad verba, quae ad cycli secundum et tricesimum secundum annum apposita sunt, *γένεσις Χριστοῦ* et *πάθος Χριστοῦ*, videtur illis additamentis Hippolytus voluisse constituere, quo ipsius cycli anno Christus natus atque passus sit. Eodem modo videntur ceteris apposis verbis significari res apud Judaicum populum gestae, quas imprimis memoratu dignas putavit Hippolytus. Refertur autem nobis in vetere foedere, pascha festum non multum ante Judaeos ex Aegypto egressos institutum esse (cf. Exod. 12.), iterumque celebratum esse secundo anno Judaeorum in deserto versatorum (Num. 9.), tum Josua duce (Jos. 5.), deinde Ezechia atque Josia regibus (2 Chron. 30. 36.), denique Esra templum Hierosolymitanum restituente (Esra 6.). In capone autem ipso distat verbum *ἔξοδος* a verbis *ἐν ἐρήμῳ* duobus annis, quod temporis spatium intermissum esse inter pascha primo constitutum atque pascha in deserto celebratum, historia probatur (cf. Num. 7.). Eodem modo praeteriti sunt ab instituto paschali festo usque ad pascha Josua duce celebratum anni 41, quo numero remotum est verbum *ἔξοδος* a verbo *Ἰησοῦς* ¹⁾. Itaque opinatus sum, Hippolytum verbis inter canonem lectis indicare voluisse, quo cycli sui anno celebrata essent a Judaeis festa paschalia in V. T. memorata. Quae sententia eo quoque confirmatur, quod ipse in inscriptione canonis sui dicit, praeteritis annis celebratum esse pascha, quomodo indicatum sit in canone ipso. Sin vero eadem verba bis leguntur, tum nullo alio verbo adjecto, tum additamento addito *κατὰ Δανιήλ*, videtur duplicem temporis constituendi methodum Hippolytus secutus esse. Si addidit *κατὰ Δανιήλ*, indicare voluit, quibus cycli annis ex temporis constituendi ratione, quam habuisset Daniel propheta, paschae in V. T. laudatae celebratae essent a Judaeis, omisso illo additamento secutus videtur nuntium in historicis V. T. libris traditum ²⁾.

1) Cf. Ideler l. I. p. 225.

2) Rejicienda est sententia Stephani (l. I. Tom. II. p. 947 sqq.), verbis canonis interpositis significari locos Veter. Testam., qui die Dominicae paschalis legendi fuerint in coetu Christianorum. Verba autem illa retulit ad locos V. T. supra laudatos. Intelligi enim nequit, cur non pro cuiusque anni festo paschali indicaverit certum sacrae scripturae locum legendum. Multo minus consentire possumus cum Simone de Magistris (l. I. praef. p. XXVI), qui inde, quod in tabula marmorea leguntur verba *κατὰ Δανιήλ*, Hipp. commentarium in Daniele publice in ecclesiis perlectum esse, concludit.

Caput II.

De libro Hippolyti exegetici.

§. 18. In genesin, a) in Hexaëmeron.

Hippolytum scripsisse commentarium in Hexaëmeron, testatur Euseb., Hieron.¹⁾, Syncellus, Nicephorus, alii.

Cujus libri fragmentum invenimus in maxima Patrum collectione, quae exstat MS. in Vindobonensi biblioth. (cf. Fabric. l. l. Vol. II. p. 22.). Quod fragmentum continet genes. cap. 1., inde a versu quinto usque ad octavum explicatum.

Ad versum 5. Auctorem Hexaëmeri non dixisse «*πρῶτον*», sed «*ἡμέρα μία*», ut significaret lucem oppositam tenebris. «*Ἡμέρα μία*» significare unum diem; ea re, quod dictum esset in sacra scriptura «*ἡμέρα μία*» indicatum esse, diem in orbem redire; sin vero dictum esset «*ἡμέρα πρώτη*», narrandum fuisset, creatum esse etiam secundum diem.

Ad vers. 6. Primo die deus creavit «*ἐκ μὴ ὄντων*», ceteris autem diebus immutavit («*μετέβαλεν*»), quae primo die fecerat.

Ad vers. 7. Aquam, quae initio totam terram invisibilem reddidisset, divisisse deum in tres partes; primam partem deum solidasse, ut esset firmamentum inter duas reliquas aquarum partes, quarum alteram in sublime extulisset, alteram in terra reliquisset in hominum commodum. Observandum est, Nostrum habere in fine hujus versus verba «*καὶ ἐγένετο οὕτως*», quae Hebraicus quidem textus habet, sed non LXX.

Quum fragmento illi non insint, quae non quadrent ad veterum Patrum sententias, etiamsi in ipsis verbis non invenimus, quae propria Nostrum ingenio videntur, non habemus, cur non Hippolytum ea, quae ei codice laudato attribuantur, conscripsisse putemus. Gravior autem codicis auctoritas sit, quia cetera, quae per eum ex Hippolyti operibus traduntur, genuina internis causis commoti probare possumus.

§. 19. Pergitur, b) in ea, quae post Hexaëmeron.

Eusebius (l. c.) adjungit «*εἰς τὰ μετὰ τὴν ἑξαήμερον*», eodem modo ceteri; Hieron. tamen omisit hunc librum, meminit autem commentarii in Genesis et Exodum¹⁾. Quaerendum nobis est, quasnam Geneseos

1) Praecipue haud negligendus est locus in Hieron. epist. 84. ad Panmachium et Oceanum: «*Nuper sanctus Ambrosius sic Hexaëmeron Origenis compilavit, ut magis Hipp. sententias Basilique sequeretur.*»

2) J. Scaliger (cf. Fabr. Vol. I. p. 89*) vituperat Hieron., quod Eusebii verba «*εἰς τὰ μετὰ τὴν ἑξαήμερον*» intellexerit de toto Geneseos libro. Sed unde haec? Hieron., si legit commentarium in Genesis (atque vere legit cf. §. 20.), sicut in unum titulum conjungere duas ejusdem libri partes. Stephanus (l. p. 989) putat, Hieron. Eusebii verba «*εἰς τὰ μετὰ τὴν ἑξαήμερον*» retulisse

libri partes continuerit commentarius ille, quem legit Eusebius. Consensus cum Scaligero, illum non referendum esse ad totum Genesios vel Exodi librum, sed significare hunc titulum "in ea quae Hexaëmero proxima fuerunt". Sed vituperandi videntur idem vir doctus et Valesius²⁾, qui arbitrantur, hunc titulum referendum esse solummodo ad historiam creati hominis secundo Genesios capite narratam, nam cum illis arcte cohaerent, quae traduntur de τῶν πρωτοπλάστων lapsu. Quum vero constet, Nostrum exposuisse caput tertium, non video, quomodo, quae de capite secundo et quae de tertio admonuit, secerni omnino potuerint, quum integrae sint partes ejusdem historiae.

Ex hoc libello exstant tria fragmenta. Prius laudatur ab Angelo Majo³⁾, in quo provocans ad sacram scripturam Hippolytus rejecit sententiam, creatos esse homines tres "πνευματικόν, ψυχικόν, χοϊκόν." Quibus proxime annexa ea videntur, quae secundo fragmento praebentur⁴⁾. In hoc refutat sententiam, paradisum in coelo, non in terra esse, dicens fluvios, qui ex illo profluxerint, ab quocunque cerni posse. Tertium fragmentum legitur in codice Vindobonensi. In quo fragmento Hippolytus correxit sententiam Hebraei contextus hoc modo: protoplastos non audisse deum in paradiso deambulantem, sed per auram quandam dei praesentiam intellexisse. Adjungit, simulac peccassent homines, deum invitaturum eos ad poenitentiam extemplo apparuisse. Codicis auctoritate commoti hoc quoque fragmentum genuinum putamus. Respicienti mihi ad hujus libri materiam atque interpretandi rationem hic liber videtur esse conscriptus contra Gnosticos quosdam⁵⁾. — Quum fragmenta duo priora tam arcte (alterum referendum est ad Genes. 2, 7, alterum ad vers. 8 sqq.) cohaereant, ut nihil sit, quod omissum videatur, utrumque locum ab eodem auctore compositum esse nobis constat. Quum porro uterque locus diversis codicibus laudatus Hippolyti nomen prae se ferat, utrumque genuinum putamus.

§. 20. Pergitur, c) in cetera Genesios libri capita.

Omissis iis, quae in tria priora capita Noster scripsit, jam probandum est, eundem interpretatum esse ceteram Genesios libri partem.

Id quod testatur Hieron. Idem (in epist. 125. ad Damasum) tradidit partem hujus commentarii spectantem ad Genesios cap. 27. 1). In

ad Genesin et Exodum, sententia plane vana, quam refutat H. Valesius (cf. Fabr. Vol. I. p. 89⁶⁾).

2) Cf. Fabr. l. l. p. 89⁶⁾.

3) L. l. Tom. VII. p. 84.

4) Cf. Fabr. Vol. I. in praef. p. VII. Ille locus petitus est ex Joannis Damasceni oper. Tom. II. edit. Lequiniana p. 787. Eundem locum obscurius laudat Angelus Majus l. l. in parallelis rupefucaldinis, de quibus latius agitur apud Joan. Damasc. Tom. II. p. 274 sqq. — Alterum fragmentum concluditur his verbis καὶ τὸ πᾶς ποτὶ (scil. ὁ θεὸς τὸν ἀνθρώπον), δηγνύται, alterum incipit his verbis ταῦτα καὶ κατ' ἀνάγκην ἔχομεν δηγγέσασθαι. c. l. c.

5) Contra Marcionem hic libellus conscriptus esse videtur. cf. §. 48.

1) Apud Fabricium Vol. I. p. 266.

quo benedictio Isaaci refertur ex methodo tum temporis usitata ad Christum ac tempus Messianum. Sententias in his prolatas vere esse Hippolyti, sola Hieronymi auctoritas mihi persuadet.

Eodem supra (§. 8. 19. 20.) laudato codice Vindobonensi praebetur Hippolyti commentarius in benedictionem Jacobi cap. 49, 3—27.; omis- sis tamen vers. 8. et 9. 2). In quo loco explicando utitur eodem modo Messiana, quam dicunt, interpretatione. Probat, Christi tempore acci- disse, quae Jacobus vaticinatus sit, sed omnes tribus commiscet haud memor, cuique diversa promissa fuisse. — Uti specimen rationis, qua hanc benedictionem Jacobi interpretatus sit Hippolytus, haec proferri possunt.

Ad Genesin 49, 3—5. Explicationi versus tertii praemisit tres illius versus interpretationes, quas dederant LXX., Aquila et Symmachus, qui hoc loco valde discrepant. Nostrum autem secutum esse LXX. ex com- mentario ipso apparet 3). Deum Aegyptiis affligendis magna beneficia Judaeis tribuisse; hos autem fuisse duros atque insolentes, quum Jesu Christo interficiendo deum patrem offenderent.

Vers. 4. Refert ad insidias, quas diebus ultimis populus Judaicus structurus sit lecto patris sive ejus sponsae, quae sit ecclesia.

Vers. 5. Ex Simone ortos esse legis peritos, ex Levi sacerdotes, qui conjuncti dominum interfecerint. Tauro, quem interfecerint, signifi- cari Christum. Hunc vero comparatum esse cum tauro, quia taurus sit animal purum et sacrificio aptum.

Sequuntur ejus capitis versus 11 et 12., quos explicatos invenimus etiam in libro de Antichristo cap. 10—12. Videtur uterque locus non ab eodem auctore conscriptus. Nam 1) de Antichr. cap. 10. legitur ὄνον, hoc loco πῶλον. 2) Ibi praeferre videtur Christianos, qui ex cir- cumcisione sunt, iis, qui ex paganis orti sunt; hic vice versa 4). 3) Ibi refert asinam ad Judaeos; hic ad fidem, ad quam convocantur Judaei et pagani sine discrimine. 4) Ibi oculi gratifici nominantur prophetae, hic Christo adscribuntur, qui respiciens in eos, qui ei credant, gaudeat. Attamen ad eundem auctorem uterque locus referendus est. Si memoria fortasse deceptus legit ὄνον pro πῶλον, non eodem modo eundem locum interpretari potuit. Quae adduntur verbis «χαροποιοὶ οἱ ὀφθαλμοί» qua- drant ad allegoricam Nostri methodum interpretandi. Quae ad hunc lo- cum annotat magis cum sententiarum connexu consentiunt; illo autem

2) Apud Fabric. Vol. II. p. 22 sqq.

3) Ex interpretando loco apparet, Nostrum legisse ἰσχύς μου, καὶ ἀρχὴ τίνων μου, σκληρὸς φέρεσθαι, σκληρὸς αὐθάδης, ἐξύβρις, μὴ ἐκλύσθαι. LXX.: Ρουβὴν πρωτότοκός μου, σὺ ἰσχύς μου, καὶ ἀρχὴ τίνων μου, σκληρὸς φέρεσθαι, καὶ σκληρὸς αὐθάδης. Εὐύβρις, ὡς ὕδωρ μὴ ἐκλύσθαι. Aquila: Ρουβ. πρωτ. μου. σὺ ἰσχύς μου καὶ κεφάλαιον λύπης μου· περισσὸς ἄρει, καὶ περισσὸς κράτι· ἐθάμβησας ὡς ὕδωρ, μὴ περισσειῆς. Symmachus: Ρουβ. πρωτ. μου καὶ ἀρχὴ ὁδότης μου· περισσὰ λαβεῖν καὶ ἐν περισσοῦ ὑπερβύσας ὡς ὕδωρ, οὐκ ἴση περισσώτερος.

4) Fabric. Vol. II. p. 24: πῶλον λέγει καὶ τὴν ἐξ ἰδῶν, ἄλλον τὴν ἐν περιτομῇ κλη- σιν· ὄνον δὲ μίαν, τουτίστιν ἐν μίᾳ πιστώσει οἱ δύο πῶλοι· ὅτι ἐστὶν αἱ δύο κλήσεις· καὶ τὸν μὲν πῶλον προσδίδεσθαι ἐν τῇ ἀμπέλῳ, τὸν δὲ ἕτερον ἐν τῇ ἑλίᾳ. Ἐτοι τὴν μὲν ἐξ ἰδῶν ἐκκλησίαν προσδίδεσθαι τῷ κυρίῳ. Τὸν δ' ἐν περιτομῇ ἐν τοῦ νόμου παλαιότητι.

loco (de Antichr.) in illam interpretationem duci potuit, quum adhuc in memoria retineret, quae cap. II. de prophetis dixerat. Accedit, quod ipse in annotatis ad vers. 12. eadem verba duplici modo explicata adiungit, confitens, verba hoc versu lecta diverso modo intelligi posse. Quibus de causis hos versus explicatos justo jure Hippolyto adscribi posse putamus.

Omnino huic fragmento insunt, quae pulcherrime in Nostrum quaderent. Ita vers. 4. interpretatur verba « ἀνέβης ἐν τῇ κοίτῃ τοῦ πατρὸς σου »: populus insidias struens lecto patris corrumpere studet ejus sponsam i. e. ecclesiam. Similia disserit de senioribus, qui stuprum inferre cupiebant Susannae (cf. in Susannam vers. 7 et 9.). Ad vers. 20. annotat, servatos esse per Christum etiam Patres, Patriarchas, Prophetas; similiter loquitur de Patriarchis (cf. in Susannam vers. 17.). In eodem versu refert « ἄγρος » ad Christum, quia dixerit « ἐγὼ εἶμι ὁ ἄγρος τῇς ζωῆς ». Eadem explicandi ratione refert (de Antichr. cap. 10.) « ἀμπέλως » ad Christum. Denique gravissimi momenti est, quod tanta similitudo intercedit inter ea, quae Hieronymo teste in benedictionem Isaaci Hippolytus scripsit, et quae hoc loco dixit, ut dubitari nequeat, quin ab eodem auctore conscripta sint ⁵⁾.

Denique exstant apud Fabricium (Vol. II. p. 38 — 43) fragmenta quaedam ex Pentateucho Arab. MS ⁶⁾, quae Hippolyti esse dicuntur. In hoc enim Pentateucho laudantur loci ex Origenis, Ephraemi Syri aliorumque Patrum libris ⁷⁾. Ceillier ⁸⁾ putat, auctorem hujus Pentateuchi nomen illorum Patrum simulasse, de qua re judicare haud difficile esset, si totum codicem typis exscriptum conferre liceret cum scriptis Patrum in illo laudatis. Ex Hippolyti commentariis proferuntur, quae in Genesim 6, 17.; 7, 6.; 8, 1.; Deut. 28, 1. annotaverit. Quae non esse desumpta ex Hippolyti scriptis quisque vel unum tantum libelli locum respiciens intelliget ⁹⁾. Liber ipse prodit auctorem Targumistarum aliquem, qui sacris scriptis falsas fabulas intexuerunt ¹⁰⁾.

Denique negligere non licet quaestionem, num Hippolytus in totam

5) Grabinus e schedis Vossianis Romae descriptis ex Hippolyti commentario profert fragmentum (in Genes. 49, 26.); quod apud alios non invenitur. Cf. Gallandii biblioth. veter. patr. Tom. II. p. 484 not. A. Dubito tamen, num illud verum sit, quem haud apte conjungi possit cum iis, quae ad versum 26 ab Hipp. notata leguntur in codice Vindobonensi.

6) Fragmenta illa edita sunt e codicibus Huntlingdoniano num. 84. et Bodlejano num. N. E. c. 3. 3. Codices lingua Arabica litteris autem Syriacis sunt conscripti.

7) Cf. Fabric. Vol. II. p. 37.

8) Hist. générale des auteurs sacrés Tom. II. p. 322.

9) Cujus rei testimonium proferimus locum (apud Fabric. Vol. II. p. 39) hunc: « postquam igitur imposuit finem fabricandae navi, ingressus est Noah cum filiis suis Sem, Cham et Japheth in cavernam thesaurorum. Et quidem primo aditu feliciter invenerunt corpora Patrum Adami, Sethi, Enoschi etc. Otto illa corpora erant in conditorio thesaurorum, videlicet Adami, Sethi etc. Tedit autem Noah corpus Adami. Tulernatque filii ejus manera. Portabat Sem aurum, Cham myrrham, Japheth ibus.

10) Cf. hist. litt. de la France par des religieux Bénédictins. Tom. I. part. I. p. 327.

Genes. librum confecerit commentarium, nam miramur, quod ejus commentarium in Hexaëmeron et in Genesin laudat Hieron. Quem legisse commentarium in totum Genes. librum ab Hippolyto compositum atque uno volumine coercitum, non verisimile est; nam cur alioquin meminisset libri in Hexaëmeron scripti? Quam benedictiones Patriarcharum tantum ab Hippolyto expositae hodie legantur, quum deinde in singularibus libris disputet Hippolytus de mundo creato atque de Protoplastis, quum denique cetera Geneseos pars vix ceperit animum veterum Patrum ecclesiasticorum: incidimus in hanc opinionem, Hippolytum non in totum Geneseos librum confecisse commentarium, sed in illam tantum ejus partem, quam ab Hippolyto expositam modo laudavimus ¹⁾).

§. 21. In Exodum.

In Exodum commentarium scripsisse Nostrum, testatur Hieronymus ¹⁾, cujus vero libelli ne reliquias quidem invenimus.

§. 22. In Numeros.

Nemo veterum nobis tradidit, Nostrum Numerorum librum exposuisse, sed citantur quaedam a Leontio Byzantino ¹⁾ hoc titulo «*Ἀποκλ. ἐν τῶν εὐλογιῶν τοῦ Βαλαάμ*». Codex, quem edidit Fabricius, habet pro «*Βαλαάμ*» «*Ἀβραάμ*», quod legendum videtur Fabricio ²⁾. Sed 1) in sacra scriptura non leguntur benedictiones Abrahami, Bileami autem Num. 23. 24. 2) Græbius in codice Græco legit «*Βαλαάμ*» ³⁾. 3) Eandem lectionem præbet codex Vaticanus ⁴⁾.

Quærendum autem est, num in illis Bileami benedictionibus occurrat locus, ad quem quae hic leguntur referri possint. Quae equidem referuntur ad cap. 24. vers. 3, 4, vel vers. 15, 16. hoc modo: Bileamum typum putat Christi (cf. Nostri commentarium in Genesin 27.). Quod autem Bileamus in vetere testamento nominatur «*ἄνθρωπος ὁ ἀληθινὸς ὁρᾷ*» et «*ἀκούων λόγια ἰσχυροῦ, ὅστις ὁρᾷ θεοῦ εἶδεν ἐν ὕπνῳ*», ansem Hippolyto praeiit de duabus naturis Christi, divina et humana, disserendi ⁵⁾.

- 11) Laudantur praeterea ab Angelo Majo (l. l. Tom. VII. p. 84) fragmenta ex Nostri in Genesin commentario, quae locum tenerent in catena Lipsiae edita. Quae editio nobis non in promptu fuit, verisimile autem est, illa esse eadem, quae edidit Fabric. (Vol. II. p. 22 — 81) e catena Patr. Graecor. LXXXVIII. Angelus Majus enim non legisse videtur Fabric. editionis vol. II., nam 1) nonnulla laudantur ex commentario in benedictionem Bileami (l. l. Tom. VII. p. 134), quae invenis apud Fabric. (Vol. II. p. 45), quamquam ei erat consilium, ea tantum edere, quae typis nondum exscripta essent (cf. l. l. Tom. I. et Tom. VII. in praefat.) 2) refert, Fabric. collegisse tantum testimonia veterum de Hipp. in Genesin commentario.

1) Cf. §. 19. not. 1.

2) Contra Nestorium et Eutychen lib. I. cf. apud Fabric. Vol. I. p. 266. Vol. II. p. 45. Ang. Majum l. l. Tom. VII. p. 134.

3) L. l. cf. Ceillier l. l. Tom. II. p. 322.

4) Galandii biblioth. veter. Patr. Tom. II. p. 486. not. 2.

5) Cf. Ang. Maj. l. l. p. 134.

6) Attende, quomodo Noster explicaverit Gal. 3, 20. «*Μισέτης*» refert ad Chri-

Nam autem haec vere Hippolyti sint, constituere æquissimum, quum tam breve sit fragmentum. Sed non videmus, cur non ejus sit, quum 1) Leontius scriptor saeculi VI. illud ei adscripserit; 2) quum ejusdem sit mos loco V. T. exposito adjungere locum N. T., quo interpretationem suam probet.

Quum autem nemo veterum laudet Nostri in Num. commentarium, illud fragmentum locum tenuisse in ejusdem libro contra omnes haereses putamus.

§. 23. In Samuelis libros.

Nemo veterum laudat Hippolyti in Samuelis libros commentarium. Theodoretus vero (dialog. I. ἀρεπτός et II. ἀσύγγυρος) laudat librum sic inscriptum Ἰνπολ. ἐκ τοῦ λόγου εἰς τὸν Ἑλκανῶν καὶ τὴν Ἀναν, et pauca ex eo tradit¹⁾. De Helcana autem disseritur in sacra scriptura 1 Sam. 1. Quum fragmentum ipsum causam dubitandi non praebeat, Theodoreti testimonio credendum est.

Hieronymi testimonio atque statua marmorea confirmatur, Nostri composuisse librum de Saulo et Pythonissa, in quo disseruisse videtur de historia, quae narratur 1 Sam. 28.

§. 24. In Psalmos.

Cf. Hieronymi aliorumque testimonia apud Fabr. Vol. I. p. 267.

Ex quo commentario haec referuntur:

1) ὑπόθεσις διηγήσεως εἰς τοὺς ψαλμοὺς (cf. Fabric. l. l.). Hic adnotat Hippolytus, libro psalmorum ostendi, legem Mosaicam jam graviore sensu acceptam et exultantem esse¹⁾.

2) Fragmenta commentarii in Psalmos haec:

- a) In Psalmum II. Theodoreti oper. Tom. IV. p. 89²⁾.
- b) In Psalm. XIII, f. Ibidem p. 36.
- c) In Psalm. XXIV, 7. Ibidem p. 89.
- d) In Psalm. CIX. Ibidem p. 88.

Theodoreti auctoritate commoti, quin illa genuina sint, non dubitamus.

§. 25. In Proverbia.

Commentarium in Proverbia Hippolyto adscribunt Hieronymus, Suidas (lexic. sub voce Hipp.), Honorius, alii. Fabricius (Tom. I. p. 269)

statum; ut Christus homines deo reconciliare potuisset, necesse fuisse, illam conjunxisse divinam atque humanam naturam.

1) Cf. Fabric. Vol. I. p. 267. Theodoreti oper. Tom. IV. p. 36 edit. Lutetiae Parisiorum.

1) Eundem locum habet Stephanus le moine (varia sacra Tom. II. p. 977), et Morus in notis ad N. T. (ad Hebr. 9, 5).

2) Hic locus habet, quae eadem fere leguntur contra Noëtum (cap. 18.) et apud Gelasium. Putamus hunc locum non depromptum ex Nostri commentario in Psalmos, sed ex libro contra omnes haereses. cf. §. 46.

profert versionem illius libri latinam a Theod. Peltano compositam, quae complectitur capitis primi versus 1, 2, 11. Sed minus recte sensum tetigisse interpretem illum, videmus ex Ang. Majo, qui Graece versus illos ab Hippolyto explicatos ex Vaticano codice promulgavit¹⁾. Praeterea nobis tradidit Fabricius (Vol. I. p. 282) nonnulla in caput 9, 1—5. 2). Quae illo loco de σοφία leguntur, refert Hippolytus ad Christum atque incarnationem Verbi.

Illa fragmenta, quae prae se ferunt speciem antiquitatis, quin eadem sint, quae Hieronymus legit, in dubium non vocaverim.

§. 26. In Ecclesiasten.

Hippolyti commentarii in Ecclesiasten, quem laudant Hieronymus et Honorius, ne reliquiae quidem hodie leguntur¹⁾.

§. 27. In Canticum Canticorum.

Cujus scripti testes prodeunt Eusebius, Hieronymus, alii. Ex quo fragmentum invenimus apud Anastasium Sinaitam¹⁾. Cujus ultimam sententiam, incipientem a verbis « τοὺς δὲ βίβλους », legimus apud Lambecium²⁾. Putat Hippolytus, Proverbia Salomonis, quae hodie leguntur in sacra scriptura, e Salomonis mille proverbiiis, et quinquies mille odis seu cantibus a quodam Ezechiae regis amico excerpta esse³⁾. Refert denique, Ezechiam, quae a Salomone de rebus physicis conscripta fuissent, delevisse, quia Hebraei deum negligentes ex illis hausissent medicamina morborum⁴⁾. — Quae in hoc fragmento leguntur, Hippolytus videtur adjecisse ad verba « ᾠσμα ᾠμάτων » (canticum cantic. 1, 1.), quippe quibus indicetur, hunc omnium cantuum, quos conscripserit Salomon, optimum esse. Quum Eusebio et Hieronymo testibus constet, Hippolytum scripsisse in cantic. cantic., quum porro fragmento modo laudato non insint, quae ab eo aliena videantur, quum denique illud ab Anastasio saeculi sexti scriptore ei adscriptum sit, non dubium relinquitur, quin Hippolyti vere sit.

1) L. 1. Tom. I. pars II. p. 223.

2) Quod fragmentum, complectens excerpta e variis scriptorum veterum scriptis, in codice Taurinensi 82 invenit Ch. M. Pfaff. Idem praebet C. G. Woog (Hipp. fragmentum in Proverbia 9, 1—5. Graece et latine. Lips. 1764. 4.). Qui quum latius de Hipp. scripsisse videretur, dolemus, quod hunc libellum invenire omnino non potuimus.

1) Hipp. nonnulla in Eccles. 2, 24. exstare dicuntur in biblioth. Bodlejana MS. Cf. Fabr. Vol. I. p. 270.

1) Quaest. 41.

2) Lib. 8. p. 390. In ejus editione codicis MS. biblioth. Caesariensis.

3) Respicit ad proverb. 25, 1. ubi Graeci interpretes adjungunt, ea, quae sequantur, ab Ezechiae amicis servata esse, id quod omittitur in Hebraico textu.

4) Eadem narrant Suidas (in lexic. sub voce Ἐχέμιος), Syncellus, alii.

§. 28. In Jesaiam.

Hieronymus et Nicephorus testantur, Hippolytum in Jesaiæ prophetæ librum commentarium scripsisse. Ex quo nonnulla ab Hippolyto ad cap. 38, 8. annotata exhibentur in codice biblioth. Coislinianæ nro. 193. Inscripta sunt *Ἱππολ. ἐπισκόπου Ρώμης περὶ Ἐζεκιου* ¹⁾. Narratur in hoc fragmento, deum promissionem, quam angelus dedisset Ezechiae, Judæorum regi aegrotanti, sanatum eum iri, veram esse, hoc signo confirmasse. Solem enim, quum ad decimam jam decurrisset horam, ad primam rediisse, quare viginti horis diutius, quam fieri soleat, in coelo lux remanserit. Eodem modo lucem viginti quatuor horas eo die adduisse, quo Josua Amoræcos vinceret (cf. Jos. 10, 12.), Ezechia autem rege lunam etiam recessisse cum sole, ne duæ coeli luces colliderentur. Adjicitur illo loco, Marodachonem, quia astronomi, quum cursum solis atque lunæ mutatum esse observassent, causam simul illius mutationis intellexissent, Hiskiae (cf. Jes. 39, 1.) eodem modo, quo postea Magos Christo, dona misisse.

Quam Hippolyti interpretationem breviter complexus est Mich. Glycas ²⁾. — Etiam si neque auctoritate codicis (scriptus enim est saeculo XI. ³⁾), ex quo prodiit illud fragmentum, neque Mich. Glycae (scriptoris saec. 12.) commovemur, ut hoc fragmentum Hippolyto adscribamus, ab eo tamen illud compositum esse putamus, nam primum illum Jesaiæ locum animadverti ab iis, qui antiquitus studebant arti astronomicae, necesse fuit; Hippolytum autem tum peritum computandi quum rerum coelestium studiosum fuisse constat. Deinde quod comparantur dona Marodachonis cum donis Magorum, qui ad Christum venerandum venerunt, bene quadrat in Nostrium.

Theodoretus in dialogo I. sive ἀντίκρυ λαудat quaedam τοῦ ἀγίου Ἱππολύτου ἐκ τοῦ λόγου εἰς τὴν ἀρχὴν τοῦ Ἑσαίου, quae spectant ad caput 19, 1. ⁴⁾. Quem locum allegoricè interpretatur hoc modo: Aegyptus significat mundum; quae ipsi manu fecerunt Aegyptii sunt eorum idola; celeris nubes, qua vehitur deus, est λόγος, qui vitam ingressus errorem concussit. Quod fragmentum, quum ei non insint, quae abhorreant ab interpretandi ratione Nostri, auctoritate tam veteris scriptoris commotis genuinum nobis videtur.

§. 29. In Jeremiam.

Quum nemo veterum mentionem faciat Hippolyti commentarii in Jeremiae prophetias, atque locus in catena Patrum Graecorum (ad Jerem. 17, 11.) Hippolyto adscriptus inveniatur in ejusdem libro de Antichr. (cap. 55.), verisimillimum videtur, eum non confectis commentarium in Jeremiam ¹⁾.

1) Apud Fabric. Vol. II. p. 31.

2) Annales p. 194. Apud Fabr. Vol. I. p. 271.

3) Cf. Fabr. Vol. II. p. 31.

4) Apud Fabr. Vol. I. p. 271.

1) In catena laudata non dicitur locum illum esse desumptum ex Hipp. commentario in Jeremiam, sed simpliciter τοῦ ἀγίου Ἱππολύτου.

§. 30. In Ezechielem.

Eusebius laudat Hippolyti *εἰς τὰ μέγαν τοῦ Ἐζεχίου*. Mirum me habet, quod Hieronymus, qui omnes libros ab Eusebio Hippolyto adscriptos laudat (atque ipsum singularem librum contra Marcionis haeresin. cf. §. §. 13. et 48.), hunc solum omisit ¹⁾. Itaque, quum dubitem, num in codice Eusebiano, quem legit Hieronymus, illa verba vere scripta sint, corruptus mihi videtur titulus ille apud Eusebium lectus. Equidem enim puto, legendum esse pro *Ἐζεχίου* *Ἐζεχίου* ²⁾. Tum hoc titulo significatur illud, quod ex codice Coisliniano, exscriptum §. 28. laudavimus. Eusebius sane potuit hoc titulo uti, quum non meminerit commentarii in Iesaiam; Hieronymus autem eam omnino omittere potuit, quum laudaverit in universum commentarium in Iesaiam. Itaque non puto, Hippolytum commentarium in Ezechiele prophetas confecisse ³⁾.

§. 31. In Zachariam.

Hieronymus ¹⁾ (quem sequuntur Nicephorus, alii) laudat Hippolyti in Zachariam commentarium. Quum Hieronymus testetur, se Hippolyti commentarium in Zachariam legisse, constat Hippolytum vero explicasse hunc librum. Hodie vero, ne unum quidem fragmentum illius libri legimus.

§. 32. In Daniele, a) testimonia veterum proferuntur.

Hippolytum scripsisse de Danielis quaestiones, testantur Hieronymus (catalog. cap. 61. et in Dan. cap. 9.), Freculphus, Sophronius, Honorius (de scriptis eccles. cap. 62.), Synecellus (in chronographia p. 358), Photius (biblioth. cod. 202. et 203.), Anastasius Sinaita (quaest. 48.), Suidas (lexic. sub voce Hippolytas), Oecumenius (in proem. in apocalypsin editam a Montfaucone).

§. 33. Pergitur, b) in Danielis librum canonicum.

Commentarii in Daniele fragmentum non exiguum titulo Hippolyto adscriptum ¹⁾, in quo explicantur cap. 7—12, et 2, 31 sqq., publicavit Simon de Magistris ex Codice Chisiano ²⁾. Aliud praeclarum frag-

1) Cf. Euseb. et Hieron. catalogos Hipp. librorum collatos §. 13.

2) Facile fieri potuit, ut *ΕΛ* litterae commutarentur cum litteris *ΟΥ*.

3) Fabric. (Vol. I. p. 271) quidem notat, exstare MS. in bibliotheca Bodlejana Hippolyti de dimensione templi Salomonis librum, quae re, tamen sententia mea non refutatur, quum maxime dubium sit, num, quae illo titulo designantur, vere fuerint pars commentarii Hipp. in Ezechielem.

1) In praefat. comment. ad Zach.: „scripsit in hunc prophetam Origenes duo volumina . . . Hipp. quoque edidit commentarios et Didymus . . . Sed tota illorum *ἑρμηνεία* allegorica fuit, et historiae vix pauca tetigerunt.”

1) Titulus sonat: *Ἰν. ἐξον. Πρωτ. τῆς τοῦ Δανιὴλ βίβλου καὶ τοῦ Ναβουχοδονόσορ ἐκλύσεως ἐν ταῖς ἀποκαταστάσεσιν.*

2) Cf. ejus Danielem secundum LXX. ex tetraplis Origenis. Romae, 1522. p. 95

mentum ejusdem commentarii edidit Angelus Majus³⁾, qui sibi proposuit ex illo commentario ea tantum edere, quae inedita latebant. Quum nosset fragmentum, quod de Magistris publicaverat⁴⁾, apparet, codicem Romanum complura complexum esse, quam quae ex illo codice ipse edidisset, concludere, tamen non licet, quaecunque in Chisiano codice leguntur, inveniri in catena laudata. Itaque difficile videtur, dijudicare, quomodo alter codex sese habeat ad alterum, atque probare, nam uterque, an uter verus sit habendus. Comparato utroque codice intelligimus, eos non ita sese habere, ut alter altero perfici possit. Id quod facile intelligitur. Cap. 7, 4. enim explicatur latius apud Angelum Majum quam apud Simonem, adjungitur, quod historia docetur, promissa illa vere impleta esse. Quae vero explicatio conjungi nequit cum iis, quae proferuntur in codice Chisiano, nam eadem sententia, Nabuchodonosorum gloria privatum e regno patsum esse, occurrit in utroque codice, ita ut, si quae uterque habet, conjunxeris in unum, eadem duplici modo legantur, id quod omnino fieri non potest. Idem valet de versu 5., ad quem apud Angelum Majum breviter eadem interpretatio adjuncta est, quam latius illustratam in codice Chisiano invenimus; apud Angelum Majum autem additur, cur comparati sint Persae cum urso. Quae in codice Chisiano ad versum 6. notata leguntur, contracta sunt apud Angelum Majum, sed adjungitur, cur interpretes putet, cum panthera esse comparatum Graecum regnum ejusque regem Alexandrum. Eodem modo diversa sunt, quae in utroque codice leguntur ad versum 7. 5). Idem valet omnino de quatuor prioribus capitibus apud Simonem lectis. Si igitur cogimur, ut dicamus, non omnia certe, quae in utroque codice inveniuntur, posse partes esse ejusdem libri, inde tamen concludere non licet, fragmentum alterum esse genuinum, alterum non genuinum, atque eo minus, quia sententiae in eo prolatae consentiunt, atque forma tantum, quae illae vestitae sunt, diversa est. Aliis autem locis quae Angelus Majus profert conveniunt his, quae in codice Chis. leguntur; ita ut, si quae edidit Angelus Majus, interjecissemus iis, quae in hoc codice laudantur, perfectus videretur existere commentarius. Ita quae apud Ang. Majum annotata ad cap. 9, 21. inveniuntur, quadrant in ea, quae in codice Chis. exhibentur in initio capitis 11.; quae ad 10, 12. in ea, quae in fine capitis 27.; quae ad 10, 16. et 18. et 20. locum tenere possunt ante verba καὶ τὸν φησὶ in fine capitis 28.; quae ad 12, 1 — 3. legi

sq. De codice ipso disseritur in praefat. ad eundem librum p. XX et XXXVIII sqq. Cf. J. D. Michaelis orientalische und exegetische Bibliothek Thl. 3. S. 153 sqq. Thl. 4. S. 1 sqq.

3) L. L. Tom. I. pars. II. p. 161 sqq. Invenit hoc in catena Patrum in Danieli, de qua latius disserit in praefat. p. XXXVII sqq.

4) Cf. L. L. p. 162, not. 1.

5) Exempli causa afferimus, quae annotata sunt ad versum 5. Cf. Ang. Maj. p. 20: *Ἰνα ἐν τούτῳ (θηρίῳ διτιμῶ) δεῖξῃ τὴν τῶν Περσῶν βασιλείαν. Τρία δὲ πλείονα καλεῖ τὰ τρία ἔθνη. λέγει οὖν, ἥρξεν αὐτῷ τὸ θηρίον, οἱ ἦσαν Μήδοι, Ἀσσυριοὶ καὶ Βαβυλώνιοι. Apud Simonem cap. 1. p. 96: διτιμῶν θηρίον ἀπὸ ὁμοίων ἀγρίων, ὅτι οὗσαν Πέρσας μετὰ γὰρ Βαβυλωνίους Πέρσας διακρίτησαν. Τὸ δὲ λέγειν τρία πλείονα ἐν αὐτῷ σφραττῇ αὐτῆς, τρία ἔθνη ἔδειξε Πέρσας, Μήδους, Βαβυλωνίους, ὅτι οὗτοι μετὰ τὸν χρυσὸν ὁ ἀργυρὸς ἐν τῇ εἰκόνι.*

possunt ante cap. 41. Verbo tenus consentiunt quae ad 10, 6. apud Angelum Majum notantur cum iis, quae capite 26 leguntur; eodem modo inveniuntur ad 12, 7, notata in capite 43.; atque eadem, quae ad 10, 13. exponuntur, habes cap. 28. 6).

Quum igitur similitudo non exigua inter utrumque codicem cognoscatur, verisimile videtur, ab eodem esse auctore compositos illos in Daniele commentarios. Attamen mirum videretur, si idem vir confecisset duos in eundem librum commentarios. Quod aenigma ut solvamus, respiciendum nobis est ad Hippolyti librum de Antichristo, in quo (cap. 22—26.) eadem leguntur, quae paucis tantum omissis apud Simonem cap. 1—3 exhibentur. Quum autem mirum nobis visum sit, quod idem auctor dicitur eadem in duobus diversis libris scripsisse, in sententiam incidimus hanc, locum illum ex altero in alterum scriptum delatum esse. Si vero quae leguntur apud Simonem cap. 1—3. desumpta sunt ex libro de Antichristo, sane fieri non potuit, ut quae illo loco apud Simonem leguntur, consentiant cum iis, quae ad eundem Danielis locum notata invenimus in codice, quem edidit Angelus Majus. Quum autem, quia ea, quae apud Simonem leguntur, magna ex parte perficienda sunt iis, quae in codice Vaticano exhibentur, concedendum sit, commentarium apud Simonem lectum ex toto in Daniele commentario excerptum esse; verisimile videtur, eum, qui illam commentarium a Simone editum excerpterit, sumsisse cap. 1—3. ex Hippolyti libro de Antichristo (cap. 22—26.), quia hoc loco brevius leguntur, de quibus latius disseruit Hippolytus in commentario ipso ad Danielelem.

Quae codicis Chis. servata sunt, collata videntur non multum post Hippolytum, nam Apollinarius 7) refert, Nostrum una cum Nabuchonodosori somnio explicasse visionem ipsius Danielis 8). Quum illud fragmentum tam velusto tempore confectum videatur, dubium est, nam Photius legerit illa excerpta, an commentarium ipsum. Sed putò, eum, si illa legisset, relaturum fuisse, Hippolytum interpretatum esse somnium tantum Nabuchonodosori conjunctum cum Danielis visione. — Quum igitur ejusdem libri partes habeamus, quae Angelus Majus edidit, et quae in codice Chis. inde a cap. 4. usque ad finem leguntur, non autem quae in eodem habentur in quatuor prioribus cap., hoc loco, quo nobis probandum est, quae hodie adsint partes Hippolyti commentarii in Danielelem, non respicimus ea, quae pars libri de Antichristo habenda sunt.

Quum fragmentum a Simone editum ex Hippolyti libro de Antichristo et toto commentario in Danielelem jam collatum sit circa medium saecul. IV. 9), necesse est, ut inter Hippolyti verum librum de Antichristo et commentarium totum in Danielelem similitudo sit non exigua. Si igitur invenimus similitudinem inter librum quendam Hippolyto adscriptum, in quo de Antichristo disseritur, et commentarium quendam in Danielelem,

6) Pro *Μεγαλη* tantum legitur in codice Chis. *de Myrica*.

7) Cf. Angelum Majum l. l. p. 173.

8) Si cognosset Nostri in Dan. commentarium verum, non video, cur non illum ipsum, sed maluerit ea citare, quae ex alio ejusdem libro deducta sint.

9) Cf. testimonium Apollinarii apud Angelum Majum l. l. p. 173.

qui eundem auctorem habere dicitur, hunc utrumque ab Hippolyto confectum putamus, nisi certae dubitandi adsunt causae. Similia vero leguntur in fragmentis laudatis atque in libro de Antichristo a M. Gudio edito (cf. §. 42.). Ita quae de tempore, quo mundus consummetur, docentur de Antichristo cap. 42. et 43., latius probantur in commentario ad Danielelem, apud Simonem cap. 4—7.; quae de Henoch et Elia, Christi praecursoribus, atque de hebdomadibus annorum et de Babylonica captivitate leguntur cap. 43. et 64., exhibentur quoque in Dan. 22. et 40.; de Antichristo cap. 23. contenditur, vere facta esse, quae Daniel vaticinatus sit, id quod historia probatur in Dan. cap. 8. et 9. De Antiocho, Alexandri magni nepote, cujus mentio fit de Antichristo cap. 49., latius disseritur in Dan. cap. 10.; eadem, quae de Ammonitis et Moabitibus referuntur de Antichr. cap. 51., in Dan. cap. 40. invenis. Locum in libro de Antichr. cap. 26., qui desideratur in ea codicis Chis. parte (cap. 1—3.), quam desumptam ex illo libro probavimus, legimus verbo tenus apud Angelum Majum ad cap. 7, 15. (l. l. p. 205). Praeterea interpretos utitur eodem Messiano, quem dicunt, interpretandi modo, quem in aliis Hippolyti scriptis adhibitum invenimus¹⁰⁾. Quod in commentario, de quo nunc dissemimus, constituitur numerus annorum, qui praeteriti fuerunt a mundo creato usque ad Christum, atque tempus ostenditur, per quod Babylone retinebantur Iudaei, bene quadrat in Nostrum, qui artem arithmeticam fovebat. Denique, id quod maximi momenti est, Hieronymus et Photius¹¹⁾ ipsi, se legisse fragmenta commentarii in Danielelem laudata, testantur. Alter enim eorum¹²⁾ Nostro adscribit sententiam aliquam, quae constructa videtur ex iis, quae in codice Chis. leguntur cap. 13., 15., 39. Alter refert¹³⁾, Hippolytum mundi finem posuisse in anno post Chr. n. quingentesimo, quia sexies modo mille annos mundus maneat, quinquies autem mille quingentique praeteriti sint a mundo creato usque ad Christum. Id quod latius exponitur in cod. Chis. cap. 4.

Quae quum ita sint, luce clarius est, utrumque fragmentum confectum esse ab Hippolyto. Quam Photius referat (l. l.), Nostrum non verba singula, sed sententiarum nexum atque tenorem explicasse, opinor; codicem, quem Angelus Majus legit, integrum atque perfectum Nostri commentarium in Danielelem continere. Itaque maximi momenti esset, si ille vir celeberrimus publicasset totum codicem.

§. 34. *Pergitur, c) in Susannam*¹⁾.

Allegorico modo historiam de Susanna refert Hippolytus ad eccle-

10) Cf. quae Hipp. annotavit ad cap. 3, 92. et 93., et ad cap. 7.

11) Quae Anastasius Sinaita (quaest. 48. cf. Fabr. Vol. I. p. 272) ex Hipp. in Danielelem commentario laudata, referenda sunt ad ea, quae in cod. Chis. cap. 1. leguntur. Ex loco ipso patet, ipsam desumptam esse ex interpretatione, quae spectat ad Nabuchodonosori somnium et Danielis visum simul explicatum. Cf. apud Simonem cap. 1. not. 1.

12) Hieron. in Dan. 9, 27.

13) Photius cod. 201.

1) Quem librum primus edidit Combefisius (noviss. biblioth. Patrum Tom. I.), ex-

siam, quae a gentibus venatur. Susanna est typus ecclesiae, ejusque conjux Joachimus Christi; Babylonem refert ad mundam; hortum, in quo lavatur Susanna, significat ei vocationem Sanctorum, qui tanquam fructiferae arbores, in ecclesia plantati sint. Duo seniores significant ei duos populos, alter Hebraeos, alter paganos, qui diaboli incitati ecclesiam conjuncti persequuntur. Ut accuratius perspicimus rationem, quia in libello disseritur, pauca alia ex illo proferamus. Vers. 15. diem aptum, quo lavatum in hortum ivit Susanna, refert ad festum paschale, quo omnibus lavacrum paretur. Susannam lavatam esse, dicit, quia fuerit munda dei sponsa. Puellae, quae eam comitantur, sunt fides in Christum atque caritas in deum. Vers. 21. contendit, cum Susanna fuisse in lavacro adolescentem quendam, sed non, qui cum illa commisceretur, sed qui innocentiae testis foret. Vers. 22. refert, quae de false accusata Susanna narrantur, ad ecclesiae statum, quum Christiani Hippolyti aetate, nisi venerati essent paganorum idola, ad tribunal adducti mortis damnarentur. Vers. 23. transfert in eos, qui propter Christum patiuntur. Vers. 35. vexata Susanna flebat, ut lacrimis exciret *λόγος*, qui et lacrimis Lazarum mortuum in vitam revocasset.

Quae scripta esse ante Constantium imperatorem, inde elucet, quod vers. 22. verba *ἀποστράψας Σωσάννα* referuntur ad Christianos martyres, qui, nisi obsequentes paganis idola venerarentur, ad tribunal adducerentur. Vers. 5. probatur, illa esse conscripta eo tempore, quo Judaei et pagani se conjunxissent ad destruendas res Christianas, id quod factum est Nostri tempore²⁾. Ratio interpretandi pulchre quadrat in Hippolyti ingenium. Inveniuntur sententiae, quae similes videntur aliis a Nostro in genuinis libris prolatis; e. c. vers. 12. dicit, eodem, quo seniores ad Susannam, modo in ecclesiam venire gentiles atque Judaeos, ut falsos testes adversus Christianos se praebeant. Similiter admonet auctor libri de Antichristo (cap. 1.) Theophilum, ut caveat, ne hic liber in conspectum veniat profanorum hominum. Vers. 35. invenimus eandem de Verbo sententiam, quae latius exponitur de Antichristo (cap. 2. et 4. cf. librum Hipp. adversus Judaeos). Eodem allegorico modo interpretatus est Noster benedictionem Jacobi et Isaaci (cf. §. 20.).

Quum deinde Hippolyto a Syncello³⁾ adscribatur liber de Susanna et Daniele, non habemus, eum hunc librum, qui locum habet in eodem cod. Rom., ex quo Angelus Majus edidit commentarium in Daniele, Nostro abjudicemus. Combefisius⁴⁾ putat, Hieronymum et Photium de hoc tantum libro dixisse. Eos vero non solum hunc librum, sed etiam totum in Danielis librum commentarium, qui complectebatur hunc etiam librum atque ea, quae in canticum trium puerorum scripsit, legisse, jam probavimus.

cusus est iterum a Fabr. Vol. I. p. 273. Eundem inveniri in codice Romano, quem in antecedenti §. laudavimus, testatur Angelus Majus k. l. Tom. I. pars II. p. 161. nota 1.

2) Cf. Ceillier l. l. p. 326.

3) Cf. G. Syncellum in chronogr. p. 218. apud Fabr. Vol. I. p. 272.

4) L. l. p. 92.

§. 35. *Pergitur, d) in canticum trium puerorum.*

Hippolytum hunc canticum legisse in medio capitis 3 Danielis libri canonici, inde apparet, quod citantur versus illius capitis ¹⁾ eodem numero, quo referuntur a Graecis interpretibus. Quum igitur commentarium in Danielis librum canonicum hunc in canticum trium puerorum complecti in aprio sit, ea, quae inveniuntur in catena Patrum in psalmos et cantica sacrae scripturae (edit. Corderian. Tom. III. p. 951 ad 3, 37.) ²⁾, legenda sunt in annotationibus ad cap. 3. libri canonici. Quum igitur commentarius in canticum trium puerorum innexus sit commentario in Danielis canonicum librum, quin optimo jure ei adscribatur, non est quod dubitemus.

§. 36. *Pergitur, e) de Hippolyti prooemio in commentarium ad Danielelem.*

Fragmentum apud Fabricium (Vol. I. p. 278) prooemium esse commentarii in Danielelem videtur. Primum, cur conscripserit hunc libellum, deinde, quando vixerit Daniel et versatus sit captivus Babylonae, exponit; denique paucis illustrat Judaeorum historiam a Joacha rege usque ad tempus, quo in exilium Babylonem ducti sunt. Quibus absolutis hoc modo transire videtur ad explicandam historiam de Susanna: *τὸν λαὸν πάντος μετοικισθέντος (εἰς Βαβυλῶνα) . . . εὐρίσκωμεν τὸν μακάριον Δανιὴλ ἐν Βαβυλῶνι προφητεύσαντα, καὶ ἐκδοκὸν τῆς Σωσάννης γεγόμενον.* Non videre possemus, quid sibi vellet additamentum, Danielelem Babylonae existisse vindicem Susannae, nisi hisce verbis eum transire voluisse ad commentarium in historiam de Susanna conjicere liceret. Atque traditum nobis est, historiam de Susanna locum tenuisse in codice, quo utebatur Hippolytus, ante librum canonicum Danielis ¹⁾. Talis quum fuerit codex nostri scriptoris, verisimile videtur, prooemium illud ab Hippolyto vere esse compositum ²⁾. Quae sententia confirmatur a Syncello ³⁾. Dicit enim, ab Hippolyto relatum esse in scripto de Susanna et Daniele, Joacimum sive alio nomine Jechoniam, quum tres annos regnasset, eum populo Babylonem ductum esse, inter quos Danielelem ejusque tres amicos; uxorem vero regis fuisse Susannam. Quum in Hippolyti libro de Daniele et Susanna nihil inveniatur de Daniele abducto neque de tempore, per quod regnavit Joacimus, id quod in prooemio legitur, ge-

1) Cf. Angelum Majum 4. l. Tom. I. pars. I. p. 161.

2) Cf. Fabric. Vol. I. p. 280. Quae ex Hipp. in Daniel. commentario laudat Eustratius CP. adv. Psychopannuchitas, cap. 49., exhibentur apud Fabr. Vol. II. p. 32.

1) Cf. Fabr. Vol. I. p. 273: *ταύτη μὲν οὖν ἡ ἱστορία γινώσκται ὁμοίαν, περιγράφει δὲ τῆς βίβλου πρώτη . . . εὐρίσκωμεν καὶ ἐν ταῖς προφήταις ὁμοίους τῶνδε πρῶτας γεγραμμένας, καὶ ἐν ἱστορίαις πεπληρωμένας.*

2) Quod quidem non magni est momenti, quum praestantissimi codices in initio libri Danielis canonici historiam de Susanna exhibeant. Cf. Simonem l. l. in praefat. p. XVII.

3) In chronogr. p. 218.

nuinum illud adscribimus Hippolyto. Praeterea autem non invenias, quae a Nostri ingenio abhorreant, sed insunt sane aliqua, quae pulchre in eum quadrant, e. e. quod tam accurate indicatur tempus, per quod singuli regnaverint reges. Porro hoc prooemium post Constantinum imperatorem non scriptum esse, inde elucet, quod et Daniel nominatur propheta atque Christi martyr, et tribus ejus amicis attribuitur epitheton « μάρτυρες πιστοί. »

§. 37. In evangelium Matthaei.

Hieronymus (in praefat. commentarii ad Matthaeum ¹⁾) testatur, se Hippolyti commentarios ad Matthaeum legisse. Sed quum Hieronymus hunc Nostri librum non nominet in catalogo ejus librorum, puto, eum non commentarium perpetuum in Matthaeum, sed singula quaedam legisse, quae Hippolytus in aliis scriptis ad Matthaeum annotaverit ²⁾.

§. 38. De Joannis evangelio et apocalypsi.

Hieronymus laudat Nostri libellum de apocalypsi, in marmoreo laterculo nominatur « ἐνὲρ τοῦ κατὰ Ἰωάννην εὐαγγελίου καὶ ἀποκαλύψεως »; Ebedjesu inter Nostri scripta refert apologiam pro apocalypsi et evangelio Joannis ¹⁾. Itaque videtur Hippolytus in eodem libro docuisse, evangelium et apocalypsin, quae Joanni apostolo adscribantur, vere ab eodem conscripta esse. Num in illo disputaverit contra Alogos, an contra eos, qui Romae illos libros rejecerunt, constituere non audeo ²⁾. Quum Hieronymus commentarium in apocalypsin ab eo confectum laudare videatur, id quod Syncellus ³⁾ plane affirmat, praeterea, quum quanti aestimaverit apocalypsin, inde appareat, quod in libro de Antichristo (cap. 26. et 48.) et ipse confitetur, et singulos locos saepe affert atque diligenter exponit: re vera eum illius libri interpretationem scripsisse, non inepte aliquis conjecerit ⁴⁾.

- 1) Legisse me fateor in Matthaeum, Origenis quinqve volumina, et Theophili commentarios: Hipp. quoque martyris et Theodori, Apollinarii, Didymi.
- 2) Quae leguntur in catena Patrum Graecor. Corderiana p. 33 (apud Fabr. Vol. I, p. 280) ad Luc. 2, 15. ab Hipp. annotata: « quod si velis, Verbum dei primogenitum a coelo in Mariam descendens, etiam homo primogenitus in utero formatum est, ut primogenitum Verbum dei homini cooptatum primogenitum ostendatur », eadem fere exhibentur in fragmento aliquo servato a Theodoro, quod invenimus apud Fabricium Vol. I. p. 267. cf. §. 23.
- 3) Cf. Assemani biblioth. orient. Tom. I. pars I. p. 15. Cf. Neander Kirchengeschichte. Thl. I. Abthl. 3. S. 1150.
- 2) Cf. Gieseler Kirchengeschichte. Thl. I. S. 274. cf. §. 10. not. 6.
- 3) Chronogr. p. 358.
- 4) De commentario aliquo in apocalypsin inedito disserit Fabric. Vol. I. p. 280. cf. §. 56. nro. 4.

Caput III.

De Hippolyti libris dogmaticis apologeticisque.

§. 39. *Hippolytus scripsit librum de Antichristo.*

Hippolytum composuisse librum „de Antichristo“, testantur primus Hieronymus, deinde Joannes Damascenus ¹⁾, denique Photius ²⁾, qui contendit, se ipsum legisse Hippolyti librum de Christo et Antichristo.

Adsunt hodie duo libri Hippolyto adscripti, in quibus disseritur de Antichristo. Alterum M. Gudius 1661 edidit ex MS. Rhemensi et Ebroidensi, quos codices in Rhemorum urbe invenit, alter prodiit Parisiis 1557 Joanne Pico interprete. Quæritur igitur, quum constet, Hippolytum scripsisse de Antichristo, num uterque liber, an neuter, an uter Hippolyti sit putandus.

§. 40. *Uterque liber de Antichristo Hippolyto adscriptus ab eodem auctore non est compositus.*

Etiam si maxima est similitudo inter utrumque librum in antecedenti §. laudatum, ita ut complura verbo tenus consentiant (e. c. in libro Gudiano cap. 22—25. cf. in Piceo 13—15.; in Gud. cap. 7—13. cf. in Pic. cap. 18.; in Gud. 14. et 15. cf. in Pic. cap. 19. et 20.), tamen tam vario modo de una eademque re in utroque disputatur, ut ab eodem auctore compositi esse nequeant.

1) In Gudiano libro (cap. 2.) prophetae describuntur muti, qui non ipsi, sed per quos uti organon loquatur λόγος. In Piceo autem (cap. 2.) contenditur, prophetas res arcanas atque futuras ipsorum vita et oraculis revelasse, ita ut sua ipsorum persona homines deo reconciliarent.

2) In Pic. libro Antichristus nominatur diabolus ipse (cap. 22.); in Gud. autem filius diaboli atque vas Satanæ (cf. cap. 6. 14. et 57.). In hoc uti vernus homo describitur eodem modo, quo Christus (cap. 6.); in illo autem ei tribuitur corpus phantasticum, ita ut non fuerit homo, sed hominibus homo visus sit ³⁾.

3) In libro Gud. refertur, præcessuros esse secundo Christi adventui Henochum et Eliam (cap. 64.); in Pic. (cap. 21.) his adjungitur Joannes evangelista.

4) Auctor libri Gud. vult, mystico illo numero, qui laudatur Apocalyps. 13, 18, significari vocem „Ααρὶβοϋς“ (cf. cap. 50.); in altero libro (cap. 28.) explicatur ille numerus voce „ἀποϋμας“, quia, qui Antichristum colant, negent creatorem coeli et terræ atque baptismum.

1) In sacris parallelis edit. Lequin. Tom. II. p. 781.

2) Cod. 202. Aliorum testimonia exhibentur apud Fabric. Vol. I. p. 34.

3) Quæ hæc de re annotata sunt ab Combefisio, invenis apud Fabric. Vol. I. p. 10.

5) Varia in utroque libro est forma dicendi, in Gud. sententiae simpliciter conjunguntur, in Pic. autem gravis est dictio, atque auctor tam paucis pronuntiat et conjungit sententias, ut non solum a Graeca indole plane abhorreat, sed ut vix intelligi possit. — Praeterea in Gud. dicta probantia scripturae sacrae annectuntur formula *λέγει γάρ*, Picci vero auctor utitur variis formulis ²⁾).

6) Denique Gud. libri auctor in laudandis oraculis secutus videtur versionem LXX., Picci libri autem Theodotianam (cf. in Gud. cap. 19, in Pic. cap. 10.).

§. 41. Libri a Pico editi auctor Hippolytus esse nequit.

Librum a Pico editum ab Hippolyto non esse compositum paucis quidem, gravissimis tamen, causis prolatis probare liceat.

1) Cap. 7. sermo fit de monachis. Monachorum autem ordines saeculo quarto demum exstitisse, satis constat ¹⁾).

2) Cap. 7. et 34. mentio fit ecclesiarum, ita ut appareat, auctorem cogitasse aedem, in qua convenire soleant Christiani. Constat quidem tertio saeculo aedificata esse templa ²⁾, voce autem *ναός* quam habet auctor (cap. 8.), illo sensu inde a Constantini demum tempore usi sunt ³⁾).

3) Cap. 34. invenimus sententiam, lugere ecclesias, quia non praebeatur oblatio atque suffitus. Id quod Hippolyti nostri tempore fieri solebat in sepulchris tantum, in conventu autem publico apparuit ille mos quarto demum saeculo ⁴⁾).

4) Cap. 48. discernuntur duae animi partes ⁵⁾, quod discrimen Noster cognovisse quidem, sed non probasse videtur ⁶⁾).

Quae sufficiunt ad sententiam nostram probandam.

§. 42. Libri a Gudio editi auctor est Hippolytus.

Jam vidimus (cf. 33.), cum librum de Antichristo Hippolyto adscriptum, inter quem et ejusdem commentarium in Daniele similitudo inveniat quaedam, verum habendum esse, nisi certae adsunt dubitandae causae. Similitudinem vero esse inter librum a Gudio editum et commentarium in Daniele, supra (cf. §. 33.) probavimus. Deinde non adsunt causae, quibus commoveamur, ut librum laudatum Hippolyto abju-

2) Cap. 3. et 12. *οὗτοι οὖν ἐσσι*; cap. 5. *ἐν τῷ πνεύματι*; cap. 6. *καὶ ἀποκαταστήσει*; cap. 8. et 13. cf. cap. 18. *ὁ λόγος τοῦ*; cap. 10. *ἐκδοθήσεται ὁ λόγος*; cap. 13. 19. 21. et 38. *ἐκδοθήσεται*.

1) Cf. Gieseler l. I. p. 332.

2) Cf. Gieseler l. I. p. 391.

4) Cf. Tertull. apolog. cap. 30. et 42., de spectaculis cap. 11. et de cor. milit. cap. 10. Gieseler l. I. p. 578.

5) *ὁ πνεῦμα καὶ ψυχὴ ἰδιώματα*.

6) Conf. contra Platonem (apud Fabricium Vol. I. p. 322), ubi de animo (ψυχή) tantum loquitur. Cf. fragmentum ab Angelo Maio laudatum l. c. Tom. VII. p. 61. cf. §. 19.

dicuntur, sed inveniuntur, quae eum auctorem prodant. Photio enim consentimus dicenti, hunc librum atque commentario in Daniele eandem dicendi formam et sensuum simplicitatem inesse. Itaque dubitare non possumus, quin liber Gudianus idem sit, quem Photius legerit. Deinde insunt huic libro nonnullae, quae auctorem saeculi quarti certo in haereticorum numerum detraxissent; e. c. post Arium scribens spiritui divino vix addidisset praedicatum *πατρὶς* (cf. cap. 11.), quippe qua re in suspicionem venire potuisset, se spiritum nominare Christi patrem¹⁾. Quae de incarnatione *λογος* dicuntur, tam ambigua sunt, ut appareat, auctorem non plane intellexisse atque accurate discrevisse notiones trinitarias (cf. cap. 4.). Porro in commentario Hippolyti in Daniele et in libro nostro eandem interpretandi rationem usurpatam invenimus, ejus rei hoc gravissimum proferimus exemplum. In illius libri (apud Simonem cap. 43.) egi re, quod vir quidam utramque manum tollit, significari putat passionem Christi. Eodem modo referuntur (de Antichr. cap. 61.) ad Christum cruci affixum duae illae alae aquilae, quarum mentio fit Apc. 12, 14.

Accedit, quod in catenis Patrum Graec. in Jeremiae cap. 17, 11. ab Hippolyto annotata²⁾ leguntur in nostro libro (cap. 55.). Deinde Joann. Damascenus³⁾ citat sub Hippolyti nomine hunc librum inde a cap. 5. usque ad cap. 49. sub fine. Denique Andreas Caesariensis in Apc. 13, 1. (p. 70) annotat, Hippolytum bestiam, de qua illo loco sermo fit, de Antichristo interpretatum esse (cf. cap. 49.).

Quibus igitur causis commoti cogimur, ut hujus libri auctorem habeamus Hippolytum.

§. 43. Quomodo inscripserit Hippolytus librum modo laudatum.

Codices, ex quibus edidit Gudius hunc librum, inscriptionem praese ferunt hanc *ἡ περὶ τοῦ ἀντιχρίστου καὶ περὶ τοῦ Ἀρχιχρίστου*, quae exiisse videtur e titulo, quem libro dedit Photius *ἡ περὶ Χριστοῦ καὶ Ἀρχιχρίστου*. Hieronymus autem librum inscripsit *de Antichristo*, cui assentit M. Gudius¹⁾. Id quod equidem probo; nam de Christo pauca modo dicuntur, atque ea quidem, quibus ille conjugitur cum Antichristo. Christi tantum mentionem facit auctor, tunc in finem, ut demonstret, qualis sit interitus Antichristi²⁾.

§. 44. De Hippolyti libro adversus omnes Haereses.

Hippolytum conscripsisse librum adversus omnes haereses, testatur Eusebius, Hieronymus, Geladius, Nicophorus, Photius³⁾ tradit,

1) Quae ad hunc locum a Gudio annotata sunt, leguntur apud Fabricium Vol. I. p. 9.

2) Edit. Ghislerian. Tom. II. p. 449.

3) L. I.

1) Apud Fabric. Vol. I. p. 21.

2) Cf. cap. 6., quo Hipp. ipse eandem tractationis affert.

3) De duabus nativitatibus in Christo, Tom. VIII. biblioth. Patr. ed. Lugd. p. 704.

2) Cod. 121.

se legisse Nostri libellum adversus triginta duas haereses, a Dositheanis scilicet usque ad Noëtum ejusque discipulos, in quo ipse testatus sit, se contraxisse Irenaei contra haereses sermones³⁾. Talibus testimoniis commovemur, ut Nostrum conscripsisse illum librum putemus. — Adjungimus testimonia veterum, quibus Nostrum contra quasdam haereses confecisse librum confirmatur. Contra Dositheanos illum scripsisse, testatur Photius⁴⁾; contra Nicolaitas Stephanus Gobarus⁵⁾ et Theodoretus⁶⁾; adversus Montanistas Stephanus Gobarus⁷⁾. Capita adversus Cajum laudat Ebedjesu⁸⁾. Assemanus⁹⁾ et Fabricius¹⁰⁾ putant, Hippolytum non dicere de Cajo illo, presbytero Romano, cujus familiaritate apud Irenaeum, praeceptorem communem, usus sit¹¹⁾. Quibus omnium consensio; nam verisimile videtur, eum, quum Irenaeus¹²⁾ ipse refutasset Cainos sive Cajas Gnosticos, qui cohaerent cum Ophitarum secta, contra eosdem disputasse. Contra Valentinianos Nostrum scripsisse, confirmatur ab Epiphauio¹³⁾; contra Simonem Magum prolegomenis ad constitutiones apostolicas¹⁴⁾. Quum Irenaeus contra illum disputaverit, verisimile videtur, Hippolytum etiam illum refutasse.

In chronico paschali, quod vulgo Alexandrinum appellatur, fragmentum laudatur ex Nostri libro adversus omnes haereses¹⁵⁾, in quo disputat contra Quartodecimanos. Dubitare non possumus, quin illud fragmentum vere ab Hippolyto compositum sit, nam et constat, eum magnam operam navasse in definiendo paschalis festi tempore, et similis locus, qui desumptus laudatur ex libro primo de sancta pascha¹⁶⁾, ei adscribitur in eodem chronico.

Gelasius, episcopus Romanus¹⁷⁾, profert ex Hippolyti memoria haeresium fragmenta duo, quorum alterum in minoribus tantum differt a Nostri libro contra Noëtum cap. 18.¹⁸⁾, in altero breviter contenditur, Christum fuisse secundum carnem ex Davidis genere, ex deo secundum spiritum. Alterum fragmentum Hippolytanum putandum est, quum idem fere occurrat in libro contra Noëtum, quem ejus esse infra (§. 46.) probabimus. Quum alterum alterum excepisse videatur¹⁹⁾, hoc quoque genuinum putamus.

3) Cf. §. 4.

4) L. I.

5) Apud Photium cod. 232.

6) Lib. III. de haereticis fabulis cap. I.

7) Apud Phot. l. c.

8) Catalogus librorum Syrorum cap. VII. in Assemani biblioth. orient. Tom. III. pars I. p. 15.

9) In nota ad l. c.

10) Vol. I. p. 214.

11) Cf. Benedictinos l. I. p. 356. Fabricii biblioth. Graec. edit. Harless. Vol. VII. p. 197.

12) Cf. Adversus haereses. edit. Massuet. l. 31. p. 112. cf. not. 1.

13) Haeres. 31.

14) Apud Fabric. Vol. I. p. 235.

15) Apud Fabric. Vol. I. p. 224.

16) Cf. apud Fabric. Vol. I. p. 43. cf. §. 13. et 14.

17) L. I.

18) Cf. §. 46.

19) In altero fragmento probatur, Christo fuisse duas naturas, divinam atque humanam; alterum ita sonat: evidenti quod secundum carnem quidem ejus ex David erat, quod vero secundum spiritum, ex deo: quapropter probatum est, eundem et deum et hominem.

§. 45. De libro contra Beronem et Helicem ¹⁾ Hippolyto adscripto.

Fragmenta ex libello contra Beronem et Helicem, quae hodie leguntur, servaverunt Anastasius presbyter et Apocrisarius ²⁾. Qui videtur non legisse Nostri librum adversus omnes haeresees totum, in quo haec desumpta esse vult Fabricius ³⁾. Dicunt enim in epistola ad Theodosium presbyterum Gangrensem ⁴⁾, cui haec fragmenta miserunt, in illo libro, quem totum transcribere sibi proposuerint, disputari contra confusionem et commixtionem utriusque Christi naturae.

In quo fragmento confenditur, in Christo fuisse duas naturas, divinam atque humanam, recte conjunctas, non confusas, atque commixtas, quae Beronis sententia fuisse dicatur ⁵⁾. Deum esse immensum atque infinitum; immensum autem et infinitum commutari non posse, quia non adit locus, ad quem moveri possit ⁶⁾. Itaque cogitari non posse, divinam naturam commutatam esse in humanam. Utramque naturam sibi propriam vim atque virtutem in Christo servasse. Hunc divina natura edidisse miracula; humanam autem dolori et affectibus obnoxiam fuisse ⁷⁾. Sin autem confunderentur naturae, dualitas adscriberetur Christo, atque si personae separarentur, existeret quaternitas in Christo ⁸⁾. Nam eum, qui adscribit alii, quae ad alius naturam spectent, confundere duas naturas, dividere autem personas ⁹⁾.

Inscriptionem ¹⁰⁾ non esse confectam ab auctore fragmenti, sed ab Anastasio, apparet; nam quid alioquin sibi velit additamentum *οὗ ἡ ἀρχὴ ἁγίος κ. τ. λ.*, conspici nequit.

- 1) Fabricius (Vol. I. p. 225) respiciens lectionem duorum codicum *ἡλικίουτος τῶν αἰρετικῶν* putat, legendum esse *ἡλικίουτος αἰρετικῶν*, ita ut tituli sensus sit contra Beronem et haereticos alios ejus aequales. Cf. biblioth. Graec. edit. Harles. Vol. VII. p. 191. J. Basnage vero contendit (animadversiones de vita, morte et scriptis Hipp. in H. Canisii lectionibus antiquis Vol. I. p. 12), contra Beronem et Helicem Valentini discipulos in hoc libello disputari.
- 2) Cf. Maximi oper. Tom. I. edit. Combefis. in actis Maximi p. LXXXVII. Apud Fabric. Vol. I. p. 225 sqq. 3) Bibl. Graec. I. 1.
- 4) De epistola illa Anastasii, latius disserit Nicephorus C. P. in libro contra impugnatores imaginum, atque citat nonnulla ex tertio sermone. Cf. Gallandium I. 1. p. 467.
- 5) In sermone quinto: *Βήρων γὰρ τις ἑναγχος, μεθ' ἑτέρων τινῶν, τὴν Βαλεντινίου φαντασίαν ἀντίτις, χεῖρον καὶ κατεπάρησαν, λέγοντες, τὴν μὲν προσληφθῆσαν, τὴν ἄλλαν αἰρεσι γινώσκοντες ταντοῦτον τῇ θεότητι διὰ τὴν πρόσληψιν, τὴν θεότητα δὲ μὴ γινώσκοντες ταντοπαθῆ τῇ σαρκὶ διὰ τὴν κένωσιν, τροπὴν θεοῦ, καὶ φύσιν, καὶ σύγχυσιν, καὶ τὴν εἰς ἀλλήλους ἀμοιρίων μεταβολὴν δογματίζοντες.*
- 6) In sermone primo: *τὸ γὰρ ἄπειρον κατ' οὐδένᾳ τρόπῳ ἢ λόγῳ ἐπιδέχεται κίνησιν, οὐκ ἔχον ὅποι καὶ περὶ δ κινήσεται.*
- 7) Cf. sermonem tertium.
- 8) In sermone quinto: *ὅτι αὐτοὺς συγχυμένων ἔσται διὰς τὴν ἑκείνου, καὶ προσέπων μεμερισμένων τεσσάρων κ. τ. λ.*
- 9) In serm. sexto: *Ὁ γὰρ ἑτεροφυδὴς ἰδιότης ταντοῦτον, σύγχυσιν δρεῖ φανερὴν, καὶ διὰ τὴν αὐτῶν ἰσημεσίαν προσωπικήν.*
- 10) Τοῦ ἁγίου Ἰππολύτου ἐπισκόπου Πόρον, ἄγων τοῦ ἁγίου Παύλου καὶ μαρτυροῦς τῆς ἀληθείας, ἐν τοῦ κατὰ Βήρωνος καὶ Ἠλικίου τῶν αἰρετικῶν, περὶ θεολογίας καὶ σαρκώσεως κατὰ στοιχείων λόγον, οὗ ἡ ἀρχὴ, Ἅγιος, ἅγιος, ἅγιος, κύριος σαβαὶθ δαυὶδ καὶ ὁ πατήρ βοῶντα τὰ Σιραβὴμ τὸν Θεὸν δεξιόθεν.

Fragmentum ipsum num Hippolyti sit, hac de re in utramque partem et saepe disputatum est¹¹⁾. Multi rejecerunt hunc librum his causis commotum.

1) Quia in illo errores Apollinarii et Eutychis refutati essent, apparere, scriptum esse librum post disputationes, quae dicuntur, monotheliticarum.

2) Si Chalcedonensis concilii tempore jam scriptus fuisset, Theodoretum ex eo argumenta sumtutum fuisse, quum nonnulla ex aliis Nostri scriptis laudaret;

3) A nomine veterum tradi quidquam de Berond et Helice¹²⁾. Qui defendunt librum, putant, fieri posse, ut scriptor ecclesiasticus quidam afferat, quibus error haereticus postea ortus refutari possit, id quod doceatur exemplo Athanasii et Tertulliani, quorum uterque, quamquam multum ante Nestorium et Eutychen vixerit, accuratius disputaverit de duabus Christi naturis. Cognoscere tamen licet, num auctor aliquis sententiam suam simpliciter probare studuerit, an aliorum errorem refutans veritatem exponere voluerit. Athanasium autem et Tertullianum non disputasse contra aliorum sententiam, sed suam ipsorum latius exposuisse, facile intelligitur. Nostro autem libro refutatur rationibus allatis error haereticus¹³⁾. Itaque necesse fuit, ut ille error eo tempore jam ortus esset, quo hic liber conscriptus est. Quam autem alio argumentis non probent, Hippolytum esse hujus libri auctorem, relinquunt certe rem in dubio.

Alienum nobis videtur genus dicendi, quo utitur auctor hujus libri, nam difficile est intellectu, constructio est hiulca et perturbata, ita ut ne Anastasius quidem multis locis sensum tetigerit¹⁴⁾; Hippolytus autem, quod jam Photius judicat, sancta simplicitate, non contorte sententias exprimit. Versatur in formulis ex sacra scriptura desumptis, quales in hoc scripto nusquam occurrunt. Atque summum est, quod nostro libro sententiae probantur philosophicis rationibus, non respectu habito sacrae scripturae; Hippolytus autem de rebus divinis disserens semper ad sacram scripturam recurrit¹⁵⁾.

Quae quum ita sint, non possumus non contendere, illud fragmentum non esse partem libri adversus omnes haereseas, qui ab Hippolyto conscriptus est.

11) Inter eos, qui librum refutant, sunt Martini (Versuch einer pragmatischen Geschichte des Dogma von der Gottheit Christi in den 4 ersten Jahrhunderten nach Christi Geburt. Thl. I. S. 147. Anmerk.), Basnage l. I. p. 10 sqq.; qui defendunt Caillier l. I. p. 347 sqq., Tillemont l. I. p. 249, Fabricius l. I. Dubii sunt Benedictini l. I. p. 382, Du Pin l. I. Tom. I. p. 112.

12) Quod ad duas ultimas attinet causas, quae proferantur, eas omittimus, nam utraque omnino nihil probari potest. Cf. Cave l. I. Tom. I. p. 106. Oudin l. I. p. 224.

13) Cf. Sermonem quintum. Dubium nobis videtur, quum tam multi incidissent in eorum partes, qui dicuntur Patripaschiani, si illius erroris origo derivanda esset ex tam antiquo tempore.

14) Cf. Cleodii Capperonias salmadvors. in Anastasii versionem apud Gallandiam l. I. p. 473.

15) Cf. de Antichr. cap. 2. contra Noctum cap. 9.

Ad eundem hunc librum referenda videntur, quae ex Fabricio (Vol. I. p. 235 et Vol. II. p. 454) edidit, quanta desumpta videntur ex *ἡτοιμασμένῃ διὰ τοῦ Θεοῦ*. De quibus difficile quidem est judicare, sed quum verba *τὸ Θεὸν εἶναι ὁ Θεός*, sive *τὸ πᾶν Θεός*, auctoris esse videntur, qui philosophiam fovet, non Hippolyto hoc fragmentum tribuimus.

Ex eodem libro desumpta videntur fragmenta, quae occurrunt in doctrina Patrum de Verbi incarnatione¹²⁾. Quae quum in ejusdem Anastasii libro, per quem fragmentum modo laudatum servatum est¹³⁾, inveniuntur, suspecta omnino videntur. Deinde auctor illorum fragmentorum utitur genere dicendi simili ei, quod adhibitum est in libro modo laudato; nam ita confuse atque obscure scripsit, ut nos certe, quid sibi vellent, intelligere omnino non possemus.

§. 46. De Hippolyti libro contra Noctum ejusque discipulos.

In hoc libro disputatur contra doctrinam Nocti ejusdem Smyrnaei ejusque discipulos¹⁴⁾. Quae refutatio, quum non multo post Nocti mortem¹⁵⁾ eam scriptam esse magno jure conjici possit, non post annum 235 conscripta sit, necesse est¹⁶⁾.

Prinsquam judicemus de hoc libro, ejus argumentum praemittere placet. Nocti sententiam profert examinatque auctor cap. 1¹⁷⁾ et 8¹⁸⁾, cap. 9 — 18. probat dogma ecclesiasticum. Docuit enim iste, Christum esse patrem, ipsumque patrem genitum et mortuum esse¹⁹⁾. Ad sententiam suam probandam his utitur sacrae scripturae locis: Exod. 3, 6.; 20, 3.; Jes. 45, 5. et 14.; Baruch. 3, 36.; Rom. 9, 5.; Joh. 10, 36.; 14, 8. In quibus refutandis refert Hippolytus Jes. 45, 14. verba *ἐν σοὶ ὁ Θεός ἐστὶν ὁ Χριστός*, in quo fuerit deus. Quod ad Baruch 3, 36. attinet, antecedentia adjungens, contendit, illo loco significari Israël dilectio Christum. Rom. 9, 5. refert ad potestatem, quam deus tradiderit Christo; adjungit, illum ipsum patrem confessum esse atque adorasse (Joh. 20, 17.). Loco Joannis 10, 30. significari non unitatem essentiae, sed similitudinem animi. Si voluisset evangelista, patrem atque filium fuisse eandem personam, ei dicendum fuisse *ἐν εἰς*, non autem *ἐν ἑσέ*. Deinde Joan. 14, 8, quo loco Christus dicit, patrem esse in se ipso, ita interpretatur, ut Christus sit imago, per quam, similem patri, hunc ipsum cognoscere liceat. Nocto refutato, dogma ecclesiasticum probare studet sacra scriptura ipsa.

Deus, quum consilium cepisset mundi creandi, solus adfuit sine coaevo. Omnia fuerunt in deo, ipse fuit omnia. Quando volebat, osten-

16) Leguntur in actis concilii Lateranensis anno 349 habiti.

17) Cf. Angelum Majum l. I. Tom. VII. p. 14 et 68.

18) Cf. eundem in praefatione. Tom. VII. p. VII. (1)

1) De libri titulo cf. Fabric. Vol. II. p. 5. 188.

2) Cf. cap. 1. *ἡ (Νότος) οὐ πολλοῦ χρόνου γερόμενος*.

3) Cf. §. 6. p. 7 et 8. cf. Martini l. I. p. 143.

4) Fabula videtur esse, quod Noctus contendit, Noctum se ipsum Moysen, atque fratrem suum Aaronem putasse.

dit Verbum⁵⁾. Per Verbum omnia sunt facta. Omnia quæ facta sunt, confecit deus per Verbum et Sapientiam, creans per Verbum, ornans per Sapientiam. Quare λόγος, quæ in deo solo absconditus erat, quum prænuntiatio verbo omnipotentis dei mundus creatus esset, mundo visibilis fuit. Itaque alius quidem fuit iuxta deum, non vero ita, ut deo fuisset dii; sed, quomodo sol et radii, fons et fluvius duæ sunt res, una vero eademque via, eodem modo deus et λόγος se habent. Totum est pater, ejus pars filius dei⁶⁾. — Deus unus voluntatem promulgavit per legem et prophetas, per quos loquebatur spiritus sanctus; Verbum, igitur, versatum est in prophetis. Omnia, quæ a prophetis dicta sunt, repetiit Joannes evangelista, ut demonstraret, Christum esse Verbum, per quod mundus esset factus. Idem Verbum, quod per prophetas loquebatur, in Christo incarnatum est. Joannes, quum Verbum nominet deum, atque dicat, illud fuisse apud deum, non vult, duos esse deos, sed duas personas atque oeconomiam spiritus sancti⁷⁾. Pater est super omnia, filius per omnia, spiritus sanctus in omnibus⁸⁾. Deinde Joanne teste probatur, se nominantem Christum *vīor* non novum terminum afferre. Incarnatum esse Verbum, probat Pauli testimonio⁹⁾ (Rom. 8, 3.).

Denique refutat sententiam, Patrem ipsum descendisse in mundum, sed contendit, Verbum in terram venisse (cf. cap. 16.; Joann. 16, 28.). Quomodo autem genitum sit Verbum ex deo, quaerere, stultum esse Hippolyto videbatur, quum explicare non possemus, quomodo ipsi geniti essemus (cf. cap. 16.). Adjungit adhortationem, ut tenerent traditionem apostolicam.

Ultimo loco exponi, Christo fuisse duas naturas, humanam, quia
siti, fami ceteris affectibus subjectus, divinam, quia ab angelis laudatus
esset etc.

Qui liber vere Hippolyti, esse omnibus fere videtur recentioribus scriptoribus ecclesiasticis ¹⁰⁾. Cave ¹¹⁾ vero eum rejecit, sed non profert argumenta. Eodem modo in suspicionem induxit libellum Beausobre ¹²⁾,

5) Cap. 10: νῆσταις ἐπὶ λόγον.

6) Τὸ νῦνος τοῦ Θεοῦ ἐκ τῆς ἀρχῆς ἀδ. generationem Verbi, sed ad incarnationem refert. cf. cap. 15. καὶ τὸ νῦνος ἀρχαῖος καὶ καθ' ἑαυτὸν ὁ λόγος, τέλειος ᾧ νῦνος, καὶ τὸν τέλειος λόγος ὃν μονογενῆς, οὐδ' ἔσπερος καθ' ἑαυτὴν φύσιν τοῦ λόγου ὑποστάτως ἰδίωται, διὰ τῷ ὃν λόγῳ τὴν οὐσίαν ἔχει· οὕτως οὖν εἰς νῦνος τέλειος Θεοῦ ἐφανέρωθη·

7) Disputari potest, num spiritum sanctum tanquam personam sibi cogitaverit. cf. cap. 14. ὁμοῦ μὲν ἔστι ἡ ἐξουσία, ἀλλ' (ἡ) ὥσα, πρόσωπα δὲ δύο, οἰκονομίαι δὲ τρεῖς, πᾶν χάριτος τοῦ αὐτοῦ πνεύματος. Ποῦτος μὲν γὰρ εἰς, πρόσωπα δὲ δύο, οἱ καὶ ὁ υἱός, τοὺ δὲ τρίτον τὸ αὐτοῦ πνεῦμα. Dubium est, num supplendum sit ad vocem τρίτοναι vox πρόσωπα, an sit indefinite accipiendum. Quum autem perspicuis verbis πρόσωπα δύοε opponat verbo τοὺ τρίτοναι, apparet, enm spiritum sanctum sibi non cogitasse tanquam personam.

8) Cf. cap. 14.

9). Cf. cap. 15.

10) Tillemont l. l. p. 244. Oudin l. l. p. 224. Du Pin l. l. p. 113. Geillier l. l. p. 341. Benedictini l. l. p. 381 sqq.

11) L. l. Tom. I. p. 108.

12) Histoire critique des Manichéens. Tom. I. p. 594. Quam negligenter tractaverit Bonsebre librum nostrum, inde apparet, quod nescit, eundem librum in duobus diversis codicibus diverso inscriptam esse titulo. Putat enim, duos

qui contendit, Nostrum exscripsisse nonnulla ex Tertulliani scriptis. Quam sententiam repetit Semler¹³⁾. Sed quid mirum videtur, si duo scriptores, qui eodem fere tempore tradunt eandem ecclesiasticam doctrinam, in nonnullis consentiunt? Hippolytum vero Tertulliani scripta¹⁴⁾ exscripsisse, nullo modo probari potest. Alterum argumentum hoc profert Semler, quod eadem, quae leguntur cap. 18., citantur a Theodoro (in dialog. II.), desumpta scilicet ex Nostri interpretatione psalmi secundi. Idem fragmentum laudatur a Gelasio¹⁵⁾ «ex Nostri memoria haeresium». Quibus tribus locis comparatis videmus, a Theodoro et a Gelasio laudata verbo tenus consentire¹⁶⁾; complura vero adjuncta esse in libro contra Noëtum. In quo loco cuique sententiae, qua vel humana vel divina natura probatur, adjungitur sententia secundaria; deinde latius demonstratur Christi divina natura. Quae quum ita sint, non consentio cum viris doctis, qui putant, Gelasium exscripsisse hunc contra Noëtum locum; nam mirum me habet, quod locus eodem modo excerptus ex alio Hippolyti libro occurrit apud Theodoretum. Sed conjicio, ex alio atque eodem fonte hausisse Theodoretum et Gelasium. Obstat tamen, quod alter alterum fontem indicat, ex quo sua habeat. Attamen quum Theodoretus soleat hoc modo citare «ἐκ τοῦ λόγου τοῦ εἰς κ. τ. λ.»¹⁷⁾, suspectus mihi videtur titulus ita sonans «ἐκ τῆς ἐρμηνείας τοῦ β' ψαλμοῦ», atque multo magis, quia vix in psalmo II. inveniri potest locus, cui haec annectere potnerit Hippolytus. Velim pro «τῆς ἐρμηνείας» legere «εἰς τὰς αἰρέσεις». Ψαλμός autem vocem non ita intelligo, ut significet cantus sacrae scripturae, qui a veteribus Davidi tribuebantur, sed eam refero ad cantus, qui secundo atque sequentibus saeculis a doctis Christianis confecti in coetibus Christianis praelegebantur¹⁸⁾. Itaque illa desumpta videntur ex Nostri secunda inter homilias, quas confecit Hippolytus contra haereses. Ansam corrumpendi tituli prae buisse vocem ψαλμός verisimile est. Si verum vidimus, sequitur, ea, quae Gelasius praebeat, non desumpta esse ex scripto contra Noëtum, sed ex eo libello, qui conscriptus sit contra alium haeticum, de quo in secundo sermone libri contra haereses dissertum sit. Itaque quum discrimen insit tribus illis locis non parvum, consentire non possumus cum Semlero, qui locum contra Noëtum lectum plagium nominat. Argumenta igitur, quae prolata sunt ab iis, qui rejecerunt hunc librum, refutasse nobis videmur. — Martini¹⁹⁾ putat, hunc librum, etiamsi non sit confectus ab Hippolyto, conscriptum tamen esse eo tempore, quo ille vixerit. Atque sane confectus est liber

esse libros homiliam contra haeresin Noëti et homiliam de deo uno et trino contra haeresin Noëti.

13) S. J. Baumgarten Untersuchung theologischer Streitigkeiten herausgegeben von Semler. Vorrede S. 234. Note 232.

14) Cf. librum adversus Praxeam.

15) L. I.

16) In fine apud Theodoretum ante verba καὶ ἔκτου δίδωσι μαθηταῖς adjuncta sunt verba καὶ ἀμαρτίας ἀφῆσιν.

17) Cf. Quae ex Theodoro profert Fabricius Vol. I. p. 267 sqq.

18) Id quod factum esse, testantur Plinius junior (epist. ad Trajanum), Cajus Presbyter et Patres Laedicensis (can. 59.). cf. Stephanum L. I. Vol. II. p. 1089. Quo loco quoque docetur, illos cantus nominatos esse ψαλμοί.

19) L. I. p. 146.

ante concilium Nicaenum. Nam non occurrit in eo vox *ἁπολύσις*; si post illud conscriptus fuisset, haereticus putatus fuisset auctor, qui non cōtendisset unitatem essentiae in Patre et in Filio²⁰⁾. Praeterea spiritus sanctus cogitatur non tanquam persona²¹⁾. Atque adsunt, quae probent, illum libellum esse partem Hippolyti libri contra haereses. Ex initio libelli²²⁾ elucet, auctorem antea contra alias haereses scripsisse. Ex iis, quae in fine cap. 8. leguntur, concludere licet, hoc fragmentum fuisse conclusionem totius libri adversus haereses²³⁾; id quod retulit Photius de Nostri adversus haereses libri indole. Auctor hujus libelli refert Apocalypsin ad Joannem evangelistam²⁴⁾, id quod Nostro proprium fuit. Cap. 11. in fine et 12. contenditur, in prophetis fuisse Verbum, quo Verbum se ipsum praedicasset hominibus. Similia leguntur de Antichr. cap. 4. — Cap. 9. exponit, se non suam prolaturum esse sententiam, sed quae sacra scriptura doceantur, cf. de Antichr. cap. 2. — Sententiae simplici atque perspicuo sermone proferuntur; versatur auctor in elocutionibus, quae colorem sacrae scripturae prae se ferunt.

Itaque non dubitamus, quin hoc fragmentum vere sit conclusio scripti adversus omnes haereses, quod Hippolyti est.

§. 47. De Hippolyti homiliis.

In laterculo marmoreo citantur *ὁμιλίαι εἰς πάσας γραφάς*, quem vero titulum dubium esse, supra (§. 13.) probavimus. Homiliae, quae sub Hippolyti nomine laudantur, partes esse videntur libri adversus omnes haereses; nam fragmenta, quae ex illo libro exstant, homiliae speciem prae se ferunt¹⁾, deinde videmus, in fragmentis, quae ex homiliis Nostri laudentur, eum disputare contra haereses²⁾. Accedit, quod Hieronymus meminit unius tantum homiliae, quam Hippolytus Origene praesente habuerit.

Eorum libellorum, qui sub titulo homiliarum laudantur, unus tantum totus servatus est. Qui est sermo in sanctam theophaniam³⁾.

Omnia dei opera bona et pulchra sunt, sed pulcherrimum id est, quod deus misit Christum in mundum ad salvandos homines. Agit Hippolytus praecipue de Jesu ab Joanne baptizato. Postquam retulit, Jesum ab Joanne invito baptizatum esse (cap. 3. et 4.), laudat beneficia, quorum per Christum participes sumus. Per hunc patefactum coelum,

20) Cf. p. 43.

21) Cf. not. 7.

22) *Ἐπειδὴ τινες ἕτερον διδασκαλίαν παρεσάγουσιν.*

23) *Ἐπειδὴ οὖν ἤδη καὶ ὁ Νότος ἀποκρίσκειται, κλισίῃ ἐπὶ τὴν τῆς ἀληθείας ἀπόδειξιν, ἵνα συστήσωμεν τὴν ἀλήθειαν. Καθ' ἧς πάσαι τοσαῦται αἰρέσεις γινόμενται μηδὲν ἐντάμιναι ἡμῖν.* Cf. not. ad hunc locum apud Fabricium.

24) Cf. cap. 15.

1) Cf. contra Noëtum cap. 1.: *ὁρᾷται, ὅσον ἔκτασμα καρδίας . . . ἐπισφίλθεν εἰς αὐτόν.* Cap. 4.: *ἐλθόμεν, ὡς ἵππον τὴν αὐτοῦ ἀνατροπήν.*

2) Cf. fragmentum ex Hipp. *ἐλόγου τοῦ εἰς τὴν τῶν ταλαίων διανομίην* (apud Fabricium Vol. I. p. 281): *ἰκίνοιο, ἥτοι ψιλὸν ἄνθρωπον ἐμολογοῦσι πεφυκέναι τὸν Χριστὸν εἰς τὸν βίον, τῆς θεότητος αὐτοῦ τὸ ταλαίων ἀποσπῆμα.*

3) Apud Fabric. Vol. I. p. 261.

reconciliata esse visibilia cum invisibilibus etc. Per columbam, in qua descenderit spiritus sanctus, sicuti factum sit in arca Noë, significatum esse amorem dei. Verba vero »hic est filius meus dilectus« ita interpretatur »hic est, qui Josephi nominatus est filius, sed meus est unigenitus secundum divinam naturam.« Tum profert, quos labores amore in homines commotus Jesus sustinuerit. Adjungit adhortationem, ut baptizari se sinat coetus aqua atque spiritu sancto, ut eodem, quo Christus, modo fruantur vita aeterna. Itaque haec oratio festo baptismi Christi procul dubio habita est ⁴⁾.

Videmus, auctorem diligenter atque accurate in sacrae scripturae libros incubuisse; nam versatur quam maxime in elocutionibus scriptorum sacrorum, atque ex iis apte citat multos locos. Itaque simillimus videtur auctor Hippolyti, qui eodem modo loqui amat. Deinde autem mentionem facit duarum Christi naturarum ⁵⁾, de qua materia, quotiescunque poterat, Noster disseruit. Quum vero non inasiat huic homiliae aliena a Nostri indole, non videmus, cur non adscribamus eam Hippolyto.

Sunt ⁶⁾ qui putent, Hippolytum hanc habuisse homiliam Origene praesente; sed 1) alius est titulus ejus, quam Nostrum habuisse eoram illo refert Hieronymus ⁷⁾, 2) in hac non fit mentio Origenis, quem allocutus esse dicitur.

Praeterea fragmenta laudantur haec:

1) *Ἐκ τῆς εἰς τὸ πάσχα ἐξηγήσεως* (desumptum est ex actis concilii Lateranensis anno 649 habiti. cf. apud Fabricium Vol. II. p. 145).

2) *Ἐκ τοῦ λόγου τοῦ εἰς τὴν τῶν ταλάντων διανομήν* (ex Theodoreti dialogo secundo edit. Lequiana p. 88. cf. apud Fabric. Vol. I. p. 281).

3) *Ἐκ τοῦ λόγου εἰς τοὺς δύο ληστὰς* (ex Theodoreti dialogo tertio p. 455. apud Fabr. ibidem).

Quae cur genuina non habeamus, non videmus.

§. 48. Contra Marcionem.

Praeter illum tractatum contra omnes haereses singularem contra Marcionem librum scripsisse Hippolytum, testantur Eusebius atque Hieronymus. Nonnulli viri docti ¹⁾ putant, conjungenda esse apud Hieronymum verba »adversus Marcionem« et »de resurrectione«, ita ut in libro de resurrectione refutaverit Marcionem. Sed offendit me, quod Anastasius Sinaïta ²⁾, qui servavit fragmentum illius scripti, in titulo non me-

4) Concludam igitur, hanc orationem in Orientalibus terris habitam esse.

5) Cf. cap. 7.: τοῦτός ἐστιν ὁ τοῦ Ἰωσήφ δομαζόμενος υἱὸς καὶ ἐμὸς μονογενὴς κατὰ τὴν θεϊκὴν φύσιν.

6) Benedictini l. l. p. 379.

7) Hieron. Illi homiliae hunc titulum dat »προσμίμῃς de laude Domini Salvatoris«; nostra vero inscripta est »λόγος εἰς τὰ ἄγρια θεωρεῖσθαι«.

1) Cf. Fabric. Vol. I. p. 224.

2) Cf. §. 51. Titulus fragmenti est: Ἰππολύτου ἐκ τοῦ περὶ ἀναστάσεως καὶ ἀφθαρείας λόγος. Fragmentum ipsum est tam exiguum, ut ex eo non liceat cognoscere libri indolem.

minit Marcionis. Theodoretus ³⁾ refert, Hippolytum Marcionem refutasse, non autem possumus ex eo intelligere, num illam refutationem legerit in libro contra omnes haereses, an in singulari libello. Nicephorus ⁴⁾ et Syncellus ⁵⁾, qui librum de resurrectione non memorant; tradunt, Hippolytum scripsisse *πρὸς Μαρκίωνα καὶ τὰς λοιπὰς αἵρεσεις*. Tillemont ⁶⁾ conjicit, illum librum dici ab Eusebio et Hieronymo, qui in laterculo marmoreo significetur hoc titulo *περὶ τοῦ ἀγαθοῦ καὶ πόθεν τὸ κακόν*, sed firmare conjecturam suam non studeat.

Quum autem verisimile sit, Nostrum in libro contra omnes haereses refutasse etiam Marcionem, offendit sane quemque, quod de eadem materia diversi libri conscripti dicantur. Itaque novam conjecturam proferamus. Respicientes Eusebii locum invenimus titulum libri adversus Marcionem innexum titulis commentariorum, quos in sacram scripturam scripsit Hippolytus. Itaque locum esse corruptum suspicor; nam cum librum adversus Marcionem non laudaverit eo loco, quo sermo fit de libro adversus omnes haereses; intelligi nequit. Quam difficultatem ita solvere velim, ut deleta interpunctione ante verba *πρὸς Μαρκίωνα* in unum jungam titulos *εἰς τὰ μετὰ τὸν ἑξαήμερον* et *πρὸς Μαρκίωνα*. Quam quidem conjecturam veritatem assequi, hoc quoque probat, quod Hippolytum in illo commentario disputasse contra Gnosticos quosdam vidimus (cf. §. 19.) ⁷⁾.

§. 49. Adversus Graecos.

Contra Graecos Hippolytum scripsisse confirmatur catalogo in statua designato ¹⁾. In quo libro primo describitur orcus, tum sermo fit de corporum in vitam reditu. Totus orcus obtegatur tenebris; idem omnibus est descensus ad inferos. Portam orci transgressi justī altera, altera via injusti deducuntur. Illi eunt voluntarii angelis comitantibus ad splendidissimum locum, ubi gaudent contemplatione dei; hos autem propulsant angeli mali ad inferiora, ubi vehementer anguntur. In quo orco retinentur omnes animae usque ad diem judicii ultimi, quo quaeque anima vestiatur eodem corpore, quod illi fuit in priori vita.

Quum non inveniamus in libro nostro, quae aliena videantur a Nostrī ingenio, sed quum insint aliqua, quae bene quadrent in Nostrum (e. c. quod profert sententiam, in regno coelesti non inveniri errores

3) Haeretic. fabul. lib. I. cap. 25.

5) Chronograph. p. 358.

7) Quum verisimile sit, Marcionem, etiamsi non censuerit, tria hominum genera esse creata, putasse tamen, quia opinatus sit tres esse deos, tres esse classes hominum, haud inepte aliquis conjiciat, Hipp. in commentario in ea, quae post Hexaëmeron, disputasse contra Marcionem. Cf. Marcion's Glaubenssystem, aus dem Armenischen übersezt von Neumann in Illgen's Zeitschrift für die historische Theologie. Bd. 4. Stück I. S. 72.

1) Codex, ex quo hoc fragmentum edidit primus Hoerschellus, prae se fert hunc titulum *εἰς τοῦ πρὸς Ἑλλήνας λόγου τοῦ ἐπιγραμμένου κατὰ Πλάτωνα, περὶ τῆς τοῦ Πατρὸς αἰκίας*. Cf. Stephan. Tom. I. p. 63. Tom. II. p. 930. apud Fabric. Vol. I. p. 220.

4) Hist. ecclesiast. IV, 31.

6) L. I. p. 214.

astronomorum); putamus libellum hunc compositum esse ab Hippolyto²⁾. Titulum tamen, qui libello inscriptus est, non probamus. Apparet enim³⁾, hoc scriptum fuisse homiliam, quam habuere eorum gentibus, ut ad Christum se verterint. Si autem fuit homilia, quomodo auctor Christianus in titulo laudavisset Platonem paganum? Porro in hoc scripto non in universum disputat contra Platonem, sed modo adversus hanc illius sententiam, animas esse factas atque immortales a deo conditas. Quia illo loco Platonis mentionem facit, fieri potuit, ut posterius libro nostro adderent titulum « πρὸς Ἰβάρωρα ».

§. 50. *Adversus Judaeos.*

Cujus scripti nemo veterum meminit¹⁾. Hoc libello Judaeos, ut se converterent ad Christum, commovere studuit, probans V. T. locis²⁾. Jesum esse Messiam, qui iis promissus esset. Allegorico modo refert locos laudatos ad Christum.

Sunt qui putent³⁾, hanc demonstrationem contra Judaeos esse particulam commentarii a Nostro in psalmos conscripti, quum illa tota sit paraphrasis psalmi 69. Sed Hippolytus paucos modo versus illius psalmi exponit; deinde si psalmum illum explicare sibi proposuisset, quid sibi yellent, quae cap. 9. et 10. ex Sapientiae libro prolata sunt, quum illa capita illi psalmo latius explicando inservire nequirent? Sed si homilia fuit noster liber, pulchre locum tenet, quod mentio sit judicii ultimi, quo Judaei damnentur. Denique cur interpretans singulos psalmos ex serie (cf. §. 24.) huic singulari psalmo tam longum praemisit prooemium quadrans in multos alios psalmos? Postremo (quod summum est) ipse hoc sibi proposuit, ut convinceret Judaeos, Christo interficiendo ipsos sibi parasse magnam calamitatem miseriamque⁴⁾.

Quaestio autem, num vere sit auctor illius scripti Hippolytus, difficilis est. Sententiae tamen in eo prolatae bene quadrant in Nostri ingenium atque cogitandi rationem. Versatur in formulis sacrae scripturae; nec non adsunt elocutiones, quae propriae Nostro videntur, e. c. dicit cap. 6., Judaeos eam viam reliquisse, quae dixerit « ἐπὶ αὐτῷ ἡ ὁδὸς »⁵⁾.

§. 51. *De Resurrectione.*

Cujus libri testes sunt Hieronymus, alii atque laterculus marmo-

2) Cf. Stephan. l. 1. Tom. II. p. 1122.

3) Cf. in fine « τοὺς οἱ πειθόμενοι τοῖς λόγοις ἀνθρώπων; ἡγοῦνται ὅτι οὐκ ἔστιν ἄλλος θεὸς ἢ ὁ Χριστός ».

1) Cf. Fabric. Vol. I. p. 210. Vbl. II. p. 2.

2) Psalm. 69. Sapient. 2. 1. et 2. 2. 2.

3) Cf. Fabric. l. 1. not. 1. 4. 1.

4) Cf. cap. 1. « οὐδὲν ὁρῶμεν ἐν τῷ κόσμῳ ὅτι ἡμεῖς ἀλλοτρίως ἀναστάντες, ἀλλὰ ὡς ἡμεῖς ἐσμὲν ἐν τῷ κόσμῳ, οὕτως ἀναστάντες ».

5) Cf. de Antichr. cap. 10. « αὐτὸς γὰρ ἦν ὁ ἀντιχρίστος, ὃν εἶπεν ὁ ἀντιχρίστος, ὃν εἶπεν ὁ ἀντιχρίστος ».

reus¹⁾. Ex eo fragmentum servavit Anastasius Sinaïta²⁾. In quo docetur, homines redivos non peccaturos esse, ipsosque futuros esse immortales atque eadem natura praeditos, qua angelos. Quam Hippolytus de hac materia disseruisse gravibus argumentis confirmetur, non videmus, cur non putemus, hoc fragmentum desumptum esse ex vero Hippolyti libro.

§. 52. *Πορκεντικός πρὸς Σεβηριαν.*

Qui titulus legitur in lemmate librorum laterculi marmorei. Servavit autem Theodoretus¹⁾ duo fragmenta ex epistola, quam Nostro tribuit, ad reginam quandam²⁾. Bene alterum quadrat in alterum, atque videntur recte conjuncta fuisse. In quibus exponit, Christianis, quum Christus a Paulo nominatus sit «ἀπαρχὴ τῶν ἐκκοιμημένων», esse spem, se in vitam redituros esse. Putantes igitur, illa fragmenta eundem habere auctorem, non videmus, cur ea non adscribamus ei, cui tribuerit Theodoretus. Accedit, quod in his contenditur, homines eodem corpore, quo in vita priori induti fuerint, praeditos in vitam redituros esse³⁾, quam sententiam Nostrum fovisse supra vidimus⁴⁾. Quum in his quaedam certe capita doctrinae Christianae exponantur, atque finis ejus scripti, quod illo titulo in laterculo marmoreo significatur, hic fuisse videatur, ut regina quaedam transeat ad partes Christianas, conicere licet, illa fragmenta esse partem epistolae in statua laudatae. Itaque concludimus, Severinam illam, ad quam missa fuerit haec epistola, fuisse reginam. Sed quaeritur, quanam illa fuerit. Quum non occurrat nomen Severinae in serie Augustarum vel Imperatricium, quae initio saeculi tertii vixerunt⁵⁾, putat Stephanus, hic esse locum faciendae conjecturae. Suadet igitur, ut legamus «πρὸς ΣΕΒΗΡΙΑΝ ΑΤ», quod significet «Severiam Augustam». Quae quidem sagacissima atque, si respicias ad externam litterarum formam, probabilissima est conjectura. Offendit tamen, quod in inscriptione Graecis litteris excusa invenitur latina vox «Augusta»; nam in omnibus fere nummis, qui Graece inscripti sunt, regia dignitas significatur voce «Σεβαστός». Occurrit quidem in nummis Graece inscriptis verbum «Αυγουστός»⁶⁾, quod vero insolentius est. Etiam si igitur probare non possimus, non legendum esse «ΣΕΒΗΡΙΑΝ ΑΤ», dubia tamen videtur conjectura, quia tum ponendum esset, sculptorem morem vulgarem insolenter reliquisse. Sed si vera esset, consentiremus Stephano, qui latius ostendit, illam non esse Julianam Dominam, Severi

1) Cf. Fabric. Vol. I. p. 244.

2) In Hodego p. 356. apud Fabric. l. l.

3) Cf. dialog. II. p. 88. dial. III. p. 155. apud Fabric. Vol. I. p. 82.

4) Titulus fragmentorum est: «Ἰν. ἐκ τῆς ἐπιστολῆς πρὸς Σεβηριανήν».

5) Cf. Fragmentum prius.

6) Severina quaedam, uxor Aureliani imperatoris, nominatur, sed Hippolytum, quum Alexandro imperatore floreret, non verisimile est, aetate progressum esse usque ad Aurelium imperatorem.

7) Cf. Jean Tristan l. l. Vol. II. p. 413.

uxorem, quippe quae cum sophistis opiesse dicatur⁷⁾, atque quia constat, illius maritum persecutum esse Christianos⁸⁾, sed Severam, Philippi Arabis uxorem⁹⁾.

Dubii igitur in aliam incidimus sententiam, quam proferre conamur. Severinae vocem derivatam esse a Severi nomine, in oculis versatur. Severina igitur femina significat feminam, quae conjuncta fuit cum Severi familia, non autem eam, quae orta fuit ex illa, nam ea nominaretur Severa. Quare illam in statua designatam putamus fuisse mulierem, quae cognata fuit imperatori alicui, qui oriundus fuerit ex familia Severa. Verisimile autem est, M. Aurelium Alexandrum assumpsisse nomen Severi, ut haberetur filius Caracallae, qui fuit ex familia Severa¹⁰⁾. Id quod eo verisimilius est, quia Heliogabalus Caesar Aurelio filii dedit nomen Alexandri¹¹⁾ pro nomine Bassiani, ex cujus familia Marcus Aurelius Severus Alexander ortus fuit¹²⁾. Itaque ex familia Severa ortus videbatur Alexander; ex ejusdem autem familia esse illius matrem, dici non potuit, quia ille adoptatus modo fuit in familiam Severam. Quia ejus mater Julia Mamaea cognata fuit Alexandro, non video, cur non nominata fuerit Severina hoc sensu, ut sit mulier cognata Alexandro.

Juliam autem Mamaeam Christianos fovisse atque familiaritate conjunctam fuisse cum Origene, satis constat¹³⁾. Sed quaeritur, cur sculptor eam non nominaverit vero nomine. Quod difficile quidem solutum. Haec vero fortasse non sine veritatis specie nostra pro sententia afferantur. Quum enim derivatum videatur nomen Mamaeae a voce Mammonis, qui fuit deus divitiarum, fieri potest, ut posteriores Christiani, magni aestimantes Juliam Mamaeam alio modo eam significare maluerint¹⁴⁾. Accedit, quod Alexander magni aestimabatur a Christianis, ita ut Juliae Mamaeae cognomine dato Severinae honor quidam tributus videretur.

Appendix I.

De libris nonnullis, qui non jure Hippolyto adscripti sunt.

§. 53. De charismatibus atque traditione apostolica.

Nostrum de illa materia scripsisse, nullo, nisi laterculo marmoreo¹⁾, veteri testimonio probatur. Illo testimonio commoti concluderant non-

7) Cf. Eckhel l. l. p. 194.

8) Euseb. VI, 1.

9) Quocum consenti Neander l. l. p. 1151.

10) Cf. Eckhel l. l. p. 261.

11) Eckhel l. l. p. 263.

12) Ibidem p. 244. Tristan l. l. p. 363.

13) Cf. §. 59.

14) Cf. Tristan l. l. p. 424.

1) Apud Fabric. Vol. I. p. 344. sqq.

nulli viri docti, ea, quae in libro VIII. constitutionum apostolicarum legantur ita inscripta «*διδασκαλία τῶν ἁγίων ἀποστόλων περὶ χαρισμάτων*» et «*διατάξεις τῶν ἁγίων ἀποστόλων*», fortasse ex Hippolyti scriptis desumpta esse. Quum vero tam infirmo testimonio illa probentur, atque codices Hippolyti nomen non prae se ferant, non audemus putare, illa esse a Nostro conscripta, eo minus, quo magis suspicari liceat, quomodo orta sit illa opinio. Refertur enim ab Eusebio ²⁾, Dionysium episcopum Alexandrinum Romam misisse «*ἐπιστολὴν διακονικὴν διὰ Ἰππολύτου*». Verba «*διὰ Ἰππολύτου*», quae significant eum, qui nuntius epistolam illam Romam ferebat, relata videntur ad auctorem libri ³⁾. Quae quum ita sint, destituti firmis testimoniis horum librorum auctorem putamus, non Hippolytum nostrum ⁴⁾. Num autem alium de charismatibus conscripserit librum, omnino dijudicari non potest.

§. 54. *De duodecim apostolis, ubinam quisque eorum praedicaverit, et ubi consummatus sit; et de LXX. apostolis.*

Utrumque libellum eidem auctori titulo tributum exstare in codicibus duobus bibliothecae Coislinianae, testatur Montfauconus ¹⁾. Combefisius, qui priorem libellum edidit, ipse refert, nulla vetere testimonio illius auctorem probari Hippolytum. Stephanus quidem putat, illam significari in laterculo marmoreo verbis «*ἀποστολικὴ παράδοσις*», nos autem putare, illum titulum esse referendum ad alium librum, in §. antecedenti exposuimus. Quum Stephanus ipse non audeat, hunc librum Hippolyto nostro adscribere, eum huius libri auctorem omnino non censemus ²⁾. Accedit, quod tertio saeculo nondum nota fuit Narsinga et ora Coromandel ³⁾, in qua urbe Thomam apostolum sepultum, esse tradidit libelli auctor; praeterea versatur in enarrandis rebus omnino falsis.

In altero libro eadem fere traduntur, quae in synopsi illa, quae false tribuitur Dorotheo Tyrio, ita ut idem sit habendus liber. Quum a nemine veterum tribuatur talia liber Hippolyto nostro, patet, ad eum non esse referendum hunc librum ⁴⁾.

2) VI, 46.

3) Non est, cur putemus hunc Hippolytum, qui non nominetur episcopus, esse eundem, de quo jam dicimus.

4) Neander (l. l. p. 1150) videtur illos libros Nostro tribuere, sed ipse non affert argumenta sententiae suae. cf. Stephan. l. l. Tom. II, p. 1030 sqq. cf. Semler selecta capit. hist. ecclesiast. pars I. p. 73.

1) In recensione MS. Graecorum biblioth. Coislin. Cf. Fabric. Vol. I. append. p. 330 et 41.

2) Cf. Gieseler l. l. p. 81. not. b. Georgius Gerdrenus (in compendio hist. p. 263) laudat nonnulla ex Hipp. libro de praeconio divinoque obitu apostolorum, quae non consentiant cum iis, quae in hoc libro leguntur de Joanne evangelista. Idem de Joanne refert Michael Gtycas (annal. pars III. p. 239), quod ab Hipp. traditum esse contendit. Si igitur hic ex Hipp. nostri libro vere hauserit ea, quae laudat, apparet, hunc certe librum non esse ab illo conscriptum. Cf. Lücke Comment. zum Johannes. 2e Aufl. Thl. I. S. 120.

3) Stephanus pro «*Καταμάρνη*» conjecit «*Καρομαρνη*», sed difficile videtur, hoc modo commutatas esse litteras. Cf. l. l. Tom. II. p. 1058.

4) Nicephorus Callistus (hist. eccles. lib. II. cap. 3.) dicit nonnulla ex Hipp.

§. 55. *Narratio de virgine Corinthiaca et de quodam Magistriano.*

In illo libro narratur, virginem quandam nobilissimam et formosissimam Christianam, quae honeste Corinthi vixerit, tempore persecutionum vocatam esse in iudicium, quia maledixisset imperatoribus et simulacris, ab iudice autem quodam libidine in eam accenso servatam esse. Quam, quum ejus libidines satiare recusasset, captivam retentam a Magistriano quodam esse liberatam. Re cognita illum morte afflictum duplicem sibi parasse martyris coronam.

Quam historiam tradidit Palladius ¹⁾. Quod ad libri indolem attinet, in eo non invenimus argumenta, quibus nobis paretur firmum iudicium. Quia autem Palladius Hippolyto non tribuit dignitatem episcopi, sed cum nominat *γνώριμον τῶν ἀποστόλων*, non video, cur, quum tot Hippolyti historia laudentur, hujus libelli auctorem Nostrum habeam.

Appendix II.

De nonnullis libris Hippolyto adscriptis, qui hodie non leguntur.

§. 56.

1) Hieronymus (in epistola 71 ad Lucinium) tradit, Hippolytum scripsisse de Sabbato, utrum jejunandum sit, et de eucharistia, num accipienda quotidie.

2) Idem (in catalogo) testatur, Hippolytum Origene praesente orationem habuisse in laudem Salvatoris.

3) Joannes Antiochensis (apud Euseb. Renaudot. in histor. Patriarch. Alex. p. 359 sqq.) nonnulla laudat ex Hippolyti epistola quadam ad Denym episcopum Cypriae, quam non Nostro esse adscribendam inde patet, quod in eo contenditur, in Christo post incarnationem unam tantum fuisse naturam ¹⁾.

4) In bibliotheca Bodlejana inter codices Orientales R. Huntingtoni exstat MS. Nro. 5793 explanatio Apocalypseos ex Severo, Hippolyto, aliis ²⁾. Praeterea codex aliquis, qui Parisiis in bibliotheca regia habe-

libro de genealogia Josephi ejusque familia (cf. Tillemont l. l. p. 678). Cujus libri auctorem esse Hippolytum Thebanum, docet Canisius (oper. Tom. III. p. 35. 46. 49). Possevinus (appar. p. 765), qui ejusdem libri meminit, probat, ex eo esse desumptum librum hoc titulo laudatum *de orta et familia sanctae virginis*.

1) In histor. Lausiaca cap. 148. in de la Barre hist. eccles. veterum patrum. Paris 1683. fol. 87. J. apud Fabric. Vol. I. p. 283 et 84.

1) . . . , neque distinctio ulla inter Verbum et corpus hominis occurrit in divinis scripturis, sed ipse est natura una, persona una, suppositum unum, operatio una; Verbum deus, Verbum homo, quemadmodum erat. Cf. Ceillier l. l. p. 359.

2) Cf. Fabric. biblioth. Graec. edit. Harles Vol. VII. p. 194.

tur³⁾, continet commentarium in apocalypsin arabica lingua conscriptum, in quo Hippolyti sententiae de nonnullis Apocalypseos locis laudantur. Sixtus Senensis (bibl. S. lib. IV. p. 311) meminit quoque commentarii alicujus, quem Hippolyto derogant viri docti⁴⁾. Quum codices illi mihi non in promptu sint, dijudicare nequeo, quomodo se invicem habeant, atque num quisque an quis ab Hippolyto vere conscripta contineat. Si vero Hippolytus commentarium in apocalypsin vere conscripserit, equidem, respectu habito ad titulum in catalogo apud Hieronymum lecto (• de Apocalypsi •) et ad eum, qui in statua designatus est (• ὑπὲρ τοῦ κατὰ Ἰωάννην εὐαγγελίου καὶ ἀποκαλύψεως •), conjiciam, Nostrum in praefatione ad commentarium, Apocalypsin esse conscriptam ab Joanne apostolo, hac re probasse, quod hunc librum cum evangelio ejusdem apostoli comparaverit.

5) Canonum ecclesiasticorum XXXVIII. capita, quae sub Abulidis sive Hippolyti nomine habent Aethiopes, primus edidit Wanslebius⁵⁾. Eadem servata sunt codice quodam Arabica lingua conscripto⁶⁾. De quibus, quum tituli tantum servati sint, judicare omnino non possumus.

6) In codice Arabico MS. laudantur nonnulla ex Hippolyti libro de Antichristo, de statu hominum post eorum mortem, de resurrectione mortuorum, de paradiso et de inferno⁷⁾. Quum de materiis in codice laudatis Hippolytum scripsisse constet, non caret omni verisimilitudine, illa esse desumpta ex ejus genuinis libris.

7) In codice Arabico MS. referantur nonnulla ex libro confessionis Patrum apostolicorum, eorumque successorum, de fide in sanctam trinitatem et incarnationem Verbi. Inter Patres, qui laudantur, occurrit nomen Hippolyti⁸⁾.

3) Cf. catalogum librorum manusc. bibl. reg. Par. Tom. I. p. 102. nro. XXIII.
2. cf. Abhandlungen zur orientalischen und biblischen Litteratur von Ewald. Gött. 1832. L. Thl. p. 1 sqq.

4) Cf. Ceillier l. I. p. 361. Benedictinos l. I. p. 394. Tillemont l. I. p. 678.

5) Cf. Fabric. bibl. Gr. Vol. VII. p. 193.

6) Cf. Angelum Majum l. I. Tom. IV. p. 277.

7) Cf. ibidem. p. 212.

8) Cf. ibidem p. 244.

P a r s III.

De dignitate, quae Hippolyto theologo attribuenda sit.

§. 57. *Prooemium.*

Itinere absoluto longo quidem atque aspero, amocno tamen ac pulchro, retro respiciamus ad regionem perlustratam.

Ut discrevimus tria Hippolyti scriptorum genera, chronologica, exegetica, dogmatica apologeticaque: ita quum, qualem vim exercuerit in excolendam theologiam, indicaturi simus, virum ut chronologum, ut sacrae scripturae interpretem, ut apologeticum consideremus necesse est.

§. 58. *Qualem vim habuerit Hippolytus ut chronologus.*

Hippolytum fuisse artis computandi peritissimum, satis confirmatur tum ejus canone paschali, tum eo, quod in statua designatum est, quo cycli ejus anno quodque festum paschale, cujus in vetere foedere mentio fit, egerint Judaei ¹⁾. Idem quoque inde apparet, quod in commentario ad Danielem accurate constituit tempus, quod propheta oraculis suis indicaverit, atque inde, quod mundi finem computare non omisit ²⁾. — Nec non arte astronomica imbutus fuit. Vidimus quidem ³⁾, quam vitiose ejus canon compositus esset, sed reputandum est, eum primum fuisse, qui cyclo aliquo festi paschalis tempus constituerit. Qui igitur disputationis de festo paschali historiam ex ordine dividere studet, novum temporis spatium ab Hippolyto incipere debet. Dum enim ante Hippolytum atque ejus aetate inter Christianos, qui ex Judaeis, atque eos, qui ex paganis oriundi erant, disputabatur, num et quando agnus paschalis edendus esset, incepit post eum certamen de rationibus, ex quibus constituendi essent termini paschales, atque quomodo instituendus esset cyclus. Itaque haud recte dicitur Hippolytus constituisse canonem suum ex rationibus Latinis, sed vice versa contendendum est, Latinos postea accepisse methodum Hippolytanam. Latini, quamquam sensim reliquerunt illius methodum, nonnulla tamen ejus principia diu retinuerunt. Satis enim constat, Latinos in saeculo quinto medio voluisse, festum paschale non differri ultra diem 21 mensis Aprilis ⁴⁾, quem terminum constituerat ultimum Hippolytus ⁵⁾. Si Romani Alexandrinam secuti essent methodum, ex qua ultimum paschalis festi terminum differre licebat usque ad diem 25 mensis Aprilis ⁶⁾: non licuisset his annis, quibus pascha agen-

1) Cf. §. 17.

4) Cf. Ideler I. I. p. 221.

6) Ibidem p. 233 sqq.

2) Cf. §. 33.

5) Cf. ibidem p. 266. cf. §. 16.

3) Cf. §. 16.

dum fuisset post diem 21 mensis laudati¹⁾, instituere ludos Circenses, quippe qui incidissent in hebdomadem Christo mortuo sacram²⁾. Itaque Latini, ut auctoritate gravi sententiam suam fulcirent, eo perducti videntur, ut statuam collocarent Hippolyto veterrimo celeberrimo³⁾.

§. 59. *Qualem vim habuerit Hippolytus ut interpres sacrae scripturae.*

Primus, qui, quantum videmus, perpetuos in sacra scripta composuit commentarios, fuit Hippolytus. Quærere licet, cur priores etiam, qui Patrum apostolicorum nomine gaudent, Justinus Martyr, Theophilus, Tatianus, reliqui, quorum erga scripta apostolica reverentia haud dubie non minor habenda est, tali cura supersederint. At responsio in apri-
posita est. Duobus enim prioribus post Christum saeculis sancta cum simplicitate legebantur sacra scripta Christiani, toti vi Christianae doctrinae capiebantur, ita ut eam dialectica arte non adhibita immediate agnoscerent voluntatem divinam, atque Christum unigenitum dei filium. Sed ut quaeque sententia, quae in hominum animam incidit, animum ipsum incitat, ut ipse clarius lucidiusque intelligere studeat ea, quae sentiat: ita necesse erat, ut animus enuclearet arcanum divinum, ut conderet scientiam, quae ageret de religione. Contendere vero sine dubio possumus, scripturae sacrae interpretationem, quae non solum ad excolendum fide Christiana animum inserviat, sed quas libros commentariis perpetuis illustret, tunc demum incepisse, postquam arctiorem cum scientia societatem inisset religio Christiana. Ejusque rei primum exemplum invenimus in nostro Hippolyto, qui difficultates tenebrasque, quibus scateret et amicis et inimicis gentilibus videri poterant libri sacri, removere ac dispellere conatus est. Quærenda vero videtur singularis causa, qua Hippolytus commotus sit ad perpetuos commentarios conscribendos. Habemus de ea re ipsius Hippolyti dilucidum testimonium, diserte fatentis, se in Danielis prophetias commentarium confecisse, quo accurate constitueret tempus Babylonicae captivitatis¹⁾. Quum autem constet, eum omnino floruisse arte computandi, sane cogitari potest, eum studio temporum constituendorum commotum esse ad peculiare commentarios con-
ficiendos. Quae sententia eo quoque confirmatur, quod in interpretandis sacris scriptis semper redit ad historiam. Ita e. c. in promuntiato Jeremiae 25, 10., quod ita reddiderunt LXX. ἡβδομήκοντα ἔτη ἔρημον ἴσους τὸ ἔλεος ἀπὸ τῆς αἰχμαλωσίας, καὶ μετὰ ταῦτα ἐπιστρέψουσιν λαὸς, Χριστοῦ ἡγουμένου αὐτῶν, retulit verbum ἡγουμένου non ad Jesum Christum, sed ad Jesum filium Josedec, quo dace redierunt Judaei in Palaestinam²⁾.

Jam nobis disserendum est de Hippolyti interpretandae sacrae scri-

7) Prosper in chronico p. 53, apud Idelerum l. l. p. 262.

8) Cf. §. 2.

1) Apud Fabricium Vol. I. p. 278 τὴν ἀκριβειαν τῶν χρόνων τῆς γεγονυμένης αἰχμαλωσίας τοῖς νόμοις Ἰσραὴλ ἐν Βαβυλῶνι ἐνδείξασθαι βουλόμενος, καὶ τὰς τοῦ μακαρίου Δανιὴλ τῶν ὁραμάτων προφητείας τὴν τούτου ἐν Βαβυλῶνι ἐν παιδὶ ἀνυσσέσθην πρόκειμι καὶ αὐτὸς μαρτυρῶμαι (τῷ Δανιὴλ) κ. τ. λ.

2) Cf. apud Simonem cap. 13 et 14.

pturae ratione. Quae, praese ferens signum temporis, fuit allegorica; in interpretatione ipsa nititur imagine³⁾. In qua eum correptum esse, quominus in protervos allegoriae latus interpretationisque typicae salebras abiret, studio chronologiae atque historiae, modo probavimus; eum autem arte grammatica imbutum fuisse, ex scriptis quae supersunt non elucet. Videtur tamen criticis rationibus lectiones comparasse atque correxisse. Secutus est τὸς Ο' ⁴⁾, eum vero respexisse Hebraicum quoque textum inde apparet, quod Geneseos 1, 7. legit καὶ ἐγένετο οὐρανός, quae verba non habent αὐτὸς Ο'. Deinde ei non ignotam fuisse revisionem Theodotionis atque Symmachi, in oculis versatur, quum illorum revisionem Geneseos 3, 8. praemisit explicationi hujus versus ⁵⁾.

Itaque, quamvis scripta ejus haudquaquam temperaverint ab allegorica, quae maxime Alexandriae vixit, ἐρηνησθε, vix tamen eum contemnendum istius fuisse interpretum classis, quae scholam Alexandrinam effecit; sed propter ipsam in rebus computandis et inter se conferendis et enucleandis positam curam majori jure primis quidem labris degustasse eum dixerimus disciplinam, quae rejectis allegoriae somniis summo cum fructu in Asia minori maxime Antiochia sequentibus saeculis excolabatur.

Quantam vim Noster ut interpres sacrae scripturae exercuerit in aequales, inde apparet; quod Ambrosius, Origenis fautor, ejus interpretationes in Hexaëmeron conjungere studuit cum Origenis Basilique ⁶⁾.

Hieronymus refert ⁷⁾, Ambrosium cohortatum esse Origenem, ut in Hippolyti aemulationem scriberet in sacram scripturam commentarios. Gieseler quidem ⁸⁾ vult, Hieronymum haec habere ex loco apud Eusebium male intellecto. Concedimus quidem, ad verba καὶ ἐξ ἐκείνου apud Euseb. VI, 23. supplendum esse verbum γράφου, putamus tamen inde concludendum esse, Origenem per Hippolytum incitatum esse ad conscribendos commentarios perpetuos in sacram scripturam. Nam quaerendum est, ex quo tempore Origenes confecerit commentarios. Certo ex illo tempore, quo

3) De Antichristo cap. 61. (διώκων τὴν ἐκκλησίαν) ἔχουσιν μετ' ἐαυτῆς οὐδὲν ἕτερον εἰ μὴ τὰς δύο πτέρυγας τοῦ ἀεροῦ τοῦ μεγάλου, τοῦτο ἵστω Ἰησοῦ Χριστοῦ πιστῶν, ὅς ἐστιν αὐτὸς τὰς ἀγίας χεῖρας ἐν ἀγίῳ πνεύματι ἡπλώσας διὰ πτέρυγας δειξάν καὶ εὐάνθυμον α. τ. 1. Cf. apud Simonem cap. 42. et 43.

4) Cf. §. 20. Ceillier l. l. p. 363.

5) Hipp. critice textum sacrae scripturae restituisse, eo quoque probari videtur, quod in eodem codice Chlsiano, quo LXXviralis interpretatio servata est, haud exiguum fragmentum Nostri in Daniele commentarii legitur. Nam Origenes ipse hoc fragmentum Tetraplis addiderit (cf. Simonem h. l. in praefat. p. XXVI), dubito, quia illud excerptum tantum esse ex Hipp. commentario in Daniele supra (§. 38.) probavimus. Nonne fortasse quidem posteriorum, qui LXXviralem interpretationem restituere studuerit, ex Hipp. libris hoc fragmentum excerpterit et illi versioni addiderit, quia ejus interfuerit quam brevissime constituere, quomodo Daniele legenti et explicuerit Hipp. Si verisimile est, illud fragmentum ante IV. saec. medium collatum esse (cf. §. 33.), conicere licet, quantam vim exercuerit Hipp. in eos, qui ejus aetati proximi fuerunt.

6) Hieron. in epist. 84. ad Pammachium et Oceanum. cf. §. 18. not. 1.

7) In catalogo cap. 61.

8) L. l. p. 275.

cum in Arabiam a duce quodam Arabiae arcessitum esse narratur ab Eusebio VI, 19. Capite 20 et 21 idem tradit, qui episcopi illo tempore (scil. quo in Arabiam profectus est Origenes) clauerint; cap. 22. profert illos Hippolyti libros, quos cognovit. Quum vero Hippolytum in Arabia vixisse verisimile sit, deinde quum primus composuisse videatur commentarios in sacra scripta; porro quum apud Eusebium cap. 22. ejusdem laudentur scripta: sane non caret omni verisimilitudine conjectura, per eum Origenem, in cujus interpretandi rationem vix exerceret vim aliquam, incitatum esse, ut et perpetuos in sacra scripta componeret commentarios, et contextum sacrae scripturae critica ratione restitueret ⁹⁾. Non possumus, quia adficiamus, quomodo cogitaverit de canone sacrae scripturae. Citavit librum Tobiae ¹⁰⁾, laudavit nonnulla ex prophetiae ejusdam oraculis, quae hodie non leguntur ¹¹⁾. Historiam Susannae, quam non genuinam putasse Judaeos dixit, quia eos pueret seniorum illorum, qui tantam injuriam perpetrati essent, Danieli adscripsit ¹²⁾. Apocalypsin conscriptam ab Joanne evangelista Nostrum putasse, supra (§. 38.) vidimus; eum vero secutum Irenaeum Paulo apostolo derogasse epistolam ad Hebraeos, testatur Photius ¹³⁾.

§. 60. *Qualem vim habuerit Hippolytus ut fidei Christianae propugnator.*

Quam vim in excolendam doctrinam Christianam exercuerit Hippolytus, puto, futurum fuisse, ut optime intelligeretur, si ejus systema proferre licuisset. Hippolytus vero non perfectum sibi excogitavit systema. Attamen, quas de nonnullis locis fidei soverit sententias, laudare nobis licet. Afferre igitur volumus ea, de quibus latius disseruit, quae sunt dogmata de trinitate, de duabus Christi naturis, de rebus novissimis.

§. 61. 1) *De trinitate.*

Deus est unus ¹⁾. Qui non aliter intelligi potest, quam vere fide habita in Patrem, Filium, Spiritum sanctum, nam Verbum Patris jussit, discipulos gentes baptizare in nomine Patris, Filii, Spiritus sancti ²⁾. Una vero divina substantia est in Deo Patre, in Filio, in Spiritu sancto ³⁾. Ut demonstraret, sane fieri potuisse, ut divina substantia in Deo Patre eadem esset tum ante tum post generatum λόγον, usus est imagine repetita e sole ejusque radiis, de utroque lumine altero ab altero incenso, de fonte fluvioque ⁴⁾.

⁹⁾ Inque verisimile videtur, Hipp. Origene praesente homiliam habuisse eo tempore, quo hic Arabiam petiit.

¹⁰⁾ Cf. apud Fabricium Vol. I, p. 271.

¹¹⁾ De Antichris toesp. 15. et 54.

¹²⁾ Apud Fabric. Vol. I. p. 263.

¹³⁾ Cod. 121.

¹⁾ Cf. cont. Noëtum cap. 9. 11. 14.

²⁾ Ibid. cap. 14. ἅλλος δὲ ἓν θεὸν νομοῦ μὴ διττάμεθα, ἓν μὴ ὅτις πατὴρ καὶ υἱὸς καὶ ἅγιον πνεῦμα πιστεύομεν.

³⁾ Ibid. cap. 14. ὁμοφυλὶς ἀνθρώπου ἐνέργεια εἰς ἓν θεόν.

⁴⁾ Ibid. cap. 11.

De Deo Patre non latius loquitur, nisi quod Filiam atque Spiritum sanctum Patri posthabendos esse contendit ⁵⁾.

Ex Deo Patre originem duxit λόγος, qui, ut omnia, ante mundum creatum fuit in Deo ⁶⁾. Quum Deus vellet, λόγος exstitit ⁷⁾. Quomodo vero λόγος ex deo evaserit, hanc quidem quaestionem ut stultam ablegavit, quum homo ipse ne suam quidem originem indicare posset, atque duo tantum evangelistae Christi secundum carnem modo generationem narrassent ⁸⁾. Itaque fiebat, ut de λόγου origine indefinite loqueretur. Aliis locis usus est formula, Deum generasse λόγον ⁹⁾, aliis, deum ostendisse sive revelasse (δεικνύναι) λόγον ¹⁰⁾. Quum vero hac ultima formula scriptus quam illa uteretur, atque ipse diceret, Deum emittentem primam vocem, visibilem reddidisse λόγον ¹¹⁾, equidem contenderim, illum symbolico tantum modo intellexisse notionem generandi. Per quem λόγον, inquit, mundus creatus est ¹²⁾. Idem dedit legem et prophetas atque hac re illos coegit, ut per Spiritum sanctum loquerentur ¹³⁾. Quum vero prophetae promitterent λόγον incarnatum, λόγος per prophetas se ipsum praedicavit ¹⁴⁾. Idem λόγος, qui, quamvis mundo creato visibilis fuerit, a mundo non cognitus est, incarnatus apparuit ¹⁵⁾. Huic incarnato λόγovo addidit epitheton υἱὸς τοῦ Θεοῦ ¹⁶⁾. Quem Filium Dei Hippolytum sibi cogitasse tanquam personam constat ¹⁷⁾. Dubium vero videtur, num λόγον non incarnatum tanquam personam sibi cogitaverit. Nominat enim λόγον τῶν γινόμενων ἀρχηγὸν καὶ σύμβουλον καὶ ἐργάτην et κύριον ¹⁸⁾. Ab altera parte λόγον pro qualitate Dei habuisse videtur, quum contendat, omnia esse facta per λόγον et σοφίαν; per λόγον creata, per σοφίαν ornata ¹⁹⁾. Quum vero λόγον esse δύναμιν perspicuis verbis doceat ²⁰⁾, apparet, illa epitheta τῷ λόγῳ adfusa allegorico modo intelligenda esse.

5) Ibid. cap. 14. ὁ γὰρ κλεινὸν πνεῦμα, ὁ δὲ ἡσυχαστὴν νῆος, τὸ δὲ ἐκτελλόν ἄρμον πνεῦμα. Cf. not. 20.

6) Ibid. cap. 10. πάντα γὰρ ἦν ἐν αὐτῷ (θεῷ), αὐτὸς γὰρ ἦν τὸ πᾶν. — ὃν λόγον ἔχων (θεὸς) ἐν ἑαυτῷ κ. τ. λ.

7) Ibid. cap. 10. ὅτε ἠθέλησεν, καθὼς ἠθέλησεν, ἔδειξε τὸν λόγον κ. τ. λ.

8) Ibid. cap. 16. 9) Ibid. capp. 10. 16.

10) Ibid. capp. 10. 11. 12. 14. 15.

11) Ibid. cap. 10. ἐν λόγῳ... ὁ θεὸς πάντα πνεῦμα, προτίθειν φωνὴν φθγγόμενος κ. τ. λ.

12) Ibid. cap. 10. δὲ οὗ (λόγου) πάντα ἐποίησεν.

13) Ibid. cap. 11. οἷτος (λόγος) δὲ ἔδωκε νόμον καὶ παραγγελίας, καὶ τοὺς διὰ πνεύματος ἁγίου ἠνάγκασεν τοὺς τοὺς φθγγεῖσθαι.

14) Ibid. cap. 12. ἐν αὐτοῖς (τοῖς προφήταις) ἔδεικται παλαιοτέρωντος ὁ λόγος ἐφθγγετο περὶ ἑαυτοῦ, ἥδη γὰρ αὐτὸς ἑαυτοῦ κηρύττετο, δεικνύναι μάλιστα λόγον φαίνεσθαι ἐν ἀνθρώποις. Cf. de Antichristo cap. 4.

15) Ibid. cap. 12. Cf. not. 11.

16) Ibid. cap. 15. ὅτε γὰρ ἄνατος καὶ καθ' ἑαυτὸν ὁ λόγος εἰλεως ἦν νῆος, καὶ τοῦ εἰλεως λόγος ὡν μονογενῆς, οὐδ' ἡ σὰρξ καθ' ἑαυτὴν εἶχα τοῦ λόγου ὑποστάσις ἡδύματο, διὰ τὸ ἐν λόγῳ τὴν οὐσίαν ἔχειν, οἷτος οὖν εἰς νῆος εἰλεως θεοῦ ἐφανερῶδη.

17) Ibid. capp. 7. 14.

18) Ibid. cap. 10. Cf. Martini l. l. pag. 147.

19) Ibid. cap. 10. πάντα γὰρ ἐὰ γινόμενα διὰ λόγον καὶ σοφίαν περὶ αὐτῶν, λόγῳ μὲν οὐκίως, σοφίᾳ δὲ καλῶς.

20) Ibid. cap. 11. Δύναμις γὰρ μία ἐξ αὐτῶν πάντων, τὸ δὲ πᾶν πᾶσι, εἰς οὗ δύναμις λόγος. Οὗτος δὲ τοὺς δὲ προβάς ἐν νόμῳ ἔδεικται πᾶσι θεῶν.

De Spiritu sancto pauca modo verba facit; eum autem illum non tanquam personam cogitasse, supra ²¹⁾ probavimus.

Hippolytus igitur non contendit, tres personas esse in uno Deo, sed perspicuis verbis docuit, unum deum triplici modo se revelasse ²²⁾, Patrem atque Filium esse personas ²³⁾; λόγος vero non incarnatum atque πνεῦμα ἁγίων esse personas negavit ²⁴⁾.

§. 62. 2) De duabus Christi naturis.

Quum Deus vellet, homines secum reconciliari, necesse fuit, ut mediator quidam, qui conjungeret divinam atque humanam naturam in mundum veniret ¹⁾. Itaque descendit Verbum divinum in sinum Mariae, in quo assumpsit humanum corpus atque humanam animam ²⁾. Christo vere fuisse duas naturas, satis sensualiter eo demonstrat, quod argumentum naturae humanae profert hoc, Christum subjectum fuisse humanis affectibus; divinae autem haec: testimonia angelorum atque sanctorum hominum, quorum mentio fiat in N. T.; miracula, quae ipse Christus fecerit, atque quod discipulis dederit potestatem peccatorum remittendorum ³⁾. Quae naturae arte, non confuse, conjunctae sunt, ut idem esset verus deus atque verus homo ⁴⁾.

§. 63. 3) De rebus novissimis.

Quingentis annis post Christum adventurum esse Antichristum eo probat, quod psalm. 89, 4. vulgari tum temporis modo interpretans atque respiciens ad Danielis oraculum de septuaginta hebdomadibus annorum demonstrat, inde a mundo creato usque ad Christum praeterlapsos esse annos quinquies mille quingentos ¹⁾. Antichristus simulans Christum in errorem deducere studebit homines atque persequetur eos, qui cum colere recusaverint ²⁾. Qui quum tres et dimidiam hebdomades annorum

21) Cf. §. 48. not. 7.

22) Cont. Noët. cap. 8: ὅσον μὲν κατὰ τὴν δύναμιν, εἰς ἓν ἐστι θεός, ὅσον δὲ κατὰ τὴν οἰκονομίαν, τριῶν ἡ ἐκδηλούς.

23) Ibid. cap. 14: πατὴρ μὲν παρὰ τὴν παρουσίαν δι' ὅτου, ὅτι καὶ ὁ υἱὸς καὶ τ. λ.

24) Cf. not. 20 et 21.

1) Apud Fabric. vol. II. pag. 45. Ἰδοὺ οὖν (Gal. 3, 20) τὸν Χριστὸν θεοῦ καὶ ἀποστόλου μετὰ τὴν γενόμενον παρ' ἀποστόλων ἀρραβῶνά τινα εἰλημένην, ἵνα φανῇ δι' οὗ προσώπων μυστήριον.

2) Cf. contra Noëtum cap. 17: πιστεύσωμεν οὖν κατὰ τὴν παράδοσιν τῶν ἀποστόλων, ὅτι θεὸς λόγος ἀπ' οὐρανῶν κατέβη εἰς τὴν ἁγίαν παρθένον Μαρίαν, ἵνα σαρκωθῇ ἐξ αὐτῆς, λαβὼν δὲ καὶ φύσιν τὴν ἀνθρώπινην, λογικὴν δὲ λέγει, γεγονὸς πάντα ὅσα ἴσταν ἀνθρώποις, ἅπας ἀμαρτίας, πᾶσι α. τ. λ. Cf. apud Fabr. vol. I. pag. 267.

3) Cf. Noëtum cap. 17. cf. Fabric. vol. I. pag. 225 et 268.

4) Apud Fabr. vol. I. pag. 282. εἰρήνην εἰς κατὰ τὴν ἐκείνης οἰκίας, εἰς τὴν πατρὸς καὶ υἱοῦ καὶ ἁγίου πνεύματος οἰκίαν, ὁ αὐτὸς ὡς ἀνὴρ ἄνθρωπος, ὁ αὐτὸς ὡς θεὸς καὶ ἄνθρωπος. — Ibidem pag. 225. cont. Noët. cap. 17.

1) Cf. de Antichristo cap. 4. apud Simonem cap. 39. 82. 4. cf. §. 82.

2) Cf. de Antichristo capp. 6. 49. 54.

regnaverit, advenient Henoch et Elias; Christi adventum praedicaturi³⁾. Quum vero Christus advenerit, terra peribit, omnes animae in vitam redibunt in diem iudicii ultimi⁴⁾. Quo die quaecunque anima usque eo in orco versata vestietur eodem corpore, quo praedita priorem debebat vitam⁵⁾. Nostrum autem chiliasmum fovisse, nullo loco probari potest.

§. 64. *Quomodo Hippolytus se habuerit ad partes theologicas, quae ejus aetate vigeant.*

Primis post Christum saeculis Christiana doctrina ex tribus imprimis partibus exulta est. In altera parte fuerunt Gnostici alique doctores in haeresin proclives, qui vanis somniis ex philosophiae satis peculiari forma petitis merum verbum divinum adulterarent. Quos refutabant ab altera parte Patres ecclesiastici, qui duplici in universum studio ducebantur, aut enim omnia ad usum vitae revocabant (practisch-realistische Richtung), aut ducti magis ideis in disputando versabantur (idealistische Richtung). Dum illorum studia florebant in Asia minori, Alexandriae doctrina Christiana hac via exulta est. Nostrum igitur est, ut probeamus, quomodo Hippolytus se habuerit ad tria illa studiorum genera. Quod attinet ad priorem quaestionem, num Hippolytus haereticus fuerit, hanc quidem solventibus ad doctrinam christianam, quae ejus aetate valebat, respiciendum est, non vero ex doctrinae forma, qualis aliquo posteriore tempore tanquam orthodoxa et ecclesiastica stabiliebatur, judicandum est. Atque primum quidem ipse Hippolytus somnia Gnosticeorum rejecit¹⁾, nec non omnes haereticos a primis usque ad Noëtum, qui recentissimus illius aetatis fuit, refutavit²⁾. Deinde vero utriusque partis fuerit, non difficile est intellectu. Eum enim cum Alexandrinis non conjunctum fuisse, in apriquo est, quam hi contenderent, tres esse divinas *ὑποστάσεις*³⁾, atque secundam divinam personam ab aeterno genitam semper fuisse dei Filium⁴⁾, Noster vero doceret, *λόγον* et *πνεῦμα ἅγιον* non esse personas, sed *λόγον* tunc tantum, quum carne assumpta nasceretur, personam atque Filium dei evasisse⁵⁾. Porro discrimen inter *πλάττω* et *γενᾶσθαι* non probabat, non fovebat methodum sacrae scripturae triplici modo interpretandae; atque quomodo, qui rejecit paganam philosophiam⁶⁾, concessisset, eandem adducere ad fidem⁷⁾? At respexit ad philosophiam neo-platonicam⁸⁾! Sane fovebat nonnullas sententias,

2) Cf. ibid. cap. 43. Cf. §. 33.

4) Cf. ibid. cap. 64 et 65.

5) Cf. contra Graecos apud Fabric. Vol. I. pag. 221: *ὅτι ὁ ψυχὰς πάντων κατέχον-
ται ἄχρι καιροῦ, ὃν ὁ θεὸς ὥρισεν. Ἀνάστασιν τότε πάντων ποιησόμενος, οὐ ψυχὰς
μετεσώματων, ἀλλ' αὐτὰ τὰ σώματα ἀνοστήσιν.*

1) Cf. §§. 19. 44. 48. 2) Cf. §§. 44. 46.

3) Cf. Origenem in Joannem I, 3. (de la Rue IV, pag. 60) *ἡμεῖς τρεῖς ὑποστάσεις
πυθόμενοι τυχόντων, τὸν πατέρα, καὶ τὸν υἱόν, καὶ τὸ ἅγιον πνεῦμα κ. τ. λ.*

4) Orig. in Jeremiam. hom. IX. (Tom. III. pag. 181) *οὐχὶ ἐγέννησεν ὁ πατὴρ τὸν
υἱόν, καὶ ἀπέλυσεν αὐτὸν ὁ πατὴρ ἀπὸ τῆς γενέσεως αὐτοῦ, ἀλλ' αὐτὸν γεννᾷ αὐτόν.*

5) Cf. §. 61. 6) Cont. Noët. cap. 9.

7) Cf. Clemens in Strom. (ed. Potter. I. pag. 331) *ἐκπαίδευσις καὶ αὐτὴ (ἡ φιλοσο-
φία) τὸ Ἑλληνικόν, ὡς ὁ νόμος τοὺς Ἑβραίους εἰς Χριστόν.*

8) Cf. Martini l. I. pag. 146.

quae originem duxerunt e schola, quam dicunt neo-platonice, sed minime ex paganis cogitationibus petitas intulit Christianae doctrinae, sed eas tantum, quae jam ab Joanne evangelista innexae fuerant Christianis cogitationibus, excoluit. Id quod satis eo apparet, quod in excolenda notione λόγον ubique rediit ad prologum, quem Joannes evangelio praemisit⁹⁾. Qua re denique adducimur in sententiam, Nostrum cognatum fuisse Irenaeo, qui Polycarpo, discipulo Joannis, praeceptore usus incitaretur ad excolendam notionem λόγον. Iis enim, quae Irenaeus et Hippolytus de secunda divina persona docuerunt, comparatis, negare quidem non possumus, utrumque diverso modo disputasse, attamen inter se non oppositi erant, sed Hippolytus notiones magis excoluit atque accuratius explicuit. Irenaeus non distincte docuit, utrum λόγος divina potestas an persona cogitandus esset¹⁰⁾. Sed hoc inde factum est, quod inter λόγον non incarnatum et incarnatum non discrevit, sed notionem «ὁ λόγος τοῦ Θεοῦ» cum notione «λόγος» plane commiscuit. Hippolytus vero, qui quidem concessit, λόγον non incarnatum in sacra scriptura Filium dei nominari, quia futurum fuisset, ut carnem assumeret, quum tamen inter λόγον non incarnatum et incarnatum sive dei Filium discrimen fecisset¹¹⁾, illam quaestionem, utrum λόγος divina potestas an persona sit cogitandus, rectius dijudicare potuit. Deinde igitur dum Irenaeus in sententiam deducitur, λόγον sive dei Filium aeternum fuisse¹²⁾, Hippolytus non negat, λόγον semper adfuisse, sed vult, illum ante initium demum rerum a deo esse revelatum¹³⁾. Filium vero quoad dignitatem Patri esse posthabendum, uterque contendit¹⁴⁾. Quanquam autem illi duumviri de dogmate, quod antiquissimis ecclesiae temporibus tanopere tractatum est, dissentiant, ita quidem (quod omni vi tenendum puto), ut non plane oppositi videantur, sed alter alterum excipiat atque corrigat; eodem tamen sensuali modo nixi in loco Gal. 3, 20 probare student, duas fuisse Christi naturas, de Antichristi atque Christi adventu secundo, de animarum in vitam reditu ita consentiunt, ut non dubium sit, quin alter ex altero hauserit¹⁵⁾. —

Jamjam quaerentes, quantum momenti Hippolytus habuerit in excolendam theologiam, quum cum Alexandrinis oppositum cum Irenaeo conjunxerimus: contendendum nobis est, eum in partes theologorum aliquas, quae Alexandrinis oppositae sunt, vim exercuisse. Atque, etiam si mirum videatur, non possumus, quin putemus, Beryllum et Sabellium Hippolyto cognatos fuisse. Quod mirum videri diximus, nam Hippolytus Noëtum refutavit, Noëtus vero cum Beryllo conjungi solet¹⁶⁾. Atque sane Noëtus et Beryllus haud dissimilia docuerunt, sed ita se ha-

9) Cf. cont. Noët. imprimis cap. 14. ταῦτα μὲν οὖν σημαίνοντες αἱ γραφαί, ταύτην τὴν οἰκονομίαν παραδίδουσι ἥτις καὶ ἡ μακαρίας ἁγίας ἐν τῷ εὐαγγελίῳ μαρτυρεῖται κ. τ. λ.

10) Cf. Martini l. l. pag. 66—70. Stieren de Irenaei adversus haereticos operis fontibus etc. §. 28.

11) Cf. cont. Noët. cap. 15. §. 61. not. 18. et 20.

12) Cf. Martini l. l. pag. 70. Stieren l. l. ibidem.

13) Cf. cont. Noët. cap. 10.

14) Martini l. l. pag. 71. Stieren l. l. ibid. Cf. §. 61. not. 5.

15) Cf. §. 4.

16) Cf. Schleiermacher in der von ihm herausgegebenen theologischen Zeit-

buerunt, ut hic illius sententia correxisset videretur. Noëtas enim negavit, deum invisibilem inter et revelatum intercedere discrimen, voluit igitur, totam Patris deitatem fuisse in Filio ¹⁷⁾. Quam sententiam probare non poterant Patres ecclesiastici, nam si illam urges, sequitur, humanam naturam Christo esse derogandam. Humana enim natura finibus est circumscripta; si igitur deus carnem assumpsit, necesse fuit, ut divina natura finibus coerceretur. Sin tota Patris deitas in Filio fuisset, ei humana natura minime adscribenda esset, nam deus est infinitus. Id quod Beryllus quum intellexisset, Noëti sententiam ita explicuit, ut contenderet, in Filio divinam substantiam certis limitibus circumscriptam esse ¹⁸⁾. Summum enim Beryllianae doctrinae Eusebio teste ¹⁹⁾ hoc fuit:

«*Βήρυλλος ξένα τινὰ τῆς πίστεως παρεισφέρειν ἐπειράτο, τὸν σωτήρα καὶ κύριον ἡμῶν λέγειν τολμῶν μὴ προϋφιστάναί κατ' ἰδίαν οὐσίαν περιγραφῇν πρὸ τῆς εἰς ἀνθρώπους ἐπιδημίας, μηδὲ μὴν θεότητα ἰδίαν ἔχειν, ἀλλ' ἐμπολιτευομένην αὐτῷ μόνῃ τῇ πατρικῇ.*»

Ex quibus evadunt hae duae sententiae. Altera, λόγον non incarnatum non fuisse divinam personam, ex quo vero concludere non licet, Beryllum λόγον omnino aeternitatem derogasse. Eodem modo Hippolytus, qui voluit, λόγον quidem fuisse aeternum, sed non aeternam personam, cum carne assumpta personam demum factum esse ²⁰⁾. Altera, Christo non aliam, nisi paternam, deitatem inhabitasse. Itaque quoad deitatem nullum inter Patrem et Filium statuebat discrimen, quum illud, quod περιγραφῇς nomine designabat, hoc igitur, divinam substantiam in Patre totam atque absolutam fuisse, in Filio vero finibus quibusdam circumscriptam. Ad quam sententiam facile adduci potuit hac Hippolyti sententia, λόγον non incarnatum non fuisse perfectum atque unigenitum Filium dei, sed perfectum Filium dei tunc demum factum esse, quum humanam assumpsisset naturam ²¹⁾. Quum enim humana natura finibus circumscribatur, sequitur, λόγον incarnatam ex Hippolyti sententia limitibus fuisse coercitum ²²⁾.

Quod si recte disputavimus, sequitur, Hippolytum adeo vim quandam exercuisse in Sabellium, quippe cuius doctrinam cum Berylli cohaesisset, satis constet ²³⁾. Atque his, quae de cujusvis illorum virorum doctrina servata sunt, comparatis, Sabellii similior videtur Hippolytus quam Berylli. Beryllum enim de Christi naturis locutum esse tantum refertur, num vero de spiritu sancto disputaverit, haec quidem quaestio hodie

schrift. 1822. 3tes Heft. pag. 330. Ullmann theologische Studien und Critiken. 1836. Heft 4. pag. 1076 et 1089.

17) Hipp. cont. Noët. capp. 1—8. imprimis cap. 1. *Ἐν (Νόητος) τὸν Χριστὸν αὐτὸν εἶναι τὸν πατέρα, καὶ αὐτὸν τὸν πατέρα γεννηθῆναι καὶ πεπονθῆναι καὶ ἀποπεθνήσκειν.* Cf. Schleiermacher l. l. pag. 319 sqq.

18) Cf. Ullmann l. l. pag. 25. Schleiermacher igitur minus recte contendit, Noëtum et Beryllum plane idem docuisse. l. l. pag. 330 et 331. Cf. Ullmann theol. Stud. l. l. pag. 1089. 19) VI, 33.

20) Cf. §. 61. not. 16. 17. 23. 21) Cf. §. 61. not. 16.

22) Hipp. et Beryllum esse conjungendos, magis elucebit, si quae de Berylli doctrina Ullmannus (l. l. cap. IV. et theol. Stud. l. l. pag. 1073 sqq.) acutissime disputavit, contuleris cum his, quae de Hipp. doctrina supra (§. 61.) attulimus. Ita e. c. utrumque Christo animam humanam concessisse.

omnino non solvi potest. Hippolytus autem de notionibus trinitariis amplius disseruit; docuit, duas tantum esse personas, Patrem atque Filium; λόγος vero non incarnatam et spiritum sanctum personas esse negavit; contendit, κατὰ τὴν δύναμιν deum esse unum, quod vero ad oeconomiam attineret, triplicem esse revelationem. Nonne simillima est doctrina Sabellii, qui unum deum triplici modo Patrem, Filium, Spiritum sanctum se revelasse contendit²⁴⁾?

Schleiermacherus ipse, qui quidem voluit, Hippolytum in partibus orthodoxorum fuisse, concessit tamen, ejus doctrinam ad Arian vel Berylli vel Sabellii sententias quodammodo accessisse²⁵⁾. Nolumus negare, Hippolytum non ubique satis accurate atque perspicue, disseruisse, nec deesse locos, qui in Athanasii sententiam verti possint, nam saepe tropice non adhibita dialectica arte locutus est; tenemus tamen locos supra (§. 61.) laudatos, ex quibus apparet, illum dogma, quod postea auctore Athanasio tanquam ecclesiasticum stabilitum est, nullo modo probare potuisse.

Haec hactenus! Hic insistamus, nam neque est hujus loci, quomodo dogma de trinitate sensim sensimque ex cultum sit, copiosius narrare, neque nostrae juveniles vires sufficiant, rem gravissimam atque obscuram accurate exponere. Si vero haud inepte disputaverimus, testimonium Hippolyti celeberrimi patris, qui ex schola, ut ita dicam, Joannis apostoli originem duxit, argumento alicui sit theologis, qui recentissimo tempore Sabellii doctrinam propius quam Athanasii disputationes ad verum scripturae verbum accedere docent, quique rejiciunt artificiosam illam dogmatis de trinitate formam tanquam non ex sacris scriptis, sed a philosophis in theologiam delatam.

Quid vero mirum est, quod Hippolytus ab Alexandrinis, a quibus dogma ecclesiasticum ex cultum est²⁶⁾, ita discessit, quum postulare, ut theologus non ex alio fonte quam ex sacris scriptis hauriret²⁷⁾? Qualis quum fuerit Hippolytus, num ne catholici etiam nunc eum Romanis scriptoribus esse annumerandum volent? Vix putaverim, illos pro sua re aliquid gloriolae petere posse ex Hippolyti sincera doctrina, qualem hucusque ex locis superstitibus depinximus. Nec minus orthodoxi, quos dicunt, qui traditionem majoris quam scripturam sacram aestimare videntur, respiciant ad historiam, ne certamine ducto detrimentum capiant ecclesiae Domini nostri!

23) Cf. Neander l. l. pag. 1018. Schleiermacher l. l. pag. 358. Ullmann theol. Stud. l. l. pag. 1090.

24) Basilii epist. 210. τὸν αὐτὸν θεὸν ἓνα τῷ ὑποκειμένῳ ὄντι, πρὸς τὰς ἐκείνῃ παραπλοῦσας χάριτας μεταμορφούμενον, εἶναι μὲν ὡς πατέρα, εἶναι δὲ ὡς υἱόν, εἶναι δὲ ὡς πνεῦμα ἅγιον διαλλέμενον. Cf. Neander l. l. p. 1021. Schleiermacher l. l. p. 356 usque ad finem.

25) Cf. l. l. p. 327.

26) Cf. Schleiermacher l. l. p. 356 et 402.

27) Cont. Noët. cap. 9.

Πάν ὅτι ἂν ποιῆτε, ἐν λόγῳ ἢ ἐν ἔργῳ, πάντα ἐν ὀνόματι κυρίου Ἰησοῦ, εὐχαριστοῦντες τῷ θεῷ καὶ πατρὶ δὲ αὐτοῦ.

Ad Colossenses 3, 17.

Conspectus libelli.

Pars I.	De Hippolyti vita, (§§. 1—12.)	pag. 1—13
	Prooemium, (§§. 1. 2.)	— 1—4
	Cap. I. Quaeritur, quo tempore Hippolytus vixerit, (§§. 3—7.)	— 5—9
	Cap. II. Quaeritur, quo loco Hippolytus functus fuerit episcopatu, (§§. 8—12.)	— 9—13
Pars II.	De Hippolyti scriptis, (§§. 13—56.)	— 14—54
	Prooemium, (§. 13.)	— 14—17
	Cap. I. De libris chronologicis, (§§. 14—17.)	— 17—21
	Cap. II. De libris exegeticis, (§§. 18—38.)	— 22—36
	Cap. III. De libris dogmaticis apologeticisque, (§§. 39—52.)	— 37—51
	Appendix I. De libris nonnullis, qui non jure Hippolyto adscripti sunt, (§§. 53—55.)	— 51—53
	Appendix II. De libris nonnullis Hippolyto adscriptis, qui hodie non leguntur, (§. 56.)	— 53. 54
Pars III.	De dignitate, quae Hippolyto theologo attribuenda sit, (§§. 57—64.)	— 55—61

Corrigenda.

Pag. 1	lin. 26	pro diversum lege diversam.
— 8	— 46	— p. 8 et 143 lege p. 4 et 56.
— 6	— 48	— p. 92 lege nro 2. p. 37.
— 8	— 7	— laudet lege laudat.
— 9	— 12	— sin lege si.
— 31	— 24	} — quatuor lege tribus.
— 32	— 34	
— 43	— 1	— qua e lege quae.
— 49	— 18	— proposuisset lege proposuisset.

C 684.89
De Hippolyto episcopo,
Widener Library 003282296



3 2044 081 740 227